

EX LIBRIS

*Co: Ludovici Pelleatti
e Portogruario.*

BIBLIOTECA
SEMINARIO V.
PORDENONE

mu/c

68

XII-12

~~Memoranda~~

AESOPUS

PHRYGIS, ET

ALIORVM FABLE


EVLA E.



Quorum nomina sequenti pagella videre licet.

hic fides est mei heredes De Facories

VIRTVTE DVCE,



COMITE FORTVNA.

APVD SEB. GRYPHIVM

LVGDVNI.

1548.

hic fides est mei



19021A

THE BIBLIOTHECA

FABULARVM QVAE HOC

IN LIBRO CONTINENTVR

interpretes, atq; autores.

Laurentius Valla.	Pagina	49
Gulielmus Gudianus		93
Hadrianus Barlandus.		117
Gulielmus Hermannus.		133
Rimicius.		147
Erasmus.		189
Angelus Politianus.		193
Petrus Crinitus.		194
Ioannes Antonius Campanus.		195
Plinius Secundus Nouocomensis.		196
Aulus Gellius.		196
Nicolaus Gerbelius Phorcensis.		200
Laurentius Abstemius		203
Huius nunc alterum acceßit hecatomylhium: hoc est, cen- tum fabularum libellus.		249

REVINTYHO 502 ONA

ANVCDVA

8411



1 5 0 2 1 1
AESOPIFA-
BVLATORIS
VITA,

E Græca Maximi Planudis Latina facta.



ERVMLuminarum naturam
persecuti sunt & alij, & posteris
tradiderunt: Aesopus uero uidetur
nō absq; diuino afflatu cum mora-
lem disciplinā attigisset, magno in-
teruallo multos eorum superasse,
etenim neq; definiendo, neq; ratio-
cinando, neque ex historia, quam ante ipsius ætatem tulit
tempus, admonendo, sed fabulis penitus erudiendo sic au-
dientium uenatur animos, ut pudeat ratione præditos face-
re, aut sentire, quæ neq; aues, neq; uulpes, & rursus non ua-
care illis, quibus pleraque bruta tempore prudenter uacaf-
se finguntur: ex quibus aliqua pericula imminētia effuge-
runt, aliqua maximam utilitatem in opportunitatibus conse-
cuta sunt. Hic igitur, qui uitam suam philosophicæ Reipub.
imaginem proposuerat, & operibus magis quàm uerbis
philosophatus, genus quidem traxit ex Ammorio oppido
Phrygiæ, cognomēto Magnæ, sed fortuna fuit seruus. Qua-
re & magnopere mihi uideatur Platonis illud in Gorgia
pulchrè simul & ucrè dictum: Plerunq; enim hæc, inquit,
contraria inter se sunt, natura simul, ac lex. Nam Aesopi
animum natura liberum reddidit: sed hominū lex corpus
in seruitutem tradidit. Potuit tamen ne sic quidem animi li-
bertatem corrumpere. Sed quamuis ad res uarias, & in

diuersa loca transferret corpus, à propria tamen sede il-
 lum traducere non potuit. Fuit autem non solum scrupus,
 sed & deformissimus omnium suae ætatis hominum. nam
 acuto capite fuit, pressis naribus, depresso collo, prominen-
 tibus labris, niger (unde & nomen adeptus est: idem enim
 Aesopus, quod Aethiops) uentrosus, ualvus, & incuruus,
 fortasse & Homericum Thersiten turpitudine formæ su-
 perans. Hoc uero omnium in eo pessimum erat, tardiloquen-
 tia, & uox obscura simul, & inarticulata. Quæ omnia
 etiam uidentur seruitutem Aesopo parasse. Etenim mirum
 fuisset, si sic indecenti corpore potuisset seruientium retia
 effugere. Sed corpore sanè tali, animo uero solertissimo na-
 tura extitit, & ad omne commentum felicissimus. Possessor
 igitur ipsius tanquam ad nullum domesticum opus commo-
 dum, ad fodiendum agrum emisit. Ille uero digressus ala-
 criter operi incumbebat, Profecto, uero aliquando & hero
 ad agros, ut inspectionem operarum faceret, agricola qui-
 dā ficos egregias decerptas dono tulit. Ille uero fructus de-
 lectatus pulchritudine, Agathopodi ministro (hoc enim
 erat nomen pueri) seruare iussit, ut sibi post balneum ap-
 poneret. Cum uero ita euenisset, atq; Aesopus ob quandam
 necessitatem ingressus esset in domum, occasione capta,
 Agathopus consilium huiusmodi conseruo cuidam offert,
 Impleamur, si placet, ficibus heus tu: & si herus noster
 has requisierit, nos contra Aesopum testificabimur ambo,
 quod in domum ingressus sit, ficusq; clam comederit: &
 super uero fundamento, uidelicet quod domum ingressus
 sit, multa mendacia struemus. neq; enim quicquam poterit
 unus contra duos, præsertim cum sine probationibus ne-
 mutire quidem audeat. Viso uero hoc, ad opus accesserunt,
 & ficius deuorantes, dicebant in singulis cum risu, Væ tibi
 infelix

infelix Aesope. Cum igitur herus rediisset a lauacro, & ficus petiisset, audiisset autem quod Aesopus eas comedi-
 disset, Aesopum cum ira iubet uocari, & locato ait, Dic
 mihi o execrande, ita me contempsisti, ut in penarium in-
 gredereris, & paratas mihi ficus comederis? Ille audiebat
 quidem, & intelligebat; loqui autem nullo modo poterat
 ob linguae tarditatem. Cum iam uerberandus esset, & dela-
 tores uehementiores instarent, procumbens ad heri pedes,
 ut sustineret se parum, orabat. Cum autem cucurrisset, &
 tepidam aquam attulisset, eam bibit: & digitis in os demis-
 sis, humorem solum reiecit: nondum enim cibum attigerat.
 Orabat igitur ut idem & accusantes facerent, quod manife-
 stum fieret, quisnam ficus dissipasset. Herus autem ingenium
 hominis admiratus, sic facere & alios iussit. Illi autem de-
 liberauerant bibere quidem aquam, non tamen demittere
 in guttur digitos, sed per obliqua maxillarum eos circum-
 ferre. Vix dum autem biberant, cum tepida illa aqua, nau-
 sea potis inducta, effecit ut sponte fructus redderetur. Tunc
 igitur ante oculos posito maleficio ministrorum, & calu-
 mnia; herus iussit eos nudos flagris cedi. Illi uero cogno-
 uerunt manifeste dictum illud: Qui in alterum dolos struit,
 sibi inscius malum fabricat. Sequenti uero die hero in urbem
 reuocato, Aesopo uero fodiente, quemadmodum iussus fue-
 rat, sacerdotes Dianæ, siue alij quipiant homines cum a
 uia aberrassent, Aesopum nacti, per Iouem hospitalem obse-
 crabant hominem, ut quæ in urbem duceret, uiam ostende-
 ret. Ille cum sub umbram arboris uiros adduxisset prius, &
 frugalem apposisset coenam, inde & dux factus ipsis, in
 quam quærebant uiam induxit. Illi autem tum ob hospitali-
 tatem, tum quod dux eorum fuisset, mirum in modum uiro
 deuincti, manus in cælum eleuarunt, & precibus benefacto-



rem remunerati sunt. Aesopus uero reuersus, inq; somnum lapsus ob assiduum laborem & aestum, uisus est uidere Fortunam astantem sibi, & solutionem linguae sermonisq; cursum, & eam quae fabularum est, doctrinam largiri. Statim igitur excitatus ait, Pape ut suauiter dormui: sed & pulchram somnium uidere uisus sum, ecce, expedite loquor, bos, asinus, rastrum. Per Deos intelligo unde mihi bonum accesserit hoc: quoniam enim pius fui in hospites, propitium numen consecutus sum. Ergo benefacere bona plenum est spe. Sic igitur Aesopus letatus factus rursus coepit fodere. Praefecto agri (Zenas erat ipsi nomen) ad operarios profecto, & horum unum, quoniam leuiter errauerat in opere, uirga uerberate, Aesopus statim exclamauit, Homo cuius gratia cum, qui nullam iniuriam fecit, sic uerberas? & omnibus temere plagas ingeris quotidie? omnino renuntiabo haec heros. Zenas autem haec ab Aesopo audiens, obstupuit. non mediocriter, secumq; ait, Quod Aesopus loqui coeperit, nulla mihi utilitas erit: prauectam igitur ipse, & accusabo eum coram domino, ante quam hoc ipsum faciat, & me herus procuracione praeuet. His dictis, in urbem uectus est ad dominum. Ceterum turbatus cum accessisset: Salue, inquit, heres. Ille uero: Quod perturbatus ades? inquit. Et Zenas, Res quaedam monstrosa in agro contigit. At herus, Nunquid arbor praeter tempus fructum tulit? aut iumentum aliquod praeter naturam genuit? Et ille, Non ita, sed Aesopus qui antea erat mutus, nunc loqui coepit. Ad haec herus, Sic tibi nihil boni fiat hoc existimanti monstrum esse. Ille autem: Sane, inquit: nam quae in me contumeliose dixit, sponte praeter eo heres: in te autem et Deos intolerabiliter conuiciatur. His ira percitus herus, Zenae ait, Ecce tibi traditus est Aesopus, uede, dona, quod uis de eo, fac. Cum Zenas autem in potestate sua accipisset

cepisset Aesopum, quodq; in eum haberet imperium, et re-
 munitasset ille, Quodcumq; visum tibi fuerit, inquit, effice.
 Accidit autem, cum uir quidam iumenta uellet emere, et
 propterea per agrum illum iter faceret, Zenam rogauit.
 Ille, Iumentum, inquit, mihi uendere non licet, sed manci-
 pium masculum: quod si uis emere, adest. Cum uero merca-
 tor iussisset ostendi sibi seruulum, et Zenas Aesopum ac-
 cessisset, mercator uidens ipsam, et cachinnatus: Vnde tibi,
 inquit ad Zenam, haec olla? utrum truncus est arboris? an
 homo hic nisi uocem haberet, ferme uideretur uter infla-
 tus. Quare mihi iter interrupisti huiusce pueruli gratiae?
 His dictis, iter suum prosequubatur. Aesopus uero insecutus
 ipsam: Mane, inquit. Ille autem conuersus: Abi, inquit, a me
 sordidissime canis. Aesopus autem, Dic mihi, cuius rei causa
 huc uenisti? Et mercator, Scelereste, ut aliquid boni emerem:
 te quod inutilis et marcidus sis, non egeo. Aesopus contra,
 Emec me, et si qua est fides, multum te iuuare potis sum.
 Ille, Qua in re a te iuuari possem, cum sis odium penitus?
 Et Aesopus, Nonne adsunt tibi pueruli domi turbulenti,
 et flentes? his praefice me. paedagogum: omnino eis pro
 larua ero. Ridens igitur de hoc mercator, inquit Zenas,
 Quanti malum hoc uendis uas? Ille uero, Tribus, inquit,
 obolis. Mercator autem statim tres obolos soluit, dicens,
 Nihil expendi, et nihil emi. Quum igitur iter fecissent, ac
 peruenissent in suam domum, pueruli duo, qui adhuc sub ma-
 tre erant, Aesopo uiso perturbati exclamauerunt. Aesopus
 autem statim mercatori inquit, Habes meae pollicitationis
 probationem. Ille uero ridens ingressus, inquit, Saluta con-
 sferuos tuos. Introgressum autem, ac salutantem uidetes illi,
 Quodnam malum nostro hero, inquit, contigit, ut seruulum
 adeo deformem emerit? Sed ut uidetur, pro fascina domus huc

emit. Non multo uerò post & mercator ingressus, appa-
 ri res ad iter seruis iussit, quòd postridie in Asiam profectu-
 rus esset. illi igitur statim uasa distribuebant. At Aesopus
 rogabat leuissimum onus sibi concedi tanquam nuper em-
 pto, & nondum ad hæc ministeria exercitato. His autem
 & si nihil tollere uelit, ueniam præbentibus, ille non opor-
 tere dixit omnibus laborantibus, se solum inutilem esse. His
 quod attollere uellet permittentibus, huc & illuc cum cir-
 cumspexisset, & uasa congregasset diuersa, saccos, & stra-
 menta, & canistros, unum canistrum panis plenum, quæ
 duo baiulare debebant, sibi imponi iubet. Illi autem riden-
 tes, & nihil esse stilius uili hoc seclæsto inquietes, qui cum
 paulò ante leuissimū postularat tollere onus, nunc omnium
 grauissimum elegisset, oportere tamen desiderium eius ex-
 plere: sublatum canistrum imposuerunt Aesopo. Ille uerò
 humeris onere grauatis huc & illuc dimouebatur. Hunc
 uidens mercator, admiratus est, & inquit, Aesopus cum ad
 laborandum promptus sit, iam suum pretium persoluit, iu-
 menti enim onus sustulit. Cum uerò hora prandij diuertis-
 sent, Aesopus iussus panes dispensare, seminuacuum canistrū
 multis comedentibus fecit: Vnde etiam post prandium le-
 uiore onere factò alacrius incedebat. Verum uespere quoq;
 illic, quò diuerterat, panem distributo, postera die uacuo omni-
 no in humeros sublato canistro, primus omnium ibat, & con-
 seruis, qui huc animaduerneret præcurrente, dubiū faceret,
 utrum putridus esset Aesopus, an quis alius: & illi cum co-
 gnouissent eū esse, admirarentur, quòd denigratus homin-
 cio solertius omnibus fecisset, quoniā qui facile absumeren-
 tur panes, sustulisset, cum illi stramenta, & reliquā supelle-
 ctilem baiularent, quæ ea non sit natura, ut sic absumatur.
 Mercator itaque cum esset Ephesi, alia quidam mancipia
 cum

eum lucro uendidit: remanserunt autem ei tria, Grammaticus; Cantor, & Aesopus. Cum uero quidam ex familiaribus ei suasisset, in Samum ut nauigaret, tanquam ibi cum maiore lucro diuenditurus seruulos, persuadet. Cum autem mercator peruenisset in Samum, Grammaticum quidem & Cantorem, utrumque noua ueste indutum statuit in foro: sed Aesopum quoniam nulla ex parte poterat ornare (totus enim erat mendosus) ueste ex sacco ei circumposita, medium inter utrumque constituit, ut & uidentes stupescerent, dicentes, Vnde haec abominatio, quae & alios obscurat? Aesopus autem quamuis à multis morderetur, stabat tamen audacter in ipsos intuens. Xanthus uero philosophus habitans tunc Sami profectus in forum, & uidens duos quidem pueros cum ornatu astantes, medium uero horum Aesopum, admiratus est mercatoris commentum: namque turpem in medio collocauerat, ut appositione deformis, pulchriores seipsum adolescentuli apparerent. Propius autem astans, percontatus est Cantorem cuius esset. Et is, Cappadox. Tum Xanthus, Quid igitur scis facere? Hic, Omnia. Atque ad haec Aesopus risit. Discipuli uero, qui cum Xantho una erant, ut uiderunt ipsum risisse, & ostendisse dentes, statim aliquod monstrum uidere arbitrati sunt. Vno autem dicente, Certe hernia est, dentes habens: Alio uero, Quid nam uidens risit? Alio, non risisse, sed riguisse: omnibus autem uolentibus cognoscere cur risisset, unus ipsorum accedens, Aesopo inquit, Cuius rei gratia risisti? Et is, Abscede marina ouis. Illo uero confuso funditus eo sermone, repenteque secedente, Xanthus inquit mercatori, Quanto pretio Cantor? Illo autem nulle obolis respondente, ad alium iuit, immenso audito pretio. Atqui & hunc rogante philosopho, cuius nam foret, & audito Lydum esse, rursusque rogante, Quid ergo

scis facere? & illo dicente, Omnia, iterum risit Aesopas. Ex
 scholasticis autē quodā dubitante, quidnam hic ad omnes
 ridet? Alius ei dixit, Si uis & tu marinus hircus uocari, ro-
 ga. Xanthus autem rursus rogauit mercatorem, Quanto
 pretio Grammaticus? Et ille, Tribus millibus obolorum,
 respondit. Aegre tulit Philosophus immensum pretium,
 & auersus discedebat. Scholasticis autē petentibus, an non
 placuerint ei seruuli: Nae, inquit, sed decretum est, nō eme-
 re mancipium pretiosum. Vnus autē ipsorum dixit, Si hæc
 ita se habent, igitur turpē hunc quin emas, nulla lex uetat:
 idem enim & hic ministerium afferet, & nos pretiū huius
 impendemus: ad hæc Xanthus ait, Ridiculum esset, uos sob-
 uisse pretium, me autē seruū emisse: alioqui & uxorcū-
 la mea mundiciæ studiosa, non ferret à deformi seruulo scri-
 uiri sibi. At scholastici rursus dixerunt, in promptu est sen-
 tentia, ne parcatur fœminæ, tunc Philosophus, Faciamus
 prius periculum, an sciat aliquid, ne & pretium incassum
 pereat. Adiens igitur Aesopum, Gaude, inquit. Et ille,
 Num nam tristabar? Et Xanthus, Saluto te. Ille autem,
 Et ego te. Xanthus unā cum alijs inexpectato, & prom-
 pto responso stupefactus rogauit, Cuias es? Ille, Niger.
 Et Xanthus, Non hoc inquā, sed unde natus sis. Et is, Ex
 ventre matris meæ. Non hoc dico, sed in quo loco na-
 tus sis. Et ille, Non renunciauit mihi mater mea, utrum
 in sublimi loco, an in humili. Et philosophus, Quid uerā
 facere nosti? Ille, Nihil. Et Xanthus, Quomodo? Quo-
 niam hi omnia nosse professi sunt, mihi autem relique-
 runt nihil. Atq; his scholastici uehementer delectati, Per
 diuinam prouidentiam, dixerunt, ualde bene respondit:
 nullus enim est homo, qui omnia norit: & propterea
 scilicet risit. Rursus igitur Xanthus inquit, Vis emā-
 te? Et Aesopus, Me hac in re consultore egēs? Vtrum

tibi uidetur melius, aut emere, aut non, fac: nullus enim quidquam ui facit. hoc in tua positum est uoluntate: & si uolueris, crumena ianuam aperiens, argentum numerata: sin uero minime, ne cauillare. Rursus igitur scholastici inter se dixerunt, Per deos superauit præceptorem. Xanthus uero cum dixisset, Si emero te, fugere uoles? Respondens Aesopus ait, Hoc si uoluero facere, nullo modo utar te consultore, ut & tu paulo ante, me. Et Xanthus, Bene dicis, sed deformis es. Et ille, Mentem inspicere oportet o philosophe, & non faciem. Tunc mercatorum adiens Xanthus, inquit, Quanti hunc uendis? Et ille, Ut uituperes meas merces, ades, quoniam te dignis ommissis pueris, deformem hunc eligis: alterum horum eme, hunc autem auctarium accipe. Et Xanthus, Non certe, sed hunc. Et mercator, Sexaginta obolis, eme. At scholastici confestim collatos exposuerunt: Xanthus autem possedit. Itaque publicani uenditione cognita, adierant indignantes, quis uendiderit, quis emerit: at cum puderet utrumque se pronunciare propter uilitatem pretij, Aesopus stans in medio exclamauit, Qui uenditus est, ego sum: qui emit, hic: qui uendidit, ille. si uero ipsi tacuerint, ego igitur liber sum. publicani uero diffusi gaudio, donato Xantho uestigiali, abierunt. Aesopus igitur sequebatur in domum euntem Xanthum. Cum meridians autem esset, Xanthus inter decambulandum pallium trahendo mungebat. Quod uidens Aesopus, uestibus illius apprehensis retro, ad seipsum traxit, atque inquit, Quam celerime me uende, quoniam fugiam. Et Xanthus, Quamobrem? Quoniam, inquit, non possem tali seruire heros, si enim tu, qui herus es, & neminem times, tamen relaxatione non præbes naturæ, sed cundo mungis: si obtigerit seruū me ad ali-

quod

quod mitti ministeriū, & inter eundū tale quid exigit natura, necesse omnino fuerit uolādo cacare. Et Xanthus, Hoc te turbat? tria mala uolens euitare, eundo mingo. Et ille, Quæ? Et hic, Stanti mihi, caput perussisset sol: pedes uero terræ solum torridū: lotij autē acrimonia, olfactum offēdisset. Tunc Aesopus, Vade, persuasisti mihi. Postquam autē domi fuerunt, Xanthus iubens Aesopo manere ante uestibulum, quoniam elegantiusculā esse sibi mulierculam sciebat, neq; oportere ilico talem turpitudinem ei ostendi, ante quā aliquis ipsi urbana diceret: ipsi ingressus dicit, Domina, non etiam posthac obijcies ministerium, quod mihi tuæ pedissequæ præstant: iam enim & ego paucum tibi eni, in quo uidebis pulchritudinem, qualē nunquam uidisti, qui et iam ante uestibulum stat, & ille quidem hæc, Pedissequæ autem uera existimantes, quæ dicta fuerant, inter se non mediocriter contendebant, cuiam ipsarū sponsus nuper emptus futurus sit. Xanthi uero uxore intro uocari nouitium iubente mancipium, una ex alijs magis accelerans, & ut arrabonem uocationem arripiciens, nouitium seruū egressa accersebat. Et illo dicente, Ecce ego adsum: stupefacta, Tu, inquit, es? Et hic, Næ. Et illa, Sine inuidia, ne ingrediaris intro; omnes alioqui fugient. Alia tamen egressa, cumq; intuita, Cædatur tua, inquit, facies, & huc ingredi, sed ne appropinques mihi. Ingressus stetit coram domina: quæ cum uidisset, oculos auertit ad uirum, inquit, Vnde mihi hoc monstrum attulsti? abijce ipsum a facie mea. Et ille, Satis tibi domina: ne incum submorde nouitium seruū. Hæc autem, Videris Xanthe me perosus, aliam inducere uelle: & forte dum pudet dicere mihi ut tua domo abscedam, mancipitem mihi hunc apportasti, ut eius ægre laturo ministerium fugiam. Da igitur

tur mihi dotem meam, atque ibo. Ad hæc Xantho increpante Aesopum tanquam in itinere urbana quædam locutum de mictu inter eundem, nunc uerò mulieri nihil dicentem, Aesopus ait, Projice ipsam in barathrū. Et Xanthus, Tace scelus, an nescis me hæc, ut meipsum, amare? Et Aesopus, Amas mulierculam? Et ille, Admodum quidem, fugitiue. Ad hæc Aesopus, pulsato medio pede, ualde exclamauit, Xanthus philosophus uxorius est. Et uersus ad suam dominam ait, Tu ô domina uelles philosophum emisse tibi seruum iuuenem, bono habitu, uigentem, qui te nudam in balneo spectaret, & tecum luderet in dedecus philosophis? O Euripedes, aureum ego tuum inquam os, talia dicens, Multi impetus fluctuum marinorum, multi fluminum, & ignis calidi flatus: dura res paupertas, dura & alia infinita: tamen nihil æque durum, ut mulier mala. Tu uerò ô domina philosophi uxor à pulchris adolescentulis tibi ut ministretur noli, ne quo pacto contumeliam uiro tuo inflixeris. Illa hæc audiens, cum nihil contradicere posset, Vnde uir, inquit, pulchritudinem hanc uenatus es? sed & loquax putridus hic uidetur, & facetus, reconciliabor igitur ei. Tum Xanthus, Aesope, reconciliata est tibi tua hera. Et Aesopus ironice loquens, Magna res, inquit, placare mulierem. Et Xanthus, Tace posthac, emi enim te ad seruiendum, non ad contradicendum. Postera die Xanthus Aesopo sequi iusso, ad hortum quendam iuit empturus olera. Cum uerò olitor fasciculum olerum messuisset, accepit Aesopus. Xantho autem soluturo iam hortulano pecuniam, hortulanus, Sine, inquit, here, unum problema à te desidero. Et Xanthus, Quidnam? Tum ille, Quid ita, ut quæ à me plantantur olera, quamuis diligenter & fodiantur, & irrigentur, tardum tamen suscipiunt incrementum

mentum: quibus uero spontanea e terra pullulatio, etsi nulla cura adhibetur, ijs tamē celerior germinatio? Xanthus igitur (licet philosophi quæstio foret) cum nihil aliud sciret dicere, A diuina prudentia & hoc inter cætera gubernari inquit. Aesopus uero (aderat enim) risit. Ad quem philosophus, Rides' ne, an derides? Et Aesopus, Derideo, inquit, sed non te, uerum qui te docuit. Quæ enim à diuina prouidentia fiunt, hæc à sapientibus uiris solutionem sortiuntur: oppone itaq; me, & ego soluam problema. Interim itaq; Xanthus conuersus inquit olitori, Minime omnium decens est o amice, me, qui in tantis auditorijs disceptauerim, nunc in horto soluere sophismata: puero autem huic meo, qui consequentia multorum callet, si proposueris, solutionem consequeris quæsitum. Et olitor, Hic turpis literas noui? o infelicitatem, sed narra o optime, si quæsitum declarationem nosti. Et Aesopus: Mulier, inquit, cum ad secundas nuptias iucrit, liberis ex priore uiro susceptis, si uirum quoq; inuenerit filios ex priore uxore genuisse, quos ipsa filios adduxit, horum mater est: quos inuenit penes uirum, horum est nouerca. multam igitur utriusq; ostendit differentiam: nam quos ex se genuit amamur & accurate nutrire perscuerat, alienos uero partus odit, & inuidia utens, illorum cibos diminuens, suis addit filiis. Illos enim natura quasi proprios amat: odio autem habet, qui uiri sunt, quasi alienos. Eodem modo & terra, eorum quæ ipsa ex se genuit, mater est: quæ autem tu plantas, horum est nouerca: huius rei gratia, quæ sua sunt, ut legitima magis nutrit, ac fouet: à te autem plantatis ut spurrijs non tantum alimentum tribuit. His delectatus olitor, Credideris mihi, inquit, quod me graui sollicitudine hac garritate leuaris. Abi gratis ferens olera, & quoties tibi his opus est,

opus est, tanquam in proprium hortum uadens accipe.
Post dies aliquot rursus in balneum proficiscitur Xanthus.
Quibusdam autem amicis ibi inuentis, ad Aesopum lo-
quitur, ut in domum currat, & lentem in ollam iniectam
coquat. Ille abiens, granum unum lentis in ollam iactum
coquit. Xanthus ergo una cum amicis lotus uocauit hos
compransuros, praefatus tamen & quod tenuis esset futu-
ra coena, utpote ex lente, quodq; non oporteret uarietate
ferculorum amicos iudicare, sed probare uoluntate. His uero
profectis, & in domum ingressis, Xanthus inquit, Da nobis
a balneo bibere Aesope. Illo uero ex defluxu balnei acci-
piente & tradente, Xanthus foetore repletus: Hem quid
hoc, inquit, Aesope? Et ille, A balneo, ut iussisti. Xanthus
autem praesentia amicorum iram compescente, & peluum
sibi apponi iubente, Aesopus pelui apposita stabat. Tunc
& Xanthus, Non lauas? Tum ille: Iussum est mihi ea face-
re, quae iusseris: tu nunc non dixisti, Inijce aquam in peluum,
& laua pedes meos, & pone soleas, & quaecumq; deinceps.
Ad haec igitur amicis Xanthus ait, Num enim seruum cuius
nullo modo, sed magistrum. Discumbentibus itaq; ipsis, &
Xantho Aesopum rogante, an cocta sit lentis, cochleari ac-
ceptum ille lentis granum tradidit. Xanthus accipiens, ac-
ratius gratia faciendi periculum coctionis lentem accepis-
se, digitis conferens ait, Bene cocta est, affer. Illo solum
aquam uacuante in scutellas, & apponente, Xanthus,
Vbi est lentis? inquit. Et is, Accepisti ipsam. Et Xanthus,
Vnum granum coxisti? Tum Aesopus, Maxime: len-
tem enim singulariter dixisti, non lentes, quod plurati-
ue dicitur. Xanthus ergo prorsus consilij inops, Viri socij,
ait, hic ad insaniam me rediget. Deinde conuersus ad Ae-
sopum ait, Sed ne uidear improbe seruae amicis iniurius,
abiens

abiens eme pedes porcinos quatuor, & perceleriter coctos appone. Festinus hoc peragit: ac dum pedes coquerentur. Xanthus iure uolens uerberare Aesopū, cum esset in re aliqua ad usum occupatus, unum ex pedibus ex olla clanculū auferens, occulit. Paulō post autē & Aesopus ueniens, & ollā perscrutatus, ut tres solos pedes uidit, cognouit insidias sibi aliquas factas: & accurrens in stabulū, saginati porci unum ex quatuor cultro amputans, & pilis nudans in ollā iecit, ac coxit cū cæteris. Xanthus uerò ueritus ne Aesopus subreptū pedem nō inueniēs, fugeret: rursus in ollam ipsum iniecit. Aesopo autē in patinā pedes euante, ac quinque his apparentibus, Xanthus, Quid hoc, inquit, Aesope: quomodo quinque? Et ille, Duo porci quot habent pedes? Et Xanthus, Octo. Tum Aesopus, Sunt ergo hic quinque, & saginatus porcus inferius tripes pascitur. Xanthus admodum moleste ferens, amicis inquit, Non ne paulō antē dixi, quōd celerrimē hic me ad insaniam rediget? Et Aesopus, Here, nosti id quod ex additione & subductione in quantitatem secundum rationalem summam colligitur, nō esse errorem. Xanthus igitur nullam causam honestam inueniens uerberandi Aesopū, quieuit. Postridie autem ex scholasticis quidam sumptuosam apparans coenam, cum alijs discipulis & Xanthum inuitauit. Coenātibus igitur, Xanthus partes ex apposis accepit electas, & Aesopo ponē stanti dedit. Abi, inquit ei, beneuolēq; meæ hæc trade. Ille uerò decedēs secum cogitabat, Nunc occasio est ulcisci meam dominam, propterea quōd me cum nouitus ueni, cauillata est: uidebit igitur an hero meo bene uelit. Profectus itaq; in domum, sedit in vestibulo: & hera accita sportulam partium coram ipsa posuit, ac inquit, Hera, hæc omnia herus misit, nō tibi, sed beneuolē.

neuolet. Cumq; canē uocasset, atq; dixisset, Veni Lycena, comede, tibi enim herus hæc iussit dari: particulatim canē omnia proiecit. At post hoc ad herum regressus, & rogatus an beneuolet dederit omnia, Omnia, inquit, & corā me omnia comedit. Illo uerò iterum rogāte, Et quidnam edens ait? Et is, Mihi quidem nihil quidquam dixit, sed secum tibi gratias habebat. Vxor tamen Xanthi eam rem calamitosam esse arbitrata, nempe accusata, quòd uel caniculæ beneuolentia in uirum cederet, ac subdens sese non amplius in posterum cohabitaturam cum eo, ingressa cubiculum plorabat. Potu autem procedente, & quæstionibus alternis propositis, ac uno ex ipsis ambigente, quando futura esset ingens inter homines turbatio, Aesopus ponē stans, ait, Cum resurrexerint mortui, repētes quæ possederint. Et scholastici ridētes dixerunt, Ingeniosus est nouitiū hic. Alio uerò rursus proponente, quamobrem ouis ad eadē tractā, non exclamet, sus autem quā maxime uociferetur, Aesopus rursus ait, Quoniam ouis assucta mulgeri, aut etiam uelleris onus deponere, tacite sequitur, idcō etiam pedibus arrepta, & ferrum uidens, nihil graue suspicatur, sed illa usitata & solita uidetur passura: sed sus, ut quæ neq; mulgetur, neq; tondetur, neq; nouit ad horum aliquid trahi, sed carnes suas tantum usui esse, merito uociferatur. His sic dictis, discipuli rursus laudauerunt ipsum uersi in risum. Finito conuiuiū, & Xantho in domum reuerso, & uxorem pro more aggresso alloqui, illa ipsum auersata, inquit, Ne mihi propinquus fias, da mihi dotem meam, & abibo, non enim manserim tecum posthac: tu autem abiens canē adulare, cui misisti partes. Et Xanthus stupefactus ait, Omnino mali mihi aliquid rursus attulit Aesopus. Et uxori inquit, Domina, num me poto, tu ebria es? cui par-

tes misisti nonne tibi? Non per Iouem, mihi quidem minime, inquit illa, sed cani. Xanthus Aesopo accito inquit, Cui dedisti partes? Et ille, Beneuolæ tuæ. Et uxori Xanthus, Nihil accepisti? Et illa, Nihil. Et Aesopus, Cui enim iussisti, here, partes dari? Et ille, Beneuolæ meæ. Et Aesopus cane uocata, Hæc tibi, inquit, bene uult: nam mulier etsi bene uelle dicatur, tamen minima quaque recula offensa contradicit, conuiciatur, abijt: canem tamen uerberato, expellito, non tamen discedet, sed oblita omnium, statim benignè blanditur & cum gratia hero. Oportebat igitur dicere, here, Vxori has partes ferto, & non, beneuolæ. Et Xanthus, Vides domina non meam esse culpam, sed eius qui tulit? tolera itaque, nec decrit mihi occasio, qua cum uerberem. Illa uerò non credente, uerum clam ad suos parentes regressa, Aesopus inquit, Non rectè dixi ò here, canem tibi magis bene uelle, quam meam heram? Dicbus autè aliquot præteritis, & uxore irreconciliata manente, & Xantho affines quosdam ad ipsam, ut reuerteretur domum mittente: illa, cum cedere nollet, ac proinde Xanthus in mœrore esset, Aesopus adiens eum, inquit, Ne te affliçes here, ego enim eam cras uenire sponte & citissime faciam ad te. Accepta pecunia Aesopus in forum proficiscitur: ac emptis anseribus, & gallinis, & alijs quibusdam ad conuiuium idoneis, ambulans, domos circubabat: trāsibat igitur & ante domum parentum heræ suæ, ignorare simulans illorum esse, & in ea heram manere. Cumq; in quendam ex domo illa incidisset, rogabat, an aliquid ad nuptias utile domestici possent sibi uendere. Ille autem rogat, Cui est opus his? Xantho, inquit, philosopho: cras enim uxori copulandus est. Eo uerò ascendente, & uxori Xanthi hæc, ut audiuit, rennantiante, illa cursim, & properè ad Xanthum ilico pergit, contra

tra ipsum clamat, dicens inter alia & hæc, Non me uiuente, ô Xanthe, alteri uxori coniungi poteris. Sicq; mansit in domo per Aesopum, quemadmodum propter illum discesserat. Rursus post dies aliquot inuitans Xanthus discipulos ad prandium, Aesopo inquit: I, emc optimum quodque & præstantissimum. Ille inter eundem secum dicebat, Ego docebo herum non stulta mandare. Cum linguas igitur solum, suillas emisset, & apparasset discumbentibus, linguam assatam singulis cum salsamento apposuit. Discipulis laudantibus ut philosophicum primum ferculum, propter linguæ ad locutionem ministerium, rursus clixas Aesopus linguas apposuit: atque iterum etiam ferculo alio, atq; alio petito, ille nihil aliud quam linguas proponebat. Discipuli autem eodem subinde cibo repetito indignati, Quousq; linguas? inquirunt: quippe nos per diem linguas edendo, nostras doluimus. Xanthus inquit iratus, Nihil aliud tibi est Aesope? Et is, Non certè. Tum ille, Non'ne mandavi tibi sordidissime homule, optimum quodque, & præstantissimum obsonari? Et Aesopus, Multas habeo tibi gratias, quod me philosophis præsentibus increpaueris. Quid igitur fuerit lingua melius & præstantius in uita? omnis enim doctrina, & philosophia per ipsam monstratur ac traditur: per ipsam dationes, acceptiones, sora, salutationes, benedicentiae, musa omnis: per ipsam celebrantur nuptiæ, ciuitates eriguntur, homines seruantur. Et, ut breuiter dicam, per ipsam tota uita nostra consistit: nihil ergo lingua melius. Ob hæc discipuli Aesopum rectè loqui dicentes, aberrasse uerò magistrum, abire singuli in domum. Postridie rursus accusantibus ipsis Xanthum, ille respondebat, non secundum uoluntatem suam hæc facta fuisse, sed inutilis serui nequitia: hodie autè permutabit cœnam, & ipse præsentibus

Lingua nihil
melius.

Nil peius lin-
gua.

uobis cum eo colloquar. Ac uocato eo, uilissimum quodq;
& pessimum obsonari iubet, quod discipuli secū forent cœ-
naturi. Ille autem nihil mutatus, rursus linguas emit & ap-
paratas discumbentibus apposuit. Hi inter se submurmura-
bant, Porcinæ rursus linguæ. Et mox iterum linguas appo-
suit. Et ualde iterum, atque iterum. Xanthus autem iniquo
animo ferens, Quid hoc, inquit, Aesope? num rursus man-
dauit tibi optimum quodq;, & præstantissimum obsonari,
ac non potius uilissimum quodq;, & pessimum? Ille autem,
Et quid unquā peius lingua ô here? non ne urbes per ipsam
corruunt? non homines per ipsam interficiuntur? non men-
dacia omnia, & maledicta, & periuria per ipsam perfi-
ciuntur? non nuptiæ, & principatus, & regna per ipsam
euertuntur? non, ut summam dicam, uita omnis per ipsam
infinitorum errorum referta est? Hæc Aesopo dicente qui-
dam ex unâ discumbentibus Xantho inquit, Hic, nisi ualde
te ipsum munieris, non dubia erit insanix causa tibi: qualis
enim forma, talis & anima. Et Aesopus ad eum, Tu mihi
uideris, ô homo, prauus quidam, & curiosus esse, herum
irritans contra seruum. Xanthus autem ad hæc, causam cu-
piens uerberandi hominem, Fugitiue, inquit, quoniam cu-
riosum dixisti amicum, ostende mihi incuriosum hominem
adductum. Egressus igitur postridie in plateam Aesopus,
& eos, qui præteribant, circumspectans, uidet quendam in
loco quodam diu sedentem, quem iudicans secum otiosum
& simplicem esse, accedens inquit, Herus te inuitat secum
pransurum. Rusticus ille nihil sciscitatus neque quis esset à
quo inuitaretur, ingressus est in domum: & cum ipsis cal-
ceis, ut erant uiles, discubuit. Rogante autem Xantho,
Quis hic? Aesopus ait, Incuriosus homo. Et Xanthus uxo-
ri in aurem dicit ut sibi obsequeretur, & quod ipse iusserit
face

faccret, ut plagas Acfopo honesta ratione inferret. Deinde coram omnibus inquit, Domina aquam in peluim inijce, & pedes hospitis laua. Cogitabat enim secum omnino hospitem recusaturum. Acfopum uerò, quòd ille curiosus esset, uerberibus casum iri. Illa igitur iacta aqua in peluim, ibat pedes hospitis lotura. At ille cognoscens hanc esse domus dominam, secum loquebatur, Honorare me omnino uult, atque huius rei gratia suis manibus pedes meos uult lauare, cum ancillis queat hoc mandare. Extensis igitur pedibus, Laua, inquit, hera: ac lotus discubuit. Xantho autem iubente uinum hospiti dari quod biberet, rursus ille considerabat secum ipsos antè oportere bibere: sed quia sic ipsis uisum est, non opus mihi hæc inquirere. Accipiens igitur bibit. Prudentibus uerò, & ferculo quodam hospiti appposito, atque illo suauiter comedete, Xanthus cocum, quòd male hoc condidisset, criminabatur, atq; etiam nudum uerberibus afficiebat. Rusticus autem secum dicebat, Ferculum quidem optime coctum est, & nihil ei deest, quo minus rectè paratum sit: si autem absque causa uult suum seruum flagellare paterfamiliàs, quid ad me? Xantho autem ægreferente, neque iucundè affecto, quoniam nihil hospes curiose inquirebat, tandem placentæ allatæ sunt. Hospes uerò tanquam nunquam placentam gustasset conuoluens, & accipiens, ipsas ut panes comedeat. Xanthus autem pistorem accusauit, dixitq; ei, Cur nam ò execrande, absq; melle, ac pipere placentas præparasti? Ille inquit, Si cruda est, ò here, placentæ, me uerbera: si uerò non, ut oportebat, præparata est, non me, sed heram accusa. Et Xanthus, Si à mea hoc factum est uxore, uiuam ipsam nunc comburam. Atque iterum uxori innuit, ut sibi obsequeretur propter Acfopum. Cum igitur iussisset sarmenta in me-

dium afferri, pyram succendit, & arreptam uxorem prope pyram egit, ita ut crederetur ipsam in ignem esse immis-
 surus: differebat autem aliquo modo, & circumspiciebat ru-
 sticum, si quo modo assurgens, à tali audacia prohibere
 ipsum aggrediretur. Sed is secum rursus considerabat, Cum
 nulla adsit causa, quidnam sic irascitur? Deinde inquit, O
 paterfamiliàs, si hoc iudicas oportere fieri, expecta me pa-
 rumper, dum digressus abducam & ipse meam ex agro
 uxorem, ut ambas simul comburas. Hæc à uiro Xanthus
 audiens, & huius sinceritatem, ac generositatem admira-
 tus, Aesopo inquit, Ecce uerè homo incuriosus, habes acce-
 pta præmia uictoriæ: ô Aesope: satis est tibi de cætero, dein-
 uerò libertatem tuam assequeris. Postridie autem Xanthus
 iussit Aesopo in balneas ire, & scrutari, an multa adesset
 turba, uelle enim lauari. Abeunti autem prætor occurrens,
 & Xanthi ipsum esse cognoscens, interrogauit quoniam
 iret. Quod cum se is negasset scire: existimans Prætor in-
 terrogationem suam flocci pendi, in carcerem ipsum abdi-
 ci iubet. Cum igitur abduceretur Aesopus, clamauit, Vi-
 des ô Prætor quemadmodum rectè responderim? quæ enim
 non expectaui, & occurri tibi, & in carcerem iam trahor.
 Tum Prætor stupefactus responsi promptitudine, sinit abi-
 re. Aesopus autem profectus in balneas, multam turbam in
 ipsis intuitus est: sed & lapidem uidet in medio ingressu
 positum, in quem singuli ingredientes, & egredientes of-
 fendebant: hunc autem unus quispiam ingrediens ut laua-
 retur, sublatum transposuit. Reuersus igitur ad herum, Si
 uis, inquit, here, lauari, unum hominem in balneis uidi. Xan-
 thus profectus, ac multitudinem lauantium uidens dixit,
 Quid hoc, ô Aesope? nonne unum hominẽ dixisti te uidis-
 se? Aesopus: Certè, inquit: nam lapidem illum (manu osten-
 dens) ante ingressum positum reperi, in quem ingredientes

omnes & excuntes offēdebant: unius uerò quidam ante-
 quam illideret, eleuati transposuit. Illum igitur unum homi-
 nem dixi uidisse: pluris faciens quàm alios. Tum Xanthus,
 Nihil apud Aesopū tardum est ad responsionem. Cum ali-
 quando Xanthus ex latrina rediret, interrogauit Aesopū,
 Quid ita homines post cacationē, uentris excrementa aspi-
 ciunt? Ille ait, Antiquis tēporibus uir quidam delicatius ui-
 uens multò tēpore prae delicijs in latrina sedebat, ut & sua
 illic immorans cacauerit praeordia. Ex illo tēpore igitur
 timentes cæteri homines, uentris inspiciunt sordes, ne quo
 modo & ipsi hoc patiantur. Sed tu here, ne time: non enim
 sunt tibi praeordia. Die autem quodā celebrato conuiuio,
 Xanthus cum alijs philosophis discumbebat, & potu iam
 inualefcēte, crebrae quæstiones inter hos uersabantur: atq;
 Xantho incipiente turbari, Aesopus adstans ait, Here, Bac-
 chus tria possidet temperamenta, primū uoluptatis, secun-
 dum ebrietatis, tertiū contumeliæ. Vos igitur poti iam, &
 letati, quæ reliqua sunt, omittite. Tum Xanthus iam ebrius,
 ait, Tace, inferis consule. Et Aesopus, Igitur & in infernum
 distrahēre. Ex discipulis autē quidam subebrium iam Xan-
 thum uidens, & ut uniuersum dicam, temulentū, O præce-
 ptor, inquit, potest ne homo aliquis ebibere mare? Et ille,
 Admodum quidē: ego enim ipse hoc ebibam. Discipulus, At
 si non poteris, quānam tibi multam irrogabo? Tum Xan-
 thus, Domum meam depono totam. Atq; interim depositis
 anulis pacta firmauerunt, tum discesserunt. Postridie dilu-
 culo, excitato Xantho, ac faciem lauante, anulum inter la-
 uandum non uidit. Aesopū de eo interrogat. Ille nescio, in-
 quit, quidnā factum fuerit: sed unum scio tantum, quod à do-
 mo decideris tua. Tum Xanthus, Quamobrem? Aesopus,
 Quoniam heri ebrius pepigisti mare ebibere, atq; in pactis

deposuisti & anulum. Et is, Tum quomodo maius fide opus potero? uerum te nunc rogo, si qua cognitio, si qua prudentia, si qua experientia, praesto sis, ac opem porrige, ut uincam, aut pacta dissoluam. Aesopus autem, Vincere quidem haud licet, sed ut soluas pacta, efficiam. Cum hodie rursus in unum cōueneritis, nullo modo uidearis timere, uerum quæ pactus es ebrius, eadē sobrius quoq; dic. Iube itaq; stramenta, & mensam in litore poni, & pueros paratos cum poculis porrigere tibi marinam aquam. Cum autem omnem uideris turbam concurrisse ad spectaculum, ipse discumbens iube ex mari impleri poculum: atq; hoc accepto omnibus audientibus, dic pactis praefecto, Quenam apud nos foedera iniuimus? Atq; is respondebit tibi, quod pepigeris mare ebibere. Conuersus igitur tu ad omnes, sic dicto, Viri Samij, scitis & uos penitus quamplurimos fluuios prorumpere in mare, ego autem pepigi mare solum ebibere, non etiam excurrentia in ipsum flumina. hic itaq; scholasticus prius coërceat flumina omnia, deinde statim mare solum ebibam. Xanthus autem futuram ex hoc pacti solutionem cognoscens, uehementer letatus est. Populus igitur ad litus confluit ad spectaculum eius, quod faciendum erat: cumq; Xanthus quæ edoctus fuerat ab Aesopo, fecisset, ac dixisset, Samij admirati, acclamauerunt, ac ipsum laudauerunt: Scholasticus autem, Xanthi pedibus obuolutus, & uictum se confitebatur, & pacta rogabat dissolui: quod & fecit Xanthus exorante populo. Profectis autem ipsis in domum, Aesopus adiens Xanthum, inquit, Per omnem uitam tibi gratificatus sum, non ne dignus sum ô here consequi libertatem? At Xanthus obiurgando ipsum, repulit, dicens, An nolo ipse hoc facere? sed exi ante uestibulum, & speculari: & si uideris duas cornices, renuntia mihi bonum

bonum enim augurium hoc. quòd si unam uideas, hoc malum. Accedens igitur Aesopus, cum duas fortè ita cornices super quadam uidisset arbore sidentes, accedens Xantho renuntiavit. Exeunte autem Xantho, altera harum auolauit: & Xanthus alteram solam uidens ait, Non'ne dixisti mihi execranda duas uidisse te? Et is, Ita, sed altera auolauit. Tum Xanthus, Decrat tibi fugitiue me ut deluderet? Iubet igitur cum denudatum uerberari. At dum Aesopus uerberabatur, praefectus quidã inuitauit ad coenam Xanthum, Aesopo inter uerbera exclamante, Hci mihi misero: ego enim qui duas uidi cornices, uerberor: tu uerò, qui unam tantum, in conuiuium abis. uanum itaque fuit augurium. Tum Xanthus solertiam eius admiratus, cessare iubet uerbera. Non multis autem post diebus philosophos & rhetores cum inuissset Xanthus, iussit Aesopo ante uestibulum stare, & nullum indoctum ingredi sinere, sed doctos solos. Hora autem prandij clauso uestibulo, Aesopus intus sedebat. Ex inuitatis autem quodam profecto, & ianua pulsante, Aesopus intus ait, Quid mouet canis? ille putans canis uocari, iratus discessit: sic ergo unusquisq; ueniens reuertebatur iratus, putans iniuria affici, Aesopo eadem omnes interrogante. Cum autem unus ex ipsis ostium pulsasset, interrogatus quid moueret canis, respondit, Caudam & aures. Aesopus ipsum rectè iudicans respondisse, aperta ianua ad hcrum duxit, ac inquit, Nullus philosophus ad conuiuium tuum uenit o here, praeter hunc solum. Xanthus igitur ualde tristatus est, deceptus se existimans ab inuitatis. Postridie cū uenissent inuitati ad literarium ludum, accusabant Xanthum, dicentes, Vt uideris o praceptor, cupiebas quidem ipse continere nos: sed ueritus, putridū in uestibulo constituisti Aesopū, ut nos iniuria afficeret.

ret, & canes uocaret. Et Xanthus, *Insomnium ne id est, an uera res?* Tum illi, *Nisi stertimus, uera res. Cōfestim accersitus Aesopus, & rogatus cum ira, cuius rei gratia amicos ignominiose amolitus esset, ait, Non tu mihi herc mādasti, ne quem uulgarem ac indoctum hominē permitterem in tuū conuenire conuiuiū, sed solos doctos?* Tū Xanthus, *Et quales hi, nō ne docti?* Et Aesopus, *Nullō pacto: ipsis etenim pulsantibus ianuā, & me intus rogitante quidnam moueret canis, nullus eorum intellexit sermonem. Ego igitur cum indocti omnes uiderentur, nullum ipsorum introduxi nisi hunc, qui doctē respondit mihi. Sic igitur cum Aesopus respondisset, rectē omnes dicere ipsum confirmarunt. Ac post dies rursus aliquot Xanthus sequēte Aesopo, ad monimenta accessit, & quæ in arcis erant epigrāmata legens se ipsum delectabat. At Aesopo in quadam ex ipsis inscriptas literas has uidente. α. β. δ. ο. ε. θ. χ. ostendenteq; Xantho, atque rogante, an hasce nouisset: diligenter ille scrutatus, non potis fuit harum inuenire declarationem, ac fassus est dubitare omnino. Tum Aesopus, Si per hanc colum-nulam, o herc, thesaurum ostendam tibi, qua re me remunerabis?* Et is: *Confide, accipies enim libertatem tuam, atque dimidium auri.* tunc Aesopus distans à cippo passus quatuor, & fodiens, accepit thesaurum, & tulit hero, dicens, Da mihi promissum, cuius gratia inuenisti thesaurum. Et Xanthus, Non, si & ego sapiam, nisi & sensum literarum mihi dixeris: nam scire hoc multò re inuenta mihi pretiosius. Et Aesopus, *Qui thesaurum infodit hic, ut*

Id est, recedēs
uir eruditus
literas inscalpsit
has, quæ & in-
quunt, α,
πρὸς quatuor
fodiens inue-
nies thesaurū
aurum.

α. πρὸς α. β. βήματα. δ. τέσσαρα. ο. ὀπίσθας. ε. εὐφροεις. θ. θυσιασθῶν. χ. χρυσοί. Xanthus autem, *Quia ita solers es, & astutus, non accipies tuam libertatem.* Et Aesopus, *Re-*
nuntia

xantiabo dandum aurum ô domine, regi Byzantinorum:
illi enim reconditum est. Et Xanthus, Vnde hoc nosti? Et
ille, Ex literis: hoc enim inquit. α, ἀπόδος. β, βασιλεῦ. δ, διονυσίω. ο, ὅρ. ε, εὔρετε. θ, θησαυρόν. χ, χρυσίου. Xanthus
audiens regis esse aurum, Aesopò ait, Accepto dimidio lu-
cri, taceo. Et ille, Non tu mihi nunc hoc præbes, sed qui au-
rum hîc infodit. ac quemadmodum, audi: hoc enim dicunt
literæ, α, ἀνελόμενοι. β, βαδίσαντες. δ, διέλεσθε. ο, ὅρ. ε, εὔρετε. θ, θησαυρόν. χ, χρυσίς. At Xanthus, Venias, inquit,
in domum, ut & thesaurum diuidamus, & tu libertatem
accipias. Profectis ergo, Xanthus timens Aesopi loquaci-
tatem, in carcerem ipsum iussit injici. Cum abduceretur
Aesopus, sic inquit, Huiusmodi sunt promissa philosopho-
rum? non solum enim non accipio meam libertatem, sed
& in carcerem iubes injici me. Xanthus igitur iussit ipsum
solui, & ait ei, Nimirum rectè inquis, ut parta libertate,
uehementior sis contra me accusator. Tum Aesopus dixit,
Quodcunque mihi potes facere, fac malum: omnino uel
inuitus liberabis me. Ea uerò tempestate huiusmodi res
Sami obtigit. Cum publicè festum celebraretur, repente
aquila deuolans, & publicum rapiens anulum, in scrui-
sinum demisit. Itaque Samij perterriti, cum ob hoc prodigi-
um incidissent in multum mœrorem, in unum coacti, cœ-
perunt rogare Xanthum, quòd primus ciuium esset, &
philosophus, ut sibi iudicium prodigij manifestaret. At
ille omnino ambigens, tempus petijt. Profectus igitur do-
num, tristis erat admodum, & solitudinibus immersus, ut
qui nihil iudicare posset. Aesopus uerò, mœrore Xanthi co-
gnito, audiens ait, Qua causa, ô herc, sic persequeris trista-
ri? Mihi committe, uale dicto mœrori. Cras in fœrum profe-
ctus dic Samijs, Ego neque prodigia soluere didici, neque

Id est, Redde
 regi Diony-
 sio quem in-
 uenisti thesau-
 rum aureum.

Id est, Acec-
 ptū cuntes di-
 uidite quē in-
 uenistis the-
 saurū aureū.

augurari: sed puer mihi est multarum rerum peritus, ipse uobis quæsitum soluet. Et si ipse consecutus fuero solutionem hanc, tu gloriam reportabis, tali utens seruo: sin minus fuero consecutus, mihi soli erit dedecus. Persuasus igitur Xanthus, postero die in theatrum profectus, et astans in medio, iuxta monita Aesopi concionatus est ijs, qui conuenierant. Illi uero statim rogabant Aesopum acciri. Qui cum uenisset, staretque in medio, Samij facie ipsius considerata, deridentes clamabant, Hæc facies prodigium soluet? ex deformi hoc quid unquam boni audiemus? Ita ridere ceperunt. At Aesopus extenta manu silentio petito, inquit, Viri Samij, quid faciem meam cauillamini? non faciem, sed animum respicere oportet: sæpe enim in turpi forma bonum animum natura imposuit. An uos exteriorem testarum formam consideratis, ac non potius interiorem uini gustum? Hæc ab Aesopo cum audissent omnes, dixerunt, Aesope si quid potes, dic ciuitati. Ille igitur audacter ait, Viri Samij, quoniam fortuna, quæ contentionis studiosa est, gloriæ certamen proposuit domino et seruo: si seruus inferior uideatur domino, uerberibus caesus abibit: sin autem præstantior, nihilominus et sic uerberibus lacerabitur. Si uos per meam libertatem, loquendi mihi fiduciam indulseritis, ego nunc uobis intrepide quæsitum narrabo. Tunc populus uno ore clamabat ad Xanthum, Libertate dona Aesopum, obtempera Samijs, largire libertatem eius ciuitati. At Xantho non annuente, Prætor ait Xantho, Si tibi non placet auscultare populo, ego hac hora Aesopum libertate donabo, et tunc tibi æqualis fuerit. Tunc igitur Xanthus necessario libertatem reddidit, et præco clamauit, Xanthus philosophus liberum Samijs largitur Aesopum. atque interim finem sermo Aesopi accepit dicentis Xantho, Vel inuitus me li

me libertate donabis. Aesopus itaque libertatem consecutus, stans in medio, ait, Viri Samij, aquila ut scitis, regina auium est. Quoniam autem imperatorium annulum hæc raptum demisit in serui sinum, hoc significare uult, quendam ex ijs, qui nunc sunt, regem, uelle uestram libertatem in seruitutem redigere, atque sancitas leges irritas facere. His auditis Samij mœrore repleti sunt. Sed non multo post tempore & literæ à Cræso Lydorum rege uenerunt ad Samios, iubentes eis ut in posterum tributa sibi penderent: sin minus obtemperassent, ut ad pugnam se pararent. Consultabant igitur uniuersi. Timuerunt enim subditi fieri Cræso, conducibile tamen esse & Aesopum consulere. Et ille consultus, ait, Cum principes uestri sententiam dixerint de tributo dando obtemperandum esse regi, consilium iam minimè, sed narrationem uobis afferam, & scietis quid conducat. Fortuna duas uias ostendit in uitâ, alteram libertatis, cuius principium accessu difficile, sed finis planus: alteram seruitutis, cuius principium facile, & accessibile, finis autem laboriosus. His auditis, Samij exclamauerunt, Nos cum sinus liberi, serui esse gratis nolumus: & oratorem infecta pace remisserunt. His ergo cognitis, Cræsus decreuit bellum in Samios mouere. Sed legatus retulit, Non poteris Samios debellare, quandiu est apud eos Aesopus, & consilia suggerit. Potes autem magis, ait, ô rex, legatis missis, petere ab ipsis Aesopum, pollicitus eis & gratias aliàs relaturum, & remissionem iussorum tributurum: tunc fortè poteris eos superare. Cræsus his persuasus, legato missio dedi sibi petebat Aesopum. Samij autem hunc tradere decreuerunt. Quo cognito, Aesopus in media concione stetit, ac inquit, Viri Samij, & ego permulti facio ad regis pedes proficisci: uolo autem uobis fabulam dicere.

Quo

De lupis &
ouibus.

Quo tempore animalia inter se loquebantur, lupi bellam ouibus intulerunt. Vnà uerò cum ouibus canibus praeliantibus ac lupos arcentibus, lupi legato misso dixerunt ouibus, si uoluerint uiuere in pace, & nullum suspicari bellum, ut canes sibi traderent. Ouib; ob stultitiam persuasis, & canibus traditis, lupi & canes dilacerarunt, & oues facillimè occiderunt. Samij igitur fabulæ sensu cognito, decreuerunt apud se detinere Aesopum. Ille uerò nō tulit, sed cum legato unā soluit, & ad Cræsum se contulit. Profectis autem ipsis in Lydiam, Rex ante se stantem Aesopum uidens, indignatus est dicens, Vide qualis homuncio impedimento mihi ad tantam insulam subigendam fuit. Tum Aesopus, Maxime rex, non ui, neque necessitate coactus ad te ueni, sed sponte adsum, sustine autem me parumper audire. Vir

De homine et
Cicada.

quidam cum locustas caperet, occideretq; , cepit & cicadam: cum & illam uellet occidere, inquit cicada: O homo, ne me frustra occidas: ego enim neque spicam lædo, neque alia in re quapiam iniuria te afficio: motu uero, quæ in me sunt membranularum, suaute canto, delectans uiatores: præter igitur uocem in me amplius nihil inuenies. Ille his auditis, permisit abire. Et ego itaque, ô rex, tuos pedes attingo, ne me sine causa occidas: non enim possum iniuria quenquam afficere, sed in uili corpore generosum loquor sermonem. Rex autem miratus simul & miseratus ipsum, ait, Aesope, non ego tibi largior uitam, sed fatum: ergo quod uis, pete, & accipies. Et ille, Rogo te, ô rex, recon-

Quando cō-
scripserit Ae-
sopus fabulas.

ciliare Samijs. Cumq; rex dixisset, reconciliatus sum, proferens illc in terram, gratias ei agebat. Et post hæc suas conscripsit fabulas, quas in hunc usque diem extantes apud regem reliquit. Acceptis autem ab ipso literis ad Samios, quòd Aesopi gratia eis reconciliatus fuerit, atque mun-

ncribus

neribus multis, nauigauit in Samum. Samij igitur hunc uidentes, & coronas ei intulerunt, & chorcas eius gratia constituerunt. Ille autem & regis literas legit, & ostendit quòd sibi donatam à populo libertatem, libertate rursus remuneratus fuerit. Post hæc uerò ab insula decessens, circuibat orbem, ubique cum philosophis disputando. Profectus & in Babylonem, & suam ipsius doctrinã demonstrando, magnus apud regem Lycerum euasit. Illis enim temporibus reges inuicem pacem habentes, atque delectationis gratia quæstiones uicissim sophisticas scribendo mittebant: quas qui soluerent, tributa pacta à mittentibus accipiebant: qui uerò non, æqualia præbebant. Aesopus igitur quæ mittebantur problemata Lycero intelligens dissoluebat, & clarum reddebat regem, & ipse Lyceri nomine altera itidem regibus remittebat: quæ cum remanerent insoluta, tributa rex quàm plurima exigebat. Aesopus autem cum non genuisset filios, nobilem quendam Ennum nomine adoptauit, atque ut legitimum filium regi allatum, commendauit. Non multo autem post tempore, Ennus cum adoptantis concubina rem habuit: hoc sciens Aesopus expulsurus erat domo Ennum, qui in illum ira correptus, epistolamq; fictam ab Aesopo scilicet ad eos, qui sophismatis cum Lycero certabant, quòd ipsis paratus esset adherere magis, quàm Lycero, regi dedit Aesopi signatam anulo. Rex & sigillo credens, atque inexorabili ira percitus, statim Hermippo iubet, nulla examinatione facta, tanquam proditorem occideret Aesopum. At Hermippus & amicus fuerat Aesopo, & tunc se amicū ostendit: in sepulcro enim quodam nenuinc sciente occultauit hominem, & secreto nutriuit. Ennus autē regis iussu omnem Aesopi administrationem suscepit. Quodam post
tempo

tempore Nectenabo rex Aegyptiorum audiens Aesopum mortuum esse, mittit Lycero statim epistolam, architectos sibi mittere iubentem, qui turrin ædificent, quæ neq; cælum, neq; terram attingat, & aliquem qui semper respondeat ad omnia quæcunque rogauerint: quod si fecisset, tributa exigeret: sin minus, solueret. His lectis Lycerus moerore affectus est, cum nullus ex amicis posset questionem de turri intelligere. Rex uerò & columnam sui regni dicebat interijisse Aesopum. Hermippus autem dolore regis, ob Aesopum cognito, adiit regem, & uiuere illum renuntauit, addiditq; ipsius causa Aesopum non peremisse, sciens quòd poeniteret aliquando regem sententiæ. Rege autem uchementer his lætato, Aesopus sordens, ac squalens totus, adductus est. Cumq; rex ut eum uidit, illacrymasset, atq; ut lauaretur, aliâq; cura afficeretur, iussisset, Aesopus post hoc & de quibus accusatus fuerat, causas confutauit: ob quæ cum rex Ennum esset occisurus, Aesopus ei ueniam petijt. Post hæc autem rex Aegypti epistolam Aesopo dedit legendam. At ille statim solutione cognita questionis, resit, ac rescribere iussit: cum hyems præterisset, missum iri & qui turrin essent ædificaturi, & aliquem qui responderet ad rogata. Rex igitur Aegyptios legatos remisit, Aesopo autem pristinâ administrationē tradidit omnem, deditum ei tradēs & Ennum. At Aesopus acceptum Ennum nulla in re tristitia affecit, sed ut filiū, rursus receptū inter cætera his admonuit uerbis, Fili, ante omnia cole deum, Regē honora. Inimicis tuis terribilē te ipsum præbe, ne te cōtemnāt: amicis facilē, & cōmunicabilē, quò longe beneuolentiores tibi sint. Itē inimicos male habere precare & esse pauperes, ne te possint offendere: at amicos in oībus bene ualere uelis. Semper uxori tuæ bene adhære,

ne al

Præcepta quæ
dedit Aesop⁹
Enno.

ne alterius uiri periculum facere uelit: leue enim mulierum est genus, ac declinatum adulatione minus mala cogitat. Velocem ad sermonem ne posside auditum. Linguae continens esto. Bene agentibus ne inuide, sed congratulare: inuidens enim te ipsum magis offendes. Domesticorum tuorum satage, ut te non solum ut dominum timeant, sed etiam ut benefactorem uenerentur. Ne pudeat discere semper meliora. Mulieri non unquam credas secreta: nam semper armatur, quo modo tibi dominetur. Quotidie in diem crastinum reconde: melius enim mortuum inimicis relinquere, quam uiuentem amicorum indigere. Salutato facile, qui tibi occurrunt, sciens & catulo caudam panem comparare. Bonum esse ne poeniteat. Susurrone uirum ejce domo tua, nam quae à te dicuntur, ac fiunt, alijs communicabit. Fac quae te non moestificent. Contingentibus ne tristare. Neq; praua ineas unquam consilia, neq; mores malorum imiteris. His ab Aesopo Ennius admonitus, tum sermone, tum sua conscientia, ut sagitta quadam percussus animum, paucis post diebus è uita discessit. Aesopus autem aucupes omneis accersuit, atque aquilarum pullos quatuor ut caperent, iubet: sic itaq; captos nutriuit, ut dicitur, ac instruxit (cui rei non magnam fidem adhibemus) ut pueros in sportis ipsis appensis gestando in altum uolarent, atq; ita obediens pueris essent, ut quocunq; illi uellent, uolarent, siue in altum, siue in terram deorsum: praeterito uero hyemali tempore, ac Vere aridente, cum ad iter omnia parasset Aesopus, & pueros accepisset, & aquilas, decessit in Aegyptum, multa imaginatione, & opinione ad stupefactionem illorum hominum usus. Sed Nestenabo audito adesse Aesopum, Insuper circumuictus sum, inquit amicis, quia intellexeram Aesopum mortuum esse. Postridie autem iussit rex, ut omnes

magistratus candidis circumdarentur uestibus: ipse ē ἑρμῆα
 induit, & coronam, ac gemmatam κίτλα. Cumq; sedens
 in alto folio, Aesopum introduci iussisset, Cui me assimilas
 (ingredienti inquit) Aesope, & cos qui mecum sunt? Et
 ille, Te quidē, Soli uerno: qui uerò te circumstant, maturis
 aristis. & rex admiratus ipsum, & donis cum prosecutus
 est. Posterò autem die rursus rex candidissimā togam indu-
 tus, amicis purpureas iussis accipere, ingredientem Aeso-
 pum iterum rogauit. Et Aesopus, Te, inquit, comparo Soli:
 hos autē qui stant circum, radijs solaribus. Et Nestenabo,
 Puto nihil esse Lycerū prae meo regno. Et Aesopus subri-
 dens, Ne facile de illo sic loquere, ô rex: nam genti uestrae
 uestrum regnū collatū, instar Solis lucret: at si Lycero com-
 parctur, nihil aberit quin splendor hic, tenebrae appareāt.
 Et Nestenabo apposita uerborū responsione stupefactus,
 Attulisti nobis, ait, qui turrim aedificet? Et ille, Parati sunt,
 si modò ostendas locū. Postea egressus extra urbem rex in
 planiciem, ostendit dimensum locum. Adductis igitur
 Aesopus ad ostensos loci angulos quatuor aquilis una
 cum pueris per sacculos appensis, ac puerorum manibus
 datis fabrorum instrumētis, iussit euolare: illi uerò sublimes,
 Date nobis, clamabant, lapides, date calcem, date ligna, &
 alia, quae ad aedificationem apta sunt. Sed Nestenabo uisis
 pueris ab aquilis in altum sublatis, ait, Vnde mihi uolū-
 cres homines? Et Aesopus, Sed Lycerus habet: tu autem
 homo cum sis, uis cum aequo dijs regi contendere. Et Ne-
 stenabo, Aesope uictus sum: percontabor autem te, tu ro-
 sponde. Et ait, Sunt mihi foeminae hīc equae, quae cum audi-
 uerint cos, qui in Babylonae sunt, equos hinnientes, statim
 concipiunt. Si tibi ad hoc est doctrina, ostende. Et Aesopus,
 Respondebo tibi cras, ô rex. Profectus uerò, ubi hospitaba-
 tur

tur, selem iubet pueris comprehendere, & captum publice circumduci uerberando. Aegyptij autem illud animal colentes, cum sic ipsum male tractari uiderent, concurrerunt, & selem e manu uerberantium eripuerunt, ac rem celeriter renuntiarunt regi. Qui uocato Aesopo, Nesciebas, inquit, Aesope, tanquam Deum à nobis coli selem? quare igitur hoc fecisti? At ille, Lycerum regem iniuria affecit, ô rex, præterita nocte hic felis. Gallum enim eius occidit pugnacem, & generosum, præterea & horas ei noctis nuntiantem. Cui rex, Non pudet te mentiri Aesope? Quoniam modo una nocte felis ab Aegypto iuit in Babylonem? Tum ille subridendo inquit, Et quo modo, ô rex, Babylone equis hinnientibus, hinc eque foramine cõcipiunt? Rex autem his auditis, prudentiam Aesopi felicem esse dixit. Post hæc autem cum acciuisset ex Heliopoli uiros questionum sophisticarum peritos, atque de Aesopo cum eis disputasset, inuitauit unum cum Aesopo ad conuiuium. Discumbentibus igitur ipsis, quidam Heliopolita inquit Aesopo, Missus sum à Deo meo questionem quandam rogaturus te, ut ipsam solueres. Cui Aesopus, Mentiris, Deo enim ab homine nihil opus est discere: tu autem non solum te ipsum accusas, sed & Deum tuum. Alius rursus ait, Est templum ingens, & in ea columna, duodecim urbes continens, quarum singule triginta trabibus fulciuntur, quas circumcurrunt duæ mulieres. Tum Aesopus ait, Hanc questionem apud nos soluent & pueri. Templum enim est hic mundus: Columna, annus: Vrbes, menses: Et trabes, horum dies. Dies autem & nox, duæ mulieres, quæ uicissim sibi succedunt. Postridie conuocatis amicis omnibus, Nestenabo inquit, Propter Aesopum hunc dedebimus tributum regi Lycero. At ex his unus ait, Iubebimus ei questiones dicere

nobis ex ijs, quæ neq; scimus, neque audiuimus. Et ille, Cras hac de re uobis respondebo. Decedens igitur, & composito scripto in quo continebatur, Nestenabo conficiens mille talenta Lycero debere, mane reuersus Regi scriptum reddidit. Regis autem amici priusquam aperiretur scriptum, omnes dixerunt, Et scimus hæc, & audiuimus, & uere scimus. Et Aesopus, Habeo uobis gratiam restitutionis causa. At Nestenabo confessione debiti lecta ait, Me nihil Lycero debente, omnes uos testificamini? illi mutati dixerunt, Neq; scimus, neq; audiuimus. Et Aesopus, Si hæc ita se habent, solutum est quesitum. Ad hæc Nestenabo, Felix est Lycerus, talem in regno suo doctrinam habens. Ergo pacta tributa tradidit Aesopo, atq; in pace remisit. At Aesopus in Babylonem profectus, narrauit Lycero acta in Aegypto omnia, & tributa reddidit. Lycerus autem iussit statuatam auream Aesopo erigi. Non multo autem post tempore, Aesopus in Græciam decreuit nauigare, compositioneq; cum rege facta, discessit, iuratus ei prius proculdubio rediturum se in Babylonem, atq; illic reliquum uite uicturum. Peragratim autem Græcis urbibus, & sua doctrina patefacta, peruenit & Delphos: uerum Delphi discrepentem quidem audierunt libenter, sed honore, & obseruantia cum asseuerant nulla. Is autem ad eos suspiciens ait, Viri Delphi, succurrit mihi ligno uos comparare, quod in mari fertur: illud etenim procul uidentes dum fluctibus agitur, magni pretij esse existimamus, postquam autem proximè aduenit, uilissimum apparci. Et ego itaq; cum procul essem ab urbe uestra, ut eos, qui existimatione digni sunt, uos admirabar: nunc autem ad uos profectus, omnibus, ut ita dixerim, inueni inutiliores, sic deceptus sum. Hæc cum audiissent Delphi, & timent ne aliquo modo Aesopus ad alias urbes acced

accedens male de se d'ecret, decreuerunt dolo hominem occidere. Auream igitur phialam ex eo, quod apud se erat, sacello Apollinis accipientes, clam in Aesopi absconderunt stratis. Cum Aesopus uero ignoraret quæ ab ipsis dolo facta fuerat, egressus ibat in Phocidem. At Delphi aggressi, & detinentes ipsum, percontabantur ut sacrilegum. Illo autem negante aliquid fecisse cuiusmodi, illi uero stratis euolutis auream inuenerunt phialam, quam etiam acceptam omnibus ciuibus ostenderunt non cum paruo tumultu. Igitur Aesopus cognitis illorum insidijs, rogauit eos, ut solueretur. Hi autem non solum non soluerunt, sed ut sacrilegum in carcerem quoque iniecerunt, morte eius suffragijs decreta. Aesopus autem cum nulla astutia à mala hac fortuna liberari posset, seipsum in carcere lugebat sedes. Ex familiaribus autem ipsius quidam, Damas nomine, ad ipsum ingressus, & uidens eum sic lamentari, causam rei rogauit. Ille ait, Mulier quædam cum recēter suum uirum sepeliuisset, quotidie profecta ad tumulum, plorabat. Arans autem quidam non procul à sepulcro, amore captus est mulieris, & derelictis bobus, iuit & ipse ad tumulum, ac sedes unā cum muliere plorabat. Cum illa rogaret cur nam & ipse sic lugeret: Quoniam & ego, inquit, decentem mulierem sepeliui, & posteaquam plorauero, necessitia leuior. Illa autem, Mihi id ipsum similiter accidit. Et ille, Si igitur in eadem incidimus mala, cur nam inuicem non coniungimur? ego etenim amabo te, ut illā: & tu me rursus ut tuum uirum. His persuasit mulieri, & conuenerunt: interim autem fur profectus, & boues soluens, abegit. Ille autem reuersus, non inuentis bobus, & plangere, & lugere uehementer instituit. Profecta est & mulier: & lamentantem inueniens inquit, Iterum ploras? Cui ille, Nūc, ait, uerè ploro. Et ego

itaq; multis cuitatis periculis, nunc uerè fleo, solutionem mali necunde inueniens. Post hæc affuerunt & Delphi, & extractum ipsum è carcere trahebant in præcipitium. Ille autem eis dicebat, Quando colloquebantur animalia bruta; mus ranæ amicus factus, ad cœnam eam inuitauit, & abducta in penarium diuitis, ubi multa edulia erant, Comede, inquit, amica rana. Post epulationem & rana murem in suam inuitauit cœnationem. Sed ne defatigare, inquit, natando, filo tenui tuum pedem meo alligabo. Atque hoc factò saltauit in paludem. Ea autem urinata in profundum, mus suffocabatur, & moriens ait, Ego quidem per te morior, sed me uindictabit maior. Supernatante igitur mortuo mure in palude, deuolans aquila hunc arripuit. unâ cum eo etiam appensam ranam: sicq; ambos deuorauit. Et ego igitur, qui ui per uos morior, habebo ultorem. Babylon enim & Græcia omnis meam à uobis exigent mortem. Delphi tamen ne sic quidem pepercerunt Aesopo. Ille autem in Apollinis confugit sacellum, sed ij & illinc extraxerunt irati, & in præcipitium rursus traxerunt. Aesopus cum abduceretur, dicebat, Audite me Delphi, Lepus aquila insectante in lustrum scarabei confugit, rogans ut ab eo seruarietur. Scarabeus autem rogabat aquilam ne occideret supplicem, obtestans ipsam per maximum Iouem, saltcm ne despiceret paruitatem suam. Illa uerò irata, ala percutiens scarabæum, leporem raptum depasta est. Scarabeus autem cum aquila uolauit, ut nidum eius disceret, ac iâ profectus oua eius deuoluta dirupit. Illa cum graue existimaret si quis hoc ausus fuisset, & in altiore loco secundò nidificasset, & illic rursus scarabeus iisdem hæc affecit. Aquila autem inops consilij penitus, ascendit ad Iouem (in eius enim tutela esse dicitur) & in ipsius genibus ter-

tians

tiam foeturā ouorū posuit, deo ipsa cōmendans, & supplicās ut custodiret. At scarabeus ē stercore pilula facta, ascendit, & in sinū Iouis eam demisit. Iupiter assurgēs ut finium excuteret, & oua abiecit oblitus, quæ & contriuit deiecta. Sed cum didicisset à scarabeo, quod hæc fecisset ut aquilam ulcisceretur (nō enim scarabeum tantū illa affecit iniuria, sed & in Iouem ipsum impia fuit) aquilæ reuerse ait, scarabeum esse qui affecit mœrore, & certē iure affecisse. Nolēs igitur aquilarum genus deficere, consulit scarabeo, ut aquilæ reconciliaretur. Cū hic non paruisset, ille in aliud tempus transposuit aquilarum parū, cum nō appareāt scarabei. Et uos igitur o uiri Delphi, ne despiciat hunc deum, ad quem profugit, & si paruum sortitus est delubrū, neq; enim impios negliget. Delphi uerō hæc parum curantes, rectā ad mortem itidem ducebant. Aescopus nulla re à se dicta uidēs eos fleētī, rursus ait, Viri crudeles, & interfectores audite. Agricola quidam in agro, consenuit: cum nunquam ingressus esset in urbem, precebat domesticos ut eam uideret. At illi iūctis asellis, atq; in currū eo imposito, solum iusserunt agere. Eunt autem procella & turbine aërem occupantibus, & tenebris factis, aselli à uia aberrantes, in quodam præcipitiū deduxerūt senē. At ille iam præcipitandus, O Iupiter, ait, qua in re te iniuria affeci, quod sic iniquè occidor, præsertim cum neq; ab equis generosis, neq; à mulis bonis, sed ab asellis uilissimis? Et ego itaq; eodem modo nūc tristior, quoniam nō ab honoratis uiris, & elegantibus, uerū ab inutilibus, & pessimis interficior. Iamq; præcipitandus, eiusmodi dixit rursus fabulam: Vir quidam suam deamans filiam, rus misit uxorem, solam autem filiam receptam uiolauit. Illa autem, Pater, ait, scelera facis, optarem tamen à multis potius uiris dedecore hoc affici, quā à te,

qui genuisti. Hoc nunc & in uos, ô iniqui Delphi dicò, quòd eligerem in Scyllam, & Charybdim potius incidere, ac in Africæ Syrteis, quàm per uos iniuste, atque indignè mori: execror igitur uestram patriam, & deos testor, me præter omnem iustitiã interire, qui me ulciscuntur exaudium. Præcipit igitur ipsum dederunt de rupe, & mortuus est. Non multo post autem pestilètia laborantes, oraculum acceperunt expiandam esse Aesopi mortem. Cui quòd & conscij sibi essent, iniuste eum interfecisse, etiam cippum erexerunt. Sed primates Græciæ, ac doctissimi quique, cū & ipsi, quæ in Aesopū facta fuissent, intellexissent, Delphos profecti sunt, & cum illis habita inquisitione, ultores & ipsi Aesopi mortis fuerunt.

AESOPÌ VITAE FINIS.

EX APHTHONII SOPHISTAE EXERCITAMENTIS.

Fabula quid
& quotuplex,

Fabula profecta quidem est à poëtis, sed & rhetoribus communis facta est admonendi gratia. Est autem fabula sermo fictus, imagine quadam repræsentans ueritatem. Atque alia Sybaritica, alia Cilix, alia Cypria dicitur, accepto ab inuētoribus nomine. Verum quoniam Aesopus egregiè præter ceteros conscripsit fabulas, euicit ut potius Aesopia diceretur. Ea uerò est triplex, Rationalis, Moralis, Mista. Rationalis, in qua aliquid ab homine geri confingitur. Moralis, quæ eorum imitatur mores, quæ sunt rationis expertia. Mista uerò, quæ rationale irrationaleq; completitur. Eam autem admonitionem, cuius causa fabulam constitueris, Antefabulationē præpositam, postpositam uerò, Affabulationem dices.

FABVL

FABVLA, QVA FORMICARUM & Cicadarum exemplo hortatur iuuenes ad laborem.

Cicade olim ætate assiduis cantibus indulgebant, formicæ uerò hyemis memores, laboribus fructibusq; colligendis operam dabāt. Verum cū hyems aduenisset, formicæ ijs, quæ collegerant, pascebantur. cicadas autem delectatio illa, & canēdi uoluptas, eò indigentia, miseriæq; perduxit, ut esurirent omnes, & fame conficerentur. Sic iuuentus laborum fugitans, malè habet in senectute.

EX PHILOSTRATI imaginibus, Fabulæ.

Fabulæ se ad Aesopum, sua in eum beneuolentia conferunt, quòd satagat sui. Fabula quippe & Homero, & Hesiodo, necnon & Archilochō in Lycamben curæ fuit. Sed ab Aesopo humana omnia ad fabellas redacta sunt, sermone brutis non temere impertito: nam & cupiditatem tollit, & libidinem insectatur, & fraudem. Atq; hæc ei leo quisspiam agit, & uulpes, & per Iouem equus: nec testudo muta. ex quibus pueri discunt, quæ in uita gerantur. Habentur igitur in pretio fabulæ propter Aesopum. accedunt ad ianuam docti huius, uittis cū deuincturæ, coronæq; oleagina coronaturæ. hic, ut puto, fabulam aliquam texit: risus enim faciei, & oculi in terram defixi id præ se ferunt. Pictorem, fabularum curas remissione animo indigere, non latuit. Philosophatur autē pictura & fabularū corpora. Bruta enim cū hominibus conferens, cœtum circa Aesopum statuit ex illius scena confectum, Chori dux uulpes depicta est. Vtitur enim ea Aesopus ministra argumentorum plurimū, ceu Dauo Comœdia.

EX HERMOGENIS EXER-

citamentis, Prisciano interprete.

Fabula est oratio ficta, uerisimili dispositiōe, imaginem exhibens ueritatis. Ideo autem hanc primam tradere pueris solent Oratores, quia animos eorum adhuc molles ad meliores facili uias ritē instituunt. Vbi sunt ea tamen uetustissimi quoque auctores, ut Hesiodus, Archilochus, Horatius. Hesiodus quidem lusciniæ, Archilochus autem uulpis, Horatius muris. Nominantur autem ab inuentoribus fabularum, aliæ Aesopie, aliæ Cypriæ, aliæ Libycæ, aliæ Sybariticæ, omnes autem communiter Aesopie dicuntur, quoniam in conuentibus frequenter solebat Aesopus fabulis uti. Mendacem quidem esse nolunt fabulam, sed ad uitam utilem, necnon et uerisimilem. Est autem uerisimilis, si res, quæ subiectis accidunt personis, apte reddantur: ut puta de pulchritudine aliquis certat, paulo supponatur hic. Oportet alicui astutiam tribuere, uulpecula est subijcienda. Imitatores aliquos hominum uolumus ostendere, hic Simijs est locus. Oportet igitur modo breuiter, modo latius eas differere. Quomodo autem hoc fiet? Si nunc narratione simplici proferantur, nunc etiam sermo inductis fingatur personis. Exempli causa, Simiæ conuenerunt, et consilium habuerunt de urbe condenda: et quia placuit illis, paratæ erant incipere ædificationem, sed uetus Simia prohibuit ab incepto, eas docens, quod facile capiatur, si intra muros concludantur: sic breuiter dices. Si uelis producere, sic: Simiæ conuenerunt, et consiliabantur de urbe condenda, quarum una in medium ueniens concionata est, quia oportet ipsas quoque ciuitatē habere. Videtis enim, aiebat, quod ciuitatem habendo felices homines sint, domos etiam habent singuli, et in concionem uniuersi, et in theatrum ascen-

ascendentes delectant animos spectationibus, & auditionibus uarijs. Et sic proferes orationem in orādo, dicens, quod & plebiscitum scriptum est, & finges etiam orationem ueteris sinie. Expositio autem fabularum uult circuitionibus carere, & iucundior esse. Sed oratio, qua utilitas fabulae retegitur, quam ἐπιμυθίον uocant, quod nos affabulationem possumus dicere, à quibusdam prima, à plerisque rationabilius postrema ponitur. Sciendum uero, quod etiam oratores inter exempla solent fabulis uti.

L A V R E N T I V S

V A L L E N S I S I N S I G N I

uiro Arnolao Fouelledæ

salutem.



R O M I S E R A M nuper, me tibi coturnices, quas ipse uenatus essem, missurum. Eas capere (ut homo uenandi insuctus) cum non possem, ad uenationem meam, id est, ad literas me conuerti. Vt forte ad manus uenit libellus Græcus ex præda nauali, tres & triginta Aesopi fabulas continens, has omnes bidui labore uenatus sum. Mitto igitur ad te, siue fabellas, siue maxis coturnices, quibus oblectare te possis ac ludere. Etenim si Octavianum, Marcumque Antonium, orbis terrarum principes, ludo coturnicium delectatos acceperimus: profecto tu uir literarum amantissimus, & literato hoc genere ludendi delectaberis. Et si quis Octauiano aut Antonio pugnacem aliquam harum auium dono dedisset, incūdam illis rem, gratamque fecisset: ego quoque tibi iucundus, gratusque ero, qui plures triginta eius generis aues dono mitto

mitto; pugnaces, uictrices, & (si fortè magis hoc te iuuat) etiam pingues. Oblectant enim hæ fabellæ, & alunt, nec minus fructus habent, quàm floris. Sed ne donum suū laudare insolentis sit, finem faciam. Tu si coturnices ueras, quàm has fabellas, malis, rescribe. Mittam nanq; non modò coturnices, sed etiam perdices. Ex urbe Caieta Calendis Maij,

M. CCCC. XXXVIII.

DE VULPE ET CAPRO.

Vulpes & caper sitibundi in puteum quendam descendunt: in quo cum perbibissent, circumspectanti capro reditum, uulpes ait, Bono animo esto caper: exco-gitavi nanq; quo pacto uterq; reduces simus. Si quidem tu eriges te rectum primoribus pedibus ad parietem admo-tis, cornuaq; adducto ad pectus mento, reclinabis: & ego per terga cornuaq; tua transiliens, & extra puteum eua-dens, te istinc postea educam. Cuius consilio fident habent. capro, atq; , ut illi dicebat, obtemperante, ipsa è puteo resiliit: ac deinde præ gaudio in margine putei gestiebat exultabatq; , nihil de hirco curæ habens. Ceterum cum ab hirco ut socd' fraga incusaretur, respondit: Enimuero hir-ce, si tantum tibi esset sensus in mente, quantum est setarū in mento, non prius in puteum descendisses, quàm de reditu exploratum habuisses. Adfabulatio.

Hæc fabula innuit uirum prudentem debere finem ex-plorare, antequàm ad rem agendam ueniat.

DE VULPE ET PARDO.

Vulpes & pardus de pulchritudine altercabantur: & pardo suam pellem uersicolore extollente, uulpes suam cum non posset præponere, inquit, At quāto ego speciosior, quæ non corpus, sed animū uersicolore sortita sum? Adfabulatio. Hæc fabula innuit pulchritudinem animi

animi antecellere pulchritudinem corporis.

DE CATA ET VENERE. 3

Cata quædam delictum erat cuiusdam formosi adulescentis. Hanc ille, ut in foeminam mutaret, Venerem comprecatus est. Dea miserta cupiditatis adulescētuli, conuerit bestiam in speciosam puellam. Cuius forma inardescens adulescētulus, adducit illam secum domū. Quibus cōsidentibus in cubiculo, Venus uolens periculū facere nūquid illa cum corpore mutasset & mores, murem in medio dimisit. At illa, eorum qui aderant & cubiculi nuptialis immemor, ē cubili consurgens, murem insequabatur, illum comedere cupiens: tum dea indignata, eam iterum in suam restituit naturam. **Adfabulatio.**

Hæc fabula innuit scelestos homines etiam si conditionem statumq; mutant, tamen mores nequaquam mutare.

DE AGRICOLA ET FILIIS EIVS 4

Agricola filios suos uidens quotidie digladiantes, neq; in gratiam reducere potis esset: iussit fasciculum uirgarum sibi afferri (aderant autem filij illic sedentes) quæ cum allatæ essent, colligauit omnes in unum fasciculum: iussitq; singulos eorum fasciculum capere atq; confringere. Illis uerò confringere non ualentibus, solus postea fasciculum, tradidit singulas uirgas eis frangendas: atq; illis statim frangentibus, intulit. Ita quidem & uos ô filioli mei, si unanimes inuicem perstiteritis, inexpugnabiles uos hostibus inuictosq; præbebitis: sin minus, uestra ipsa æmulatione atq; seditio, opportunam uos prædam inimicis faciet.

Adfabulatio.

Hæc fabula innuit, æque res humanas capere, uel à cōcordia incrementum, uel à discordia iacturam.

DE MULIERE ET GALLINA. 5

Mulier

Mulier quædam uidua habebat gallinā quotidie singula oua ponentem. Sperans autem mulier, pro singulis bina oua posituram, si plus escarum tribuisset, optare educabat. Gallina uerò pinguior effecta, ne unū quidem ouum amplius facere poterat. Adfabulatio.

Hæc fabula innuit, quòd homines per luxum rerum & copiam marcescentes, ab instituta industria retardantur.

DE DVOBVS ADVLESCENTIBVS. 6

Dvo adulescentes obsonium à coquo cōmuniter mercati sunt. Cæterum cum coquus quibusdam negocijs domesticis intenderet, uacaretq; : alter adulescentum partem obsonij in alterius manus immisit. Conuertente autem se coquo, & partem carnis, quæ aberat, requirente: qui carnem sustulerat, iurat se non habere: qui uerò habebat, se nō sustulisse. Quibus coquus (intellecta adulescentum argutia) inquit, Et si me latet fur: tamen eum quem iurastis, non latebit. Adfabulatio. Hæc fabula innuit, quòd si quid homines celamus, Deum tamē nequaquam celare poterimus, qui solus omnia prospicit & omnia uidet.

DE DVOBVS AMICIS ET VRSO. 7

Dvobus amicis unā iter facientibus. fit ursus obuiam, quorum unus perterritus, in arborem scandens, latuit: alter uerò, cum se imparē urso fore, & si pugnaret, superatum iri intelligeret, procidens simulabat se mortuum esse. Vrsus uerò adueniens: & aures & occiput eius olfaciebat, illo, qui stratus iacebat, usquequaque continente respirationem. Ita mortuum esse credens ursus, abiit. aiunt enim non seuire in cadauera. Mox alter, qui inter frondes arboris latuerat, descendens, interrogat amicum quidnam ad aurē ursus esset secum locutus. Cui amicus inquit, Admonuit me ne posthac cum huiusmodi amicis iter faciam

faciam.

Adfabulatio.

Fabula hæc innuit, deuitandos esse amicos, qui periculoso in tempore auxilio præstando reuocant pedem.

DE ARVNDINE ET OLEA.

8

Disceptabant aliquando arundo & olea, de constantia & fortitudine, & de firmitate. Et olea quidem arundini probra ingerebat, ut fragili, & ad omnem uentū uacillanti. Arundo autem obticebat, non longum tempus spectans. Nam cum uentus uehemens ingruisset, arundo reflectebatur agitabaturq;: Olea uerò cum uiolentiæ uentorum reluctari uellet, confracta est. Adfabulatio.

Hæc fabula innuit, eos qui fortioribus ad tempus cedūt, potiores esse ijs qui non cedunt.

DE TVBICINE.

9

ERat tubicen quidam, qui in militia signum caneret: is interceptus ab hostibus, ad eos qui circumstabant, proclamabat, Nolite me uiri innocentem, innocuum, infontemq; perimere, nullum enim unquam occidi: quippe nihil aliud quàm hanc buccinā habeo. Ad quem illi uicissimi cum clamore responderunt, Tu uerò hoc ipso magis trucidaberis, quòd cum ipse dimicare nequeas, cæteros potes ad certamen impellere. Adfabulatio. Fabula hæc innuit, quòd præter cæteros peccant, qui malos & importunos principes persuadent ad iniquè agendum.

DE CANE ET LANIO.

10

CAnis quidam insiliit in macellum, lanio in aliquā re occupato, et arrepto pecoris corde fugiebat. Ad quē lanius conuersus, fugientemq; aspiciēs, inquit, O canis abi: ubicunq; fueris, te obseruabo: non enim mihi cor sustulisti, sed cor dedisti. Adfabulatio. Hæc fabula innuit, iacturam frequenter esse hominibus doctrinam.

D E

DE AEGROTO ET MEDICO. 11

A Egrotus quidam à medico interrogatus, quonam modo se habuisset: præter modum, respondit, in sudorem se fuisse resolutum. Cui medicus, Istud (inquit) bonum est. Altero autem die interrogatus quo modo se haberet, respondit, Algoribus correptus, diu uexatus sum. Et istud (inquit medicus) bonum est. Tertio cum de eodem interrogaretur, respondit, Profluvio corporis debilitatus sum. Istud (inquit) etiam bonum est. Postea autem à familiari interrogatus, Quo modo habes o amice? Respondit, Ego etiam atq; etiam bene habeo, sed morior. Adfabulatio.

Hæc fabula innuit, coarguendos assentatores.

DE ASINO ET LUPO. 12

A Sinus calcato ligni aculeo claudicabat: conspectoq; Lu-
po, ait, O' lupe, en præ cruciatu morior, futurus esca,
aut tua, aut uulturum, aut coruorum. Vnum modò munus
abs te flagito: educ prius ex pede aculeum, ut moriar saltem
sine cruciatu. Tunc lupo summis dentibus aculeum mordi-
cus deprehendens, eduxit. Asinus uerò doloris oblitus, fer-
ratos calces in faciem lupi impegit: fractisq; illius fronte,
naribus, & dentibus, aufugit: lupo seipsum accusante, ac
merito sibi id euenisse dicente: quod qui didicerat esse lanius
iumentorum, nunc eorum uolebat esse chirurgus.

Adfabulatio. Hæc fabula innuit, quod qui sua artifi-
cia deferunt transferentes se ad aliena, ipsis non apta, &
in derisum ueniunt, & in discrimen.

DE PASTORE ET MARI. 13

Pastor in loco maritimo gregem pascebat: qui cum ui-
deret mare tranquillum, incescit cupido nauigationem
faciendi. Itaq; uenundatis ouibus, emptisq; palmarum sar-
cinis, nauigabat. Orta autem uehementi tempestate, & na-
ui

ui mergi periclitante, omne pondus nauis in mare eiecit, uixq; euasit exonerata naui. Paucis post diebus, ueniente quodam & tranquillitatem maris admirante (erat enim sane tranquillum) respondens, inquit, Palmas iterum uult, quantum intelligo: ideoq; immotum sese ostendit.

Adfabulatio. Hæc fabula innuit cruditiones fieri homines damno, atq; periculo.

DE VULPE ET LEONE.

14

Vulpes nullum antea leonem conspicata, cum illi aliquando obuissset, ita conspectum eius expauit, ut parum abfuerit quin extingueretur. Quod cum postea iterum accidisset: ad conspectum quidem leonis exterrita est, sed non ita ut prius. Tertio cum leonem eundem uidisset in ciuitate, non modo non exterrita, sed confidenter adiens, secum colloquuta est & confabulata. **Adfabulatio.**

Hæc fabula innuit, quod consuetudo & conuersatio facit, ut quæ maxime horribilia & formidolosa sunt, neq; horrida, neq; formidolosa uideantur.

DE GALLIS ET PERDICE.

15

Gallos quidam domi suæ cum haberet, mercatus est & perdicem, eamque in societate gallorum dedit unam cum illis saginandam. Eam uero statim galli, pro se quisq; mordebant, abigebantq;. Perdix autem apud se afflictabatur: existimans, ideo talia sibi à gallis inferri, quod suum ab illorum genere alienum esset. Vbi uero non multo post aspexit & illos inter se pugnantes, mutuoque percutientes: recreata à mœrore & tristitia, inquit, Equidem uero posthac ego non afflictabor amplius, uidens eos etiam inter se dimicantes. **Adfabulatio.**

Hæc fabula innuit, uirum prudentem debere æquo animo ferre contumelias ab alienigenis illatas, quos uidet ne

d

à dom

à domesticorum quidem iniurijs abstinere.

DE VULPE ET CAPITÈ QVODAM. 16

Vulpes aliquando in domum citharædi ingressa: dum omnia instrumenta musica, omnem supellectilem scrutaretur: reperit è marmore caput lupinum, scienter fabreque factum. Quod cum in manus sumpsisset, inquit, O caput cum magno sensu factum, nullum sensum obtinens.

Adfabulatio. Hæc fabula ad eos spectat, qui corporis dignitatem habent, animi industriam non habent.

DE CARBONARIO ET FVLLONE. 17

Carbonarius conducta in domo habitans, inuitavit fulclonem, qui eo loci proxime uenisset, ut eisdem in ædibus unâ habitarent. Ad quem fullo, O homo, non est mihi istud factu conducibile: Vereor enim ne quicquid ipse candefacerem, id omne tu carbonaria aspergine fuscæres.

Adfabulatio. Fabula hæc innuit, nullum cum flagitiosis habendum esse commercium.

DE HOMINE GLORIOSO. 18

Vir quidam aliquando peregrinatus, cum iterum domum rediisset: cum multa ardua in diuersis regionibus à se uiriliter gesta iactabundus prædicabat: tum uerò illud maxime, quod Rhodi omnes certamine salendi superassent: eiusque rei Rhodios, qui affuerunt, testes esse. Ad quem unus assistentium respondens, inquit, O homo, si uerum est quod loqueris, quid tibi opus est testibus? Ecce Rhodus, ecce hic certamen salendi. Adfabulatio.

Hæc fabula innuit, quod ubi rerum testimonia adsunt, nil opus est uerbis.

DE HOMINE ET APOLLINE. 19

Quidam facinorosus Delphos se contulit, Apollinem tentaturus, habensque passerculum sub pallio, quem pugno

pugno tenebat. Accedensq; ad tripodas, interrogabat Deū,
dicens: Quod habeo in dextera, uiuit ne, an mortuum est?
Prolaturus passerulum uiuum, si mortuum respondisset;
rursus prolaturus mortuum, si uiuum respondisset. Occidisset enim statim sub pallio, priusquam proferret. At Deus
subdolam calliditatem hominis intelligens, dixit, O' consul-
tor, utrum mauis facere (penes te nanq; arbitriū est) facito:
& siue uiuum, siue mortuū quod in manu habes, proferito.

Adfabulatio. Fabula hæc innuit mentem diuinam
nihil neq; latere, neq; fallere.

DE PISCATORE ET CINARIDE. 20

Piscator quidam demissis in mare retibus, detulit cina-
ridem pusilli corporis: quæ piscatorem sic obsecrabat,
Noli me in presentiarum capere pusillam & minutam, si-
ne abire & crescere: ut postea iam adulta, commodum cum
maiore potiaris. Cui piscator, Ego uerò amens sim, si lu-
crum quod inter manus habeo (licet exiguum) prætermi-
tam spe futuri boni quantumlibet magni.

Adfabulatio. Hæc fabula innuit stolidum esse, qui
propter spem maioris, rem & præsentem & certam (licet
paruam) non amplectitur.

DE ASINO ET EQVO. 21

Vir quidam habebat equum & asinum. In itinere fa-
ciendo, inquit asinus equo, Si me saluum uis, leua me
parte oneris mei. Equo illius uerbis non obsequente, asinus
sub onere cadens, moritur. Tunc dominus iumentorum o-
mnes quas portabat asinus sarcinas, simulq; corium, quod
à mortuo exuerat, equo imponit. Quo onere depressus
equus cum clamore inquit, Væ mihi iumentorum infelicis-
simo, quid mihi misero euenit? Nam recusans partem, nunc
totum onus porto, & illius corium.

Adfabulatio.

d 2

Hæc

Hæc fabula innuit maiores debere in laboribus participes esse minoribus, ut utriq; incolumes sint.

DE HOMINE ET SATYRO. 22

Vir quidam cum satyro amicitiam inierat. Qui cum edendi gratia sederent, exorta coeli tempestate, uir manus ad os admouens, anhelitu refocillabat. Quod intuens satyrus, interrogat quam ob rem id faceret. Ille inquit, calore oris argentes manus refocillo. Pauloq; post, calidiore edulio allato, cum uir iterum manus ad os admouens, calorem cibi tenui inspiratione refrigerauit, interrogat satyrus, quã ob rem & illud faciat. Respondente autem uiro, ut refrigeraret edulium: Atqui ego, inquit satyrus, tecum posthac amicitiam non exercebo, qui ex uno ore & calidum promis & frigidum. Vale. Adfabulatio.

Fabula innuit deuitandam eius amicitiam esse, cuius anceps uita est, & non simplex sermo.

DE AGRICOLA, ET CANIBVS. 23

Agricola quidam hyberno sydere in agro deprehensus, deficientibus cibarijs, primum interfectis singulis ouibus, illarum carnibus uestebatur, mox & caprarum, postremo operarijs bobus interemptis alebatur. Quod canes dum animaduertissent, inter se colloquuti sunt, dicentes, At nos hinc faciamus fugam. Si enim operarijs bobus dominus non pepercit, nec nobis quidem parcat.

Adfabulatio. Hæc fabula innuit, fugiendos cauendosq; qui à familiaribus manus non abstinent.

DE QVODAM ADMORSO A CANE. 24

Admorsus quidam à cane, circuibat singulos, corrogans curationem: nactusq; quendam est, qui cognita mali qualitate, inquit, Si tu quidẽ ò homo conuallescere uis, crustam panis madefactam in sanguine uulneris, porrige cani,

eani, qui te momordit comedendam. Cui ille deridenter inquit, Ego mehercle, si illud fecero, dignus sum qui ab omnibus huius urbis canibus præmordear. Adfabulatio.

Hæc fabula innuit, improbos homines cum maxime beneficia acceperint, tum maxime ad maleficia animari.

DE THYNNO ET DELPHINO. 25

Thynnus cum Delphinum insequentem præcipiti cursu fugeret, & iam capiendus esset, in anfractum quandam se intorsit. Delphinus quoq; ad alterum similem impetu ipso allisus est. Ad quem Thynnus respiciens, eumq; expirantem uidens, inquit, Iam mihi mors non erit molesta, uidenti eum qui mihi causa mortis est, mecum morientem.

Adfabulatio. Hæc fabula innuit, æquo animo ferre homines calamitates, cum eos per quos in calamitate sunt, calamitosos aspiciunt.

DE AUCUPE. 26

Auceps quidam sumptis aucupatorijs retibus, ad uenandum processit, uisq; palumbo in cacumine arboris sedente, compositas artificiose arundines cum retibus ad auem elanculum admouebat, sperans illam se uenari posse. Quod cum agit, in altum intuens, iacentem uiperam pedibus pressit: quæ exasperata dolore hominem momordit. At ille iam deficiens, Me miserum, inquit, qui cum alterum uenari uolo, ipse ab altero captus perco.

Adfabulatio. Hæc fabula innuit, q. æmuli alios arte sua nitētes decipere, sæpe in laqueos quos tendūt, incidunt.

DE CASTORE. 27

Castor præter cæteros quadrupedes, in aqua dirare fertur, suaq; genitalia ad artem medicam sane utilia esse. Hic ubi uidet se ab indagantibus hominibus captum iri (nouit enim quamobrem indagetur) ipse sibi genitalia

d 3 præci

præcidit, atque in sequentes proijciens, hoc modo incolu-
mis euadit. Adfabulatio.

Hæc fabula innuit, huius exēplo prudentes debere pro-
adipiscenda salute, nullam rationem habere fortunarum.

DE VATICINATORE.

28

Vaticinator quidam in foro sedens sermocinabatur,
cum sibi quidam denuntiat fores domus eius effractas
esse, omniāq; direpta quæ in domo fuissent. Ad quem nun-
tium uaticinator gemens, properansq;, cursu se domum re-
cipiebat. Quem currentem intuens quidam, O tu, inquit,
qui aliena negotia te diuinaturum promittis, certe tua ipse
non diuinasti. Adfabulatio.

Fabula hæc ad eos spectat, qui res suas non recte admi-
nistrantes, alienis, quæ nihil ad eos pertinent, providere ac
consulere conantur.

DE AUCUPE ET MERULA.

29

Auccps tetenderat uolucris retia: quod cū in-
tucns merula, percontabatur hominem quid negotij
ageret. Ille respondit, se condere urbem. Abijtq; longius, &
se se abdidit. Merula uerò uerbis illius fidem habens, acce-
dens ad escam iuxta retia positam, capta est. Accurrenteq;
aucupe, inquit, O homo, si tu quidem talem condis urbem,
haud multos inuenies incolas. Adfabulatio.

Hæc fabula innuit, eo maxime modo rem priuatam, &
publicam destrui, cum præsides seuitiam exercent.

DE VIATORE ET IOVE.

30

Viator longum ingressurus iter, si quid inuenisset, eius
dimidium Iouise oblaturum promisit. Inuento autem
in ipso itinere uase palmarum & amygdalorum pleno co-
medit omnes palmulas amygdalaq;: sed horum nucleos, il-
larum putamina ad aram quandam obtulit inquires, Iupi-
ter,

fer, habes quod tibi uoueram: quod enim inueni, eius & interiora & exteriora tibi offero.

Adfabulatio. Fabula hæc innuit, auarum hominem cupiditate pecuniæ, etiam dijs moliri fallacias.

DE FILIO ET MATRE.

31

PVer quidam in schola condiscipuli furatus tabellam alphabetariam attulit matri suæ. A qua non castigatus, quotidie magis furabatur. Procedente autem tempore maiora cœpit furari. Tandem à magistratu deprehensus ducebatur ad supplicium: Matre uerò sequente ac uociferante, rogauit satellites, ut paulisper cum ea ad aurem loqui permitterent. Quibus annuentibus, & matre festinabunda, aurem ad os filij admouente: ille auriculam maternam dentibus amorfam euulsit. Et cum mater cæteriꝫ increparent, non modo ut firem, sed etiam ut in parentem suam impium, inquit, Hæc mihi, ut perderer, extitit causa: si enim me ob tabellam alphabetariam castigasset, nequaquam ad ulteriora progressus, ad supplicium nunc ducerer.

Adfabulatio. Fabula hæc innuit, quòd qui inter initia peccandi non coercentur, ad grauiora flagitia euadunt.

DE FILIO ET PATRE.

32

Filium quidam senior habebat generosi animi, & uenaticorum canum amatorem. Hunc per quietem uidebat à leone trucidari. Territus igitur, ne fortè somnium hoc aliquando sequeretur euentus, extruxit domum quandam politissimam, laquearibus ac fenestris amœnissimam: illucꝫ inducens filium, illi custos inhærebat. Depinxerat enim in ea domo, ad oblectationem filij, omne genus animalium, in quibus & leonem. Adolescens hæc inspiciebat, eo amplius molestiæ contrahebat. Quadam autem uice leoni propius stans inquit, O truculentissima

d + fera,

fera, te propter, & propter inane somnium patris, in hac domo asseruor uelut in carcere. Quid igitur faciam? Et hæc dicens, manum parieti incussit, oculum leoni eruere uolens, & clauo, qui illic latebat, offendit: qua ex percussione manus emarcuit: succreuitq; sanies, ac febris subsecuta est: breui adulescens est mortuus. Ita leo adulescentem occidit, nihil adiuuante patris sophismate.

Adfabulatio. Hæc fabula innuit, quæ uentura sunt, deuitare posse neminem.

DE CALVO QVODAM.

33

CAluus quidam mentitos crines gerens, dum equo uehebatur, ecce turbinis uentus illos de capite sustulit: risus statim magni presentibus excitantur. Et ille mutuo risu ad eos, inquit, Quid mirum si crines, qui non erant mei, à me recesserint? Illi quoq; recesserunt, qui mecum fuerant nati. **Adfabulatio.**

Hæc fabula innuit, non debere nos mœrere ob amissas opes. Quod enim nascentes à natura non accepimus, non potest nobiscum perpetuo permanere.

FINIS.

A L I A E I T E M

ALIQUOT AESOPI FA-

bulae, e Græco in Latinum uerse, incerto interprete.

IMPOSSIBILIA PROMITTENS.

Vir pauper ægotans, & male affectus, cum à medicis desperatus esset, deos rogabat, pollicens, si sanitatem sibi rursus restituisent, centum boues ipsis oblaturum esse in sacrificium. Vxore autem eius audiente, Et ubi tibi hæc, si con

si conualueris ? ille ait , Putas enim surgere me hinc, ut dei hæc à me repetant? Adfabulatio.

Fabula significat , multos facile polliceri , quæ re comprobare non sperent.

R A N A E.

2

Ranae duæ in paludæ pascebantur, æstate autem siccata palude, illa derelicta, quærebant aliam: cæterum profundum inuenerunt puteum: quo uiso, altera alteri inquit, Descendamus heus tu in hunc puteum. Illa respondens ait, Si igitur & hic aqua aruerit, quomodo ascendemus?

Adfabulatio. Fabula declarat nost oportere inconsiderate res aggredi.

CANIS, ET GALLVS.

3

Canis & gallus inita societate iter faciebant. Vespere autem superueniente, gallus conscensa arbore, dormiebat: at canis ad radicem arboris excauata. Cum gallus, ut assolet, noctu cantasset, uulpes ut audiuit accurrit: & stans inferius, ut ad se descenderet, rogabat, quod cuperet cõmendabile adeo cantu animal cõplecti. Cum autem is dixisset, ut ianitorem prius excitaret ad radicem dormientem, ut cum ille aperuisset, descenderet: & illa quærente ut ipsum uocaret, canis statim profiliens eam dilacerauit.

Adfabulatio. Fabula significat, prudentes homines inimicos insultantes ad fortiores astu mittere.

LEO, ET VRSVS.

4

Leo & ursus simul magnum nacti hinnulum, de eo pugnant, etiam uertigine corripentur: defatigati iacebant. Vulpes autem circumcirca eundo, ubi prostratos eos uidit, & hinnulum in medio iacentem, hunc per utrosq; percurrento, rapuit, fugiensq; abiuit: at illi uidebant quidem

d 5 ipsam

ipsam, sed quia non poterant surgere, Nos miseros, dicebant, quia uulpi laborauimus. Adfabulatio.

Fabula significat, alijs laborantibus, alios lucrari.

VESPERTILIO, ET RUBVS,

et Mergus.

Vespertilio, et rubus, et mergus inita societate mercatoriam decreuerunt uitam agere. Itaq; uestpertilio argentum mutuata proiecit in medium: rubus uestem secum accepit: mergus tertius, et: et nauigauerunt. Tempestate autem uehementi oborta, et navi euersa, omnibus perditis, ipsi in terram euaserunt. Ex illo igitur mergus litoribus semper asidet, num quopiam et eijciat mare. Vespertilio uero creditores timens, interdum non apparet, noctu ad pabulum exit. Rubus prætereuntium uesti inhaeret, sicubi suam cognoscat querendo.

Adfabulatio. Fabula significat, in ea quibus incumbimus, in posterum incidere.

PAVO, ET MONEDULA.

Avibus creaturis regem, pavo orabat, ut se ob pulchritudinem eligerent. Eligentibus autem eum omnibus, monedula suscepto sermone ait, Sed si te regnante, aquila nos persequi aggressa fuerit, quomodo nobis opem feret?

Adfabulatio. Fabula significat, principes non modo propter pulchritudinem, sed et fortitudinem et prudentiam eligi oportere.

SINGULARIS ANIMAL ET VULFES.

Singularis agrestis super quadam sidens arbore dentes acuebat. Vulpe rogante causam, quare nulla praeposita necessitate dentes acueret, ait, Non abs re hoc facio: nam si me periculum inuaserit, nequaquam me tunc acuendis dentibus occupatum esse oportebit, sed potius paratis uti.

SIN

Adfabu

Adfabulatio. Fabula significat, aduersus periculum preparatum esse oportere.

CASSITA.

CASSITA laqueo capta plorans dicebat, Hei mihi misere, & infelici uolucris, non aurum surripui cuiusquā, non argentum, non aliud quicquam pretiosum. Granum autem tritici paruum, mortis mihi causa fuit.

Adfabulatio. Fabula in eos, qui ob inutile lucrum magnum subeunt periculum.

HINNVLVS.

HINNVLVS aliquando ceruo ait, Pater, tu & maior, & celerior canibus, & cornua præterea ingentia gestas ad uindictam, curnā igitur sic eos times? Et ille ridens ait, Vera quidē hæc inquis, fili: unū uerò scio, quod cū canis latratū audiuerō, statim ad fugam nescio quomodo efferor,

Adfabulatio. Fabula significat natura timidos, nulla admonitione fortificari.

AVARVS.

AVARVS quidam cum omnia sua bona uendidisset, & auream glebam fecisset, in loco quodam infodit, unā defosso illic & animo suo, & mente: atq; quotidie eundo, ipsam uidebat. Id autem ex operis quædam obseruando cognouit, & refossam glebā abstulit. Post hæc & ille profectus, & uacuum locum uidens, lugere coepit, & capillos euellere. Hunc cū quidā uidisset sic plorantem, & causam audiuiisset, Ne sic, ait, ò, tu, tristare: neque enim habens aurum, habebas: lapidem igitur pro auro acceptum reconde, & puta tibi aurum esse, eundem enim tibi usum præstabit: nam, ut uideo, neq; cum aurum erat, utebare.

Adfabulatio. Fabula significat, nihil esse possessionem, nisi usus adfuerit.

ANSE-

ANSERES, ET GRUES. 11

Anseres, & grues in eodem prato pascebantur. Venatoribus autem uisis, grues, quod esset leues, statim euolauerunt, anseres uero ob onus corporum cum mansissent, capti fuerunt. Adfabulatio.

Fabula significat, & in expugnatione urbis, inopes facile fugere, diuites autem seruire captos.

TESTUDO, ET AQUILA. 12

Testudo orabat aquilam, ut se uolare doceret. Ea autem admonente procul hoc à natura ipsius esse, illa magis precibus instabat. Accepit igitur ipsam unguibus, & in altum sustulit: inde demisit: hæc autem in petras cecidit, & contrita est. Adfabulatio.

Fabula significat, multos quia in contentionibus prudentiores non audiuerint, se ipsos læsisse.

CERVA. 13

Cerua altero obcæcata oculo, in litore pascebatur, sanum oculum ad terram propter uenatores habens, alterum uero ad mare, unde nihil suspicabatur. Præternauigantes autem quidam, & hoc coniectantes, ipsam sagittarunt: hæc autem se ipsam lugebat, quod unde timuerat, nihil passa foret, quod non putabat malum allaturum, ab eo proditam. Adfabulatio.

Fabula significat, sepe quæ nobis noxia uidentur, utilia fieri: quæ uero utilia, noxia.

CERVA, ET LEO. 14

Cerua uenatores fugiens, in speluncam ingressa est. In leonem autem ibi cum incidisset, ab eo comprehensa est. Moriens autem dicebat, Hæc mihi homines fugiens, in ferarum immitissimum incidi. Adfabulatio.

Fabula significat, multos homines dum parua fugiunt peri

pericula, in magna incurrere.

CERVA, ET VITIS.

15

Cerua uenatores fugiens sub uite delituit. Cum præterissent autem parumper illi, cerua prorsus iam latere arbitrata, uitis folia pasci incœpit. Illis uerò agitatæ, uenatores conuersi, & quod erat uerum arbitrati, animal aliquod sub folijs occultari, sagittis confecerunt ceruam. Hæc autem moriens talia dicebat, Iusta passa sum, non enim offendere oportebat, quæ me seruauit.

Adfabulatio. Fabula significat, qui iniuria benefactores afficiunt, à Deo puniri.

ASINVS, ET LEO.

16

Cum asino gallus aliquando pascebatur. Leone autem aggresso asinum, gallus exclamauit, & leo (aiūt enim hunc galli uocem timere) fugit. At asinus ratus propter se fugere, aggressus est statim leonem. Vt uerò procul hunc persecutus est, quò nō amplius galli perueniebat uox, conuersus leo deuorauit. Hic uerò moriens clamabat, Me miserum & dementem: ex pugnacibus enim non natus parentibus, cuius gratia in aciem irrui? **Adfabulatio.**

Fabula significat, plerosq; homines, inimicos, qui se de industria humiliarunt, aggredi, atq; ita ab illis occidi.

OLITOR, ET CANIS.

17

Olitoris canis in puteum decidit: olitor autem ipsum illinc extracturus, descendit & ipse in puteum. ratus autem canis accessisse ut se inferius magis obrueret, cōuersus olitorem momordit. Hic autem cum dolore reuersus, Iusta, inquit, patior. nam cur unquam sui interfectorem seruare studui?

Adfabulatio.

Fabula in iniustos, & ingratos.

SVS, ET CANIS.

18

Sus &

SVs & canis mutuò coniiciabantur. Et sus iurabat per Venerem, procul dubio dentibus discissurum canē, Canis uerò ad hæc dissimulanter dixit, Bene per Venerē nobis iuras: significas enim ab ipsa uehementer te amari, quæ impuras tuas carnes degustantem nullo pacto in sacellum admittit. Et sus, Propter hoc igitur magis præ se fert deæ amare me: nam occidentē aut alio quouis modo lædentem omnino auersatur: tu tamen male oles & uiua & mortua.

an Adfabulatio. Fabula significat, prudentes oratores, quæ ab inimicis obijciuntur, artificiose in laudē conuertere.

fab SVS, ET CANIS. 19

SVs & canis de fecunditate certabant. Dixit autem canis, fecundam esse maxime pedestrium omnium. Et sus occurrens, ad hæc inquit, Sed cum hæc dicis, scito & cæcos tuos te catulos parere. Adfabulatio.

Fabula significat, non in celeritate res, sed in perfectione iudicari.

SERPENS, ET CANCER. 20

Serpens unā cum cancro uiuebat, inita cum eo societate. Itaque cancer simplex moribus, ut & ille astutiam mutaret, admonebat: hic autem minimè obediēbat. Cum obseruasset igitur cancer ipsum dormientem, & pro uiribus compressisset, occidit. At serpente post mortem extenso, ille ait, Sic oportebat antehac rectum & simplicē esse: neq; enim hanc poenam dedisses. Adfabulatio.

Fabula significat, qui cum dolo amicos adeunt, ipsos offendi potius.

PASTOR, ET LUPVS. 21

PAstor nuper natum lupi catulum reperit, ac sustulit, unaq; cum canibus nutriuit. At cū adoleuisset, si quando lupus ouem rapuisset, cum canibus & ipse persequetur.

tur. Cum canes uerò aliquando non possent assequi lupum, atq; ideo reuenterentur, ille sequebatur, ut cū ipsum affectus esset, particeps foret uenationis ut lupus: inde redibat. Sin autem lupus extrā non rapuisset ouem, ipse clam occidens, unā cum canibus comedeat: donec pastor cum coniectasset, & intellexisset rem, de arbore ipsum suspendit, & occidit.

Adfabulatio.

Fabula significat, naturam prauam bonos mores non nutrire.

LEO, ET LUPVS.

22

LEo cum consenuisset, egrotabat iacens in antro. Accesserant autem uisitatura regem, præter uulpem, cætera animalia. Lupus igitur capta occasione accusabat apud leonem uulpem, quasi nihili facientem suum omnium dominum, & propterea neq; ad uisitationem profectam. Interim affuit & uulpes, & ultima audiuit lupi uerba: Leo igitur cōtra eam infremuit. Sed defensionis tempore petito, Et quis, inquit, eorum, qui conuenerunt, tantum profuit, quantum ego, quæ in omnem partem circuiui, & medicamentum pro te à medico quæsiui, & didici? Cum autem leo statim, ut medicamentum diceret, imperasset, illa inquit, Si lupo uiuente excoriato, ipsius calidam pellem indueris. Et lupo iacente uulpes ridens ait, Sic non oportet dominum ad inualcentiam mouere, sed ad beneuolentiā.

Adfabulatio. Fabula significat, eum qui quotidie machinatur, in seipsum laqueum uertere.

MVLIER.

23

Mulier quædam uirum ebriū habebat: ipsum autem à morbo liberatura, tale quid commenta est. Aggrauatum enim ipsam ab ebrietate cū obseruasset, & mortui instar insensatum, in humeros eleuatum, in sepulcrum allatum

allatum deposuit, & abiit. Cum uerò ipsum iam sobrium esse coniectata esset, profecta ianuam pulsauit sepulcreti. Ille autem cum diceret, Quis est, qui pulsat ianuam? uxor respondit, Mortuis cibaria ferens ego adsum. Et ille, Non mihi comesse, sed bibere ò optime potius asser: tristem enim me reddis, cum cibi non potus meministi. Hæc autè pectus plangendo, Hei mihi misera, inquit: nam neq; astu profui: tu enim uir non solum non emendatus es, sed peior quoq; te ipso euasisti. in habitum tibi deductus est morbus.

Adfabulatio. Fabula significat, non oportere in malis actibus immorari: nam & nolentem quandoque hominem consuetudo inuadit.

CYCNVS.

24

Vir diues anserem simul & cynum nutrebat, non ad eadè tamè, sed alterum cantus, alterū mēse gratia. Cum autem oporteret anserem pati ea, quorū causa nutrebat, nox erat, ac discernere tempus nō permisit utrunq;: cynus autem pro anserē abductus, cantat cantū quendam mortis exordium: & cantu significat naturam, mortem uerò effugit suauitate canendi. **Adfabulatio.**

Fabula significat, sæpe musicen differre mortem.

AETHIOPS.

25

Aethiopem quidam emit, talem ei colorem inesse ratus negligentia eius, qui prius habuit: ac assumpto in domum, omnes ei adhibuit abstersiones, omnibus lauacris tenuit mundare: & colorem quidem transmutare non potuit, sed morbum dolor parauit. **Adfabulatio.**

Fabula significat, manere naturas, ut à principio pro uenerunt.

HIRUNDO, ET CORNIX.

26

Hirundo & cornix de pulchritudine cōtendebāt. Respondēs autè cornix ei dixit, Sed tua pulchritudo uer-

uerno tēpore floret, meū uerò corpus etiam hyeme durat.

Adfabulatio. Fabula significat, durationem corporis, decore meliorem esse.

B V T A L I S.

27

Bvtalis à fenestra quadam pendeat: Vespertilio autem profecta rogauit causam, quare die sileret, nocte caneret. Cum autem id ea non incassum hoc facere dixisset (nam die canendo olim capta fuerat, & propterea ex illo prudens euasit) uespertilio ait, Sed non nunc te cauere oportet, cum nulla utilitas, sed antè quàm caperetur.

Adfabulatio. Fabula significat, in infortunijs inutilem esse poenitentiam.

C O C H L E A E.

28

Rvstici filius assabat cochleas, Cum autē audiret eas stridentes, ait, O' pessimæ animantes, domibus uestris incensis uos canitis? Adfabulatio.

Fabula significat, omne intempestiuè factum, uituperabile,

M V L I E R, E T A N C I L L A E.

29

Mvlier uidua operosa ancillas habens, has solebat noctu excitare ad opera ad gallorum cantus. His uerò assidue defatigatis labore, uisum est oportere domesticum occidere gallum, tanquam illum qui noctu excitaret heram. Euenit autem ipsis, hoc facto, ut in grauiora inciderent mala: nā hera ignorās gallorū horam, tēperius eas excitabat.

Adfabulatio. Fabula significat, plerisq; hominibus consilia esse malorum causas.

M V L I E R V E N E F I C A.

30

Mvlier uenefica diuinarū irarum propulsiones promittens, multa facere perseuerabat, & lucrū inde facere. Quidam igitur accusauerunt eam impietatis, & cōuicerunt

cerunt, & damnatam ducebant ad mortem. Videns autem quidam eam duci, ait, Tu quæ deorū iras auertere promittebas, quomodo neq; hominum consilium mutare potuisti?

Adfabulatio. Fabula significat, multos magna promittentes, ne parua quidem facere posse.

AGRICOLA.

31

Agricola quidam sodiando auram reperit: quotidie igitur terrā, ut ab ea beneficio affectus, coronabat. Huic autem Fortuna adstans, inquit, Hecus tu, cur terræ mea munera attribuis, quæ ego tibi dedi ditatura te? nam si tempus immutetur, & in alias manus hoc tuum aurum eat, scio te nunc me Fortunam accusaturum.

Adfabulatio. Fabula significat, oportere benefactorem cognoscere, atq; huic gratiam referre.

VIATORES.

32

Dvo quidam unā iter faciebant: & cum alter securim reperisset, alter, qui non inuenit, admonerat ipsum ne diccret inueni, sed inuenimus. Paulò post autem cum aggrederentur ipsos, qui securim perdiderant, qui eam habebat, persequentibus illis, ei qui unā iter faciebat, dixit, Perijimus. Hic autem ait, perij dic: non, perijmus: etenim & tunc, cum securim inuenisti, inueni dixisti, non, inuenimus.

Adfabulatio. Fabula significat, qui nō fuerūt participes felicitatum, neq; in calamitatibus firmos esse amicos.

RANAE DVAE.

33

Dvæ ranæ vicinæ sibi crāt: pascebantur autem altera in profundo stagno, & procul à uia: altera in uia parum aquæ habēs. Vcrum, cum quæ in stagno, alteram admoneret, ut ad se migraret, ut tutiore cibo frueretur, illa non paruit, dicens firmissima teneri huiusce loci consuetudine: quousq; obligit currū prætereuntē ipsam confringere.

Adfab

Adfabulatio. Fabula significat, homines quoq; praua aggredientes citius mori, quàm mutantur in melius.

A P I A R I V S.

34

IN mellarium ingressus quidam domino absente, fauum abstulit. Hic autem reuersus, ut alueolos uidit inanes, stans quod in his erat perscrutabatur. Apes autem è pastu redeuntes, ut deprehenderunt ipsum, aculeis percutiebant, pessimeq; tractabāt. Hic autem ad eas, O pessimæ animantes, furatum uestros fauos illæsum dimisistis, me uerò satagentem uestri, percutitis?

Adfabulatio.

Fabula significat, sic homines quosdam ob ignorantiam inimicos non cauere, amicos autē ut insidiatores repellere.

A L C E D O.

35

ALcedo auis est solitaria, semper in mari uitam degens: hanc dicitur hominum uenationes cauentem, in scopulis maritimis nidificare. Caterum aliquando paritura, pullos fecit. Egressa autem ea ad pabulum, accidit mare à uehementi concitatum uento, elcuari supra nidum: atq; hoc submerso, pullos perdere: hæc uerò reuersa, re cognita, ait, Me miseram, quæ terram ut insidiatricem cauens, ad hoc confugi, quod mihi longe est infidius.

Adfabulatio. Fabula significat homines etiam quosdam ab inimicis cauendo, ignaros in multo grauiores inimicis amicos incidere.

P I S C A T O R.

36

Piscator in fluuio quodam piscabatur. Extensis autem retibus, & fluxu comprehenso utrinq; funi alligato lapide, aquam uerberabat, ut pisces fugientes incaute in retia inciderēt. Cum quidam uerò ex ijs, qui circa locum habitabant, id facere uideret, increpabat, quòd fluium turbaret, & clarā aquam non siceret bibere: & is respōdit, Sed nisi

sic fluuius perturbetur, me oportebit esurientem mori.

Adfab. Fabula significat, ciuitatum etiam rectores tunc maxime operari, cum patrias in seditionem induxerint.

SIMIVS, ET DELPHIS.

37

Moris cum esset nauigantibus Melitenses catulos & simios adducere in solamen nauigationis, quidam habebat secum & simium. Cum autem peruenissent ad Sunium Atticæ promontorium, tempestatem uehementem fieri contigit: nauis autem euersa, & omnibus natantibus, natat & simius. Delphis quispiam ipsum conspiciens, & hominem esse ratus, digressus leuabat, ad terram perferens. Vt uero in Piræo fuit Atheniensium nauali, rogauit simium, an genere esset Atheniensis. Cum autem hic diceret & clavis hic esse parentibus: rogauit an & Piræum sciret. Ratus autem simius de homine cum dicere, ait, Et ualde amicum esse ei, & familiarem. At Delphis tanto mendacio indignatus, submergens ipsum occidit.

Adfabulatio. Fabula in uiros qui ueritatem ignorantes, existimant se decipere.

M V S C A E.

38

In cella quadam melle effuso, muscæ aduolantes comedebant: implicitis autem earum pedibus, euolare non poterant: cum uero suffocarentur, dicebant, Miseræ nos, quia ob modicum cibum perimus.

Adfabulatio. Fabula significat, multis gulam multorum malorum esse causam.

MERCVRIVS, ET STATVARIVS.

39

Mercurius scire uolens, quanti apud homines esset, uiuit in statuarii domum transformatus in hominem, & uisa statua Iouis, rogabat, quanti quis ipsam emere posset

set. Hic autem cum dixisset, drachma, risit. Et quanti Iunonis? ait, Cum dixisset, pluris: uisa & sua ipsius statua, ac opinatus cum nuntius sit deorum, & lucrosus, maximam de se apud homines haberi rationem, rogauit de se. Statuarius uero ait, Si hasce emeris, & hanc additamentum do.

Adfabulatio. Fabula in uirum gloriosum, qui nullius apud alios est pretij.

MERCURIUS ET TIRESIAS.

Mercurius uolens Tiresiæ uaticinium, an uerum esset cognoscere, furatus ipsius boues ex rure uenit ad ipsum in urbem, simulis factus homini, & ad ipsum diuertit. Bouem autem amissione renuntiata Tiresiæ, ille assumpto Mercurio exiuit, augurium aliquod de fure consideraturus. Et huic iubet dicere sibi quamnam auem uiderit. Mercurius autem primum uidisse aquilam à sinistris ad dextram uolantem, dixit. Hic non ad se id esse cum dixisset, secundò cornicem super arbore quadam sedentem uidit, & modò superius aspicientem, modò ad terram declinatam, uati refert. Et is re cognita ait, Sed hæc cornix iurat & coelum, & terram, si tu uelis, meas me recepturum boues.

Adfabulatio. Hoc sermone uti quispiam poterit aduersus uirum furacem.

C A N E S.

Habens quidam duos canes, alterum uenari docuit, alterum domum seruare. Cæterum si quando uenaticus caperet aliquid, qui domum custodiebat, particeps unà cum eo erat coenæ. Aegrè ferente autem uenatico, & illi obijciente, quòd ipse quotidie laboraret, ille nihil faciens suis nutritur laboribus, respondens ipse ait, Non me, sed herum reprehende, qui non laborare me docuit, sed labores alienos comesse. Adfabulatio.

Fabula significat, adolēcentes qui nihil sciunt, haud esse reprehendendos, cum eos parentes sic educauerint.

MARITVS ET VXOR.

42

HAbens quidam uxorem, quæ domesticis omnibus inimica erat, uoluit scire an etiam erga paternos domesticos ita afficeretur. Quapropter cum rationabili prætēxtu ad suum patrem ipsam misit. Paucis uerò post diebus ea reuersa, rogauit quomodo aduersus illos habuisset. Hæc uerò cum dixisset, Bubulci et pastores me suspectabant: ad eam ait, Sed o uxor, si eos odisti, qui manē greges agūt, serò autem redeunt, quid sperare oportet in ijs quibus cum tota conuersaris die? Adfabulatio.

Fabula significat, sic sæpe ex paruis magna, et ex manifestis incerta cognosci.

HOEDVS ET LVPVS.

43

HOedus derelictus à grege, persequente lupo, conuersus ad eum dixit, O lupe, quoniam credo me tuum cibum futurum, ne iniucundè moriar, cane tibia primum, ut saltem. Lupo autem canente tibia, atq; hœdo saltante, canes cum audiuisent, lupum persecuti sunt. Hic conuersus hœdo inquit, Merito hæc mihi fiūt: oportebat enim me cocus cum sim, tibicinem non agere.

Adfabulatio. Fabula significat, qui ea quibus natura apti sunt, negligunt, quæ uerò aliorum sunt, exercere conantur, in infortunia incidere.

CANCER ET VVLPES.

44

CAncer è mari cum ascendisset, in loco quodam pascebatur. Vulpes esuriens ut uidit, accessit, ac eum rapuit. Ille deuorandus ait, Sed ego condigna patior, qui marinus cum sim, terrestris esse uolui. Adfabulatio.

Fabula significat, homines, etiam qui proprijs derelictis exerci

exercitijs, ea quæ nihil conueniunt, aggrediuntur, merito infortunatos esse.

CITHARÆDVS.

45

Citharædus rudis in domo calce incrustata familiari-
ter, ut solebat, canens, & contra resonante in se uoce,
existimabat ualde canorus esse: uerum elatus super hoc,
cogitauit & in theatro sese committere oportere. Profectus
uerò ad se ostendendum, cum malè admodum caneret, lapi-
dibus ipsum explosum abegerunt.

Adfabulatio. Fabula significat, sic ex rhetoribus
quosdam, qui in scholis putant esse aliquid, cum ad res pu-
blicas se conferunt, nullius pretij esse.

FVRES.

46

Fvres in domum quandam ingressi, nihil inueniunt ni-
si gallum, atq; hoc capto, abierunt. Hic ab eis occiden-
dus rogabat, ut se dimitterent, dicens utilem esse hominibus
noctu eos ad opera excitando. Hi uerò dixerunt, Sed pro-
pter hoc tanto magis occidimus: illos enim excitando, fura-
ri nos non sinis.

Adfabulatio.

Fabula significat, ea maxime prauis esse aduersa, quæ
bonis sunt beneficio.

CORNIX, ET CORVVS.

47

Cornix coruo inuidens, quod is per auguria hominibus
Quaticinaretur, ob idq; crederetur uti futura prædicēs;
conspicata uiatores quosdam prætereuntes, iuit super arbo-
rem quandam, stansq; ualde crocitauit. Illis uerò ad uocem
conuersis & admiratis, re cognita, quidam inquit, Abre-
mus heus nos, cornix enim est, quæ crocitauit, & augu-
rium non habet.

Adfabulatio.

Fabula significat, eodem modo & homines præstantio-
ribus certantes, præterquam quod non ad æqua perue-
niunt

niunt, risum quoque debere.

CORNIX, ET CANIS.

48

Cornix Mineruæ sacrificans canem inuitauit ad epulas. Ille uerò ad eam dixit, Quid frustra sacrificia absumis? Dea enim adeo te odit, ut ex peculiaribus quoq; tibi augurijs fidem sustulerit. Cui cornix, Ob id magis ei sacrifico, ut reconcilietur mihi. Adfabulatio.

Fabula significat plerosq; ob lucrum non mereri inimicos beneficijs prosequi.

CORVVS, ET SERPENS.

49

Coruuus cibi indigens, ut serpentem in aprico quodam loco dormientem uidit, hunc deuolando rapuit. Hic cum se uertisset, atq; momordisset ipsum coruuus moriturus dixit, Me miserum, qui tale reperi lucrū, quo etiam perco.

Adfabulatio. Fabula in uirum, qui ob thesaurorum inuentionem de salute periclitatur.

MONEDVLA, ET COLVMBAE.

50

Monedula in columbario quodam columbis uisis bene nutritis, dealbavit sese, iuitq; ut & ipsa eodem cibo impertiretur. Hæ uerò, donec tacebat, ratæ cā esse colūbam, admiserunt: sed cum aliquando oblita uocem emisisset, tunc eius cognita natura, expulerunt percutiendo: cāq; priuata eo cibo, redijt ad monedulas rursum: & ille ob colorem, cum ipsam non nossent, à suo cibo abegerunt, ut duorum appetens, neutro potiretur.

Adfabulatio. Fabula significat, oportere & nos nostris contentos esse, considerantes auaritiam præterquam quòd nihil iuuat, auferre sæpe & quæ adsunt bona.

MONEDVLA.

51

Monedulam cum quis cepisset, & pedem alligasset filo, suo tradidit filio. Hæc non ferendo uictum inter homines,

homines, ubi parumper libertatem nacta est, fugit, in suūq;
nidum se contulit. Circumuoluto uerò ramis uinculo, euo-
lare haud ualens, cum moritura esset, secū loquebatur, Me
miseram, quæ apud homines nō ferendo seruitutem, incau-
tē mea me uita priuauit. Adfabulatio.

Fabula significat, nōnunquam quosdam, dum se à medio
cribus student periculis liberare, in maiora incidere.

MERCVRIVS.

52

Iupiter Mercurio iussit, ut artificibus omnibus menda-
cij medicamentum misceret: hic co trito, & ad mensu-
ram factō, ex æquo singulis miscet. Cum uerò solo relicto
sutore, multum superesset medicamenti, totum acceptam
mortarium ei miscuit: atque hinc contigit artifices omneis
mentiri, maxime uerò omnium sutores. Adfabulatio.
Fabula in mendaces artifices.

I V P I T E R.

53

Iupiter formatis hominibus, omneis illis affectus indi-
dit, solum indere pudorem oblitus est. Quapropter non
habens undenam ipsum introduceret, per turbam ingredi
eum iussit. Hic uerò primum indignè ferens contradicebat:
uehementius uerò eo instante, ait, sed ego sanè his ingre-
dior pactis, si amor non ingrediatur: sin ingrediatur, ipse
exibo quàm primum. Ex hoc sanè euenit, omnia scorta in-
uerecunda esse. Adfabulatio.

Fabula significat, captos amore inuerecundos esse.

I V P I T E R.

54

Iupiter nuptias celebrans, omnia animalia accipiebat:
sola uerò testudine tardè profecta, admirās causam tar-
ditatis, rogauit eam, quamobrem ipsa ad coenam non acces-
serat. Cum hæc dixisset, Domus chara, domus optima: ira-
tus ipsi, damnauit ut domum baiulans circumferret.

c 3

Abfabu

Adfabulatio. Fabula significat, plerosq; homines eligere parce potius apud se uiuere, quàm apud alios lautè

L V P V S, E T O V I S.

L Vpus à canibus morsus, & male affectus, abiectus iacebat. Cibi uerò indigens, uisa oue, rogabat ut potum ex præterfluente flumine sibi afferret: Si enim tu mihi, inquit, dederis potum; ego cibum mihi ipsi inueniam. Illa recognita ait, Sed si ego potum do tibi, tu et cibo me uteris.

Adfabulatio. Fabula in uirum maleficum, per simulationem insidiantem.

L E P O R E S.

L Epores olim belligerantes cum aquilis inuocarunt in auxilium uulpes. Hæ aut dixerunt, Vobis auxiliaremur, nisi sciremus qui uos estis, & cum quibus præliamini.

Adfabulatio. Fabula significat, eos, qui cum præstantioribus certant, suam salutem contemnere.

F O R M I C A.

Q Væ nunc formica, homo olim fuit, hic agriculturæ assidue incumbens, non erat proprijs laboribus contentus, sed & uicinorum fructus surripiebat. Iupiter autem indignatus huius auaritia, transmoutauit eum in hoc animal, quæ formica appellatur. Verum cum mutasset formam, non & affectum mutauit: nam usq; nunc arua circumcundo, aliorum labores surripit, & sibi recondit.

Adfabulatio. Fabula significat natura prauos, et si maxime speciem transmoutauerint, mores non mutare.

V E S P E R T I L I O, E T M V S T E L A.

V Espertilio in terram cum cecidisset, à mustela captus est: & cum occidenda foret, pro salute rogabat. Hac uerò dicente non posse ipsam dimittere, quòd natura uolucris omnibus inimica foret, ait non auem, sed murem esse.

se: & sic dimissa est. Postremo autem cum iterum cecidisset, & ab alia capta mustela, ne uoraretur orabat. Hac autem dicente, cunctis inimicam esse muribus, hæc non mus, sed uespertilio sum, dicebat: & rursus dimissa est: atque ita euenit, bis mutato nomine, salutem consecutam fuisse.

Adfabulatio. Fabula significat, neq; nos in eisdem semper esse oportere, considerantes eos, qui ad tempus mutantur, plerumq; pericula effugere.

VIATORES.

59

Viatores secundum litus quoddam iter facientes, iuerunt in speculam quandam, & illic conspicati sarmeta procul natantia, nauim esse magnam existimarunt: quam obrem expectarunt, tanquam appulsura ea esset. Cum uero a uento lata sarmenta propius forent, non nauim amplius, sed scapha uidere uidebatur. Aduertis autem illis, cum sarmeta esse uidissent, inter se dixerunt, Vt nos igitur frustra, quod nihil est, expectabamus? **Adfabulatio.**

Fabula significat, nonnullos homines, qui ex improviso terribiles esse uidentur, cum periculum feceris, nullius esse pretij inueniri.

ASINVS SYLVESTRIS.

60

Asinus sylvestris asino uiso domestico in loco quodam aprico, profectus ad ipsum, beatum dicebat, & corporis habitudine, & cibi perceptione. Deinde uero cum uidisset cum ferentem onera, & agasonem retro sequentem, & baculis ipsum percutientem, ait, Ast ego non amplius beatum te existimabo: uideo enim non sine magnis malis habere te felicitatem. **Adfabulatio.**

Fabula significat, non esse æmulanda lucra, in quibus in sunt pericula, & miserie.

ASINI.

61

Asini

A Sini olim propterea quod assidue onera ferrent, & fatigarentur, legatos miserunt ad Iouem, solutionem laborum petentes. Hic autem ostendere ipsis uolens, id non fieri, ait, tunc eos liberatum iri laboribus, cum mingendo fluuium fecerint. Ac illi eum uerum dicere existimantes, ex illo & nunc usque, ubi aliorum urinam uiderint a sinorum, illic & ipsi circumstando mingunt.

Adfabulatio. Fabula significat, unicuique quod fatale est, incurabile esse.

ASINVS, ET VVLVES.

62

A Sinus inductus pelle leonis uagabatur, reliqua brutis perterrendo. Ceterum uisa uulpe, tentauit & hanc perterrefacere. Hæc autem (casu enim ipsius uocem audierat) ad ipsum ait, Compertum habeto quod & ego timuisssem, nisi rudentem audiuissem. Adfabulatio.

Fabula significat, nonnullos inductos, qui ijs, qui extra sunt, aliqui esse uidentur, ex sua linguacitate redargui.

ASINVS, ET RANÆ.

63

A Sinus ligna ferens, pertransibat paludem quandam. Lapsus autem, ut decidit, nec surgere posset, lamentabatur, ac suspirabat. Ranae autem quæ erant in palude auditis suspirijs: Hec tu, dixerunt, & quid faceres, si tanto hic tempore, quanto nos fuisses, cum quia paululum cecidisti, sic lamenteris? Adfabulatio.

Hoc sermone uti quispiam poterit in uirum segnem, qui ob minimos quosque labores tristatur, cum ipse maioribus facile resistat.

ASINVS, ET CORVVS.

64

A Sinus ulcerato dorso in prato quodam pascabatur. Coruo autem insidendo sibi, & ulcus percutiendo, asinus rudebat, ac saltabat: sed agasone procul stante, ac riden-

te, lu-

te, lupus præteriens, ipsum uidit, & dixit, Miseri nos, quos si tantum uiderit persequitur, huic autem & arridet.

Adfabulatio. Fabula significat, maleficos homines, si tantum appareant, dignosci.

A S I N U S, ET V V L P E S.

65

Asinus & uulpes inita inter se societate, exiuerunt ad uenationē: Leo uerò cum occurriisset ipsis, uulpes imminens periculum uidens, profecta ad leonem, tradituram ei asinum pollicita est, si sibi impunitatem promiserit. Qui cum dimissurum eam dixisset, illa adducto asino in casses quosdam ut incideret, fecit. Sed leo uidens illum fugere minime posse, primam uulpem comprehendit: deinde, sic ad asinum uersus est.

Adfabulatio.

Fabula significat, eos, qui socijs insidiantur, sepe & seipsos nescios perdere.

G A L L I N A, ET H I R V N D O.

66

Gallina serpētis ouis inuentis diligenter calefacta excludit. Hirundo autem cum eam uidisset, ait, O demens, quid hæc nutris? quæ cum excreuerint, à te prima iniuriam auspicabuntur.

Adfabulatio.

Fabula significat, implacabilem esse prauitatem, licet afficiatur maximis beneficijs.

C A M E L V S.

67

Cum primum uisa est camelus, homines perterriti, & magnitudinem admirati fugiebant. Vbi uerò procedente tempore cognouerunt ipsius mansuetudinem, confisi sunt eò usq; ut ad eam accederent. At intellecto paulò post beluæ non inesse bilcm, eò contemptius iere, ut & fræna ei imponerent, & pueris agendam traderent.

Adfabulatio. Fabula significat terribiles res consuetudine contemptibiles fieri.

Serpens.

Serpens à multis hominibus pessundatus, Iouem pos-
slauit. Iupiter autem ad eum dixit, Si qui prior concu-
cauit, pupugisses, nequaquam id facere secundus aggressus
fuisset. Adfabulatio.

Fabula significat, eos qui prius iniuentibus resistent, alijs formidolosos fieri.

C O L U M B A.

Columba siti corrupta, ut uidit quodam in loco pocu-
lum aquæ depictum, uerum rata, atq; multo elata in
petu, inscia in tabulam offendit, usque adeo ut et pennis
ipsius perfractis in terram decideret, atque à quodam o-
currentium caperetur. Adfabulatio.

Fabula significat, nonnullos homines ob uehementes ad-
critates incōsulto res aggrediētes, iniicere sese in perniciem.

C O L U M B A, E T C O R N I X.

Columba in columbario quodam nutrita, fecunditate
superbicbat. Cornix uero audita, ait: Heus tu, de
fine hac re gloriari, nam quò plures paris, cò plus mero-
ris accumulās. Adfabulatio.

Fabula significat, ex famulis quoq; eos esse infelici-
simos, qui in seruitute multos filios faciunt.

D I U E S.

Diuces duas habens filias, altera mortua, prae-
duxit. Cum uerò altera filia dixisset, Vt nos miserae,
ipse, ad quas pertinet luctus, lamentari nescimus: hæ uerò
non necessariae sic uehementer plangunt. mater ait, Nemi-
rare filia, si hæ ita lamentantur, nam nummorum gratia id
agunt. Adfabulatio.

Fabula significat, nonnullos homines ob auaritiam non
uereri alienis calamitatibus quæstum faccre.

P A S T O R.

Pastor actis in quercetum quoddam ouibus, strati sub quercu ueste, ascendit, & fructum decutiebat. Oves uerò inter edendū glandes, nesciæ & uestes unā deuorauerunt. At cum pastor descēdisset, ut quod erat actum, uidit, O pessima, ait, animalia, uos cæteris uellera ac uestes præbetis, à me uerò, qui uos nutrio, & uestem surripitis.

Adfabulatio. Fabula significat, plerosque homines ob dementiam eos qui nihil attinent, beneficio afficere, in domesticos mala operari.

B. V. B. V. L. V. C. V. S.

73

Bvulcus armentum taurorum pascens, amisit uitulum, lustrando omnem solitudinem, indagando moram traxit. Vbi inuenire nihil potuit precatus est Iouem, si furem qui uitulum cepit, ostenderit, hœdum in sacrificium oblaturum. Cæterum proficiscens in quercetum quoddam, inuenit à leone deuorari uitulum. Trepidus igitur & perterritus, eleuatis manibus suis in cœlum, ait, O domine Iupiter, promiseram tibi hœdum me daturum esse, si furem inuenirem: nunc taurum tibi recipio sacrificaturum, si huius magnus effugero. **Adfabulatio.**

Fabula in homines infortunatos, qui dū quippiā amiserint, precatur ut inueniāt, cū inuenerint, quærūt effugere.

A Q V I L A.

74

Super petra aquila sedebat lepore: captura: hanc autē quidā percussit sagitta, quæ intra ipsam ingressa est, sed crenis cum pennis ante oculos stabat: quam cū uidisset, Et hoc mihi altera mœstita, quod proprijs pennis inteream,

Adfabulatio. Fabula significat, durum esse, cum quis à suis periculis patiat.

V E R M I S, E T V V L P E S.

75

Qui

Qui sub cœno celabatur uermis, super terrā egressus dicebat omnibus animalibus, Medicus sum medicaminum doctus, qualis est Pæon deorum medicus. Et quomodo, ait uulpes, alios curans, te ipsum claudū non curas?

Adfabulatio. Fabula significat, nisi præstò experientia fuerit, omne uerbum inane esse.

GALLINA AVRIPARA.

76

Gallinam quis habens oua aurea parientem, ratus intra ipsam auri massam inesse, occisam alijs gallinis similem reperit. Hic multum sperans inuenire diuitiarum, & exiguis illis priuatus est. **Adfabulatio.**

Fabula significat, oportere contentum esse præsentibus, & fugere inexplebilitatem.

LUPVS, ET VETVLA.

77

Lupus esuriens circuibat quærendo cibum. Profectus autem ad locum quendam, audiuit lugentem puerulum, eiq; dicentem anum, Desine plorare: sin minus, hac hora tradam te lupo. Ratus igitur lupus seriò loqui aniculam, expectabat ad multam horam. Sed cum aduenisset uespera, audit rursus anum blandientem puerulo, ac dicentem, Si uenerit lupus huc, ineterficiemus eum fili. His auditis lupus cundo dicebat, In hoc tugurio aliud dicunt, aliud faciunt. **Adfabulatio.**

Fabula in homines quorū facta uerbis non respondet.

DE CVLICE, ET LEONE.

78

Cvlex ad leonem accedens, ait, Neque timeo te, neque fortior me es: minus mihi adesse uirū ideo existimas, quòd laceres unguibus, & dentibus mordeas? hoc & formina cum uiro pugnans facit. Ego uerò longè sum te fortior. Si uerò uis, ueniamus ad pugnam. Et cum tuba cecinisset, culex inhæsit mordens circa nares ipsius læueis genas:

leo

leo autem proprijs unguibus dilaniavit se ipsum, donec indignatus est. Culex autem iusto leone cum sonuisset tuba, & epinicius cecinisset, euolavit. Araneæ uero uinculo implicitus cum deuoraretur, lamentabatur quòd cum maximis pugnans, à uili animali aranea occideretur.

Adfabulatio. Fabula in eos, qui prosternunt magnos, & à paruis prosternuntur.

G V L I E L M V S C A-

NONICVS, D. AVR. AVGV-

stini Florentio suo, illustri Baroni
Iselsteino, S. D.



LABVLAS Aesopi cum ex oratione ligata in solutam uertissem, tibi florentissime Florenti dicare placuit: quàm enim sis amans literarum, ex meo Antonio uiro literatissimo facile intelligo. Nam cum tu quidem quod eruditum scires, acciuiisti, & is tui amantiissimus est, cum ob alia quædam, tum ob amorem tuum erga literatos. Neq; illud præterire debeo, me quoq; à te uehementer amari, & te commendante magistro Antonio succensum desiderio nostri. Apprime sanè decere solet, qui genere sit illustris, cum esse amicum & familiarem literarum, quæ, ut cætera commoda carum sileam, uel solæ adeò faciunt immortalcm. Erit autem harum fabularum lectio tibi, ut opinor; utilis, quippe ubi multa ad bene uiuendum apposita inuenies, grata certè carum lectio, & iucunda non esse non potest. Hactenus autem eas illis, qui alias complures scripserint, fuisse neglectui, satis miror: nec equidem tamē scripturus fuisscm, ni & Titus Liuius harū in historia

meminisset, & Flaccum nostrū in epistola usum uiderem,
& Quintilianum Institutionum libris utendum suadere
cernerem. Sed satis iam exordij. Illud te admonitum uelim,
ne sis inscius, animantes, quæ iam mutæ sunt, olim fuisse lo-
quaces. Vale, & me, ut facis, ama.

DE GALLO GALLINACEO.

GAllus gallinaccus dum uerit stercorarium, offendit
gemmam, Quid, inquit, rem sic nitidam reperio? Si
gemmarius reperisset, nihil esset co lætius, ut qui pretium
sciret. Mihi quidem nulli est usui, nec magni æstimo: imò
equidem omnibus gemmis granum hordei malim.

Morale. Per gemmam artem, sapientiamq; intellige:
per gallum hominem stolidum & uoluptarium. Nec stoli-
di artes liberales amant, cum usum earum nesciant: nec uo-
luptarius, quippe cui una placeat uoluptas.

DE LUPO, ET AGNO.

LVpus ad caput fontis bibens, uidet agnū procul infra
bibentem. Accurrit: agnum increpitat, quod turbare
fontem. Trepidare agnus, supplicare, ut parcat innocentie
se quando longe infra biberit, potum lupi ne potuisse qui-
dem turbare, nedum uoluisse. Lupus contra intonat, Ni-
hil agis sacrilege, semper obes. Pater, mater, omne tuum
inuisum genus, sedulo mihi aduersatur. Tu mihi dabis ho-
die pœnas.

Morale.

Vetus dictum est, ut canem cædas, facile inueniri bacu-
lum. Potens si libet nocere, facile capit nocendi causam: sa-
tis peccauit, qui resistere non potuit.

DE MVRE, ET RANA.

Bellum gerebat mus cum rana. De paludis certabatur
Imperio. Pugna erat uehemens, & anceps: mus calli-
dus sub herbis latitans, ex insidijs ranam adoritur: rana ui-
ribus

ribus melior, pectore, & insultu ualens, aperto Marte hostem laceffit. Hasta utriq; erat iuncea. Quo certamine procul uiso, miluus adproperat: dumq; præ studio pugnae, neuter sibi cauet, utrunq; bellatorem miluus rapit, ac laniat.

Morale. Itidem conuenire solet factiosis ciuibus, qui accensi libidine dominandi, dum inter se certant fieri magistratus, opes suas, plerūq; etiam uitam in periculo ponunt.

DE CANE, ET UMBRA.

CAnis tranans fluuium, rictu uehebat carnem. Splendente sole, ita ut sit, umbra carnis lucebat in aquis. Quam ille uisam auide captans, quod in faucibus erat, perdidit. Itaq; tum rei, tum spei iactura perculsus, primum stupuit, deinde animum recipiens, sic elatrauit, Miser, deerat cupiditati tuæ modus: satis superq; erat, ni desipuisses. Iam per tuam stultitiam minus nihilo tibi est.

Morale. Monemur hac fabella modestiæ, monemur prudentiæ: ut & cupiditati sit modus, ne certa pro incertis amittamus. Astute certè Terentianus ille Sannio, Ego, inquit, spem pretio non cmo.

DE LEONE, ET QVIBVSDAM ALIIS.

CUm oue ac quibusdam alijs pepigerat leo uenationem fore communem: itur uenatum: capitur ceruus: partiuuntur. Singulas singulis partes tollere, ut conuenerat incipientibus, leo rugijt, Vna, inquiens, pars mea est, quia sum dignissimus. Altera itidem mea est, quia uiribus præstantissimus. Porro quia in capiendo ceruo plus sudauerim, uendico tertiam. Quartam deniq; partem ni concesseritis, actum est de amicitia. Socij hoc audito, discedunt uacui, & taciti, non ausi mutire contra leonem.

Morale.

Rara semper fuit fides, apud hoc seculum rarior est: apud potentes, & est, & fuit semper rarissima. Quocirca

f 2

fatius

satius est ut uiuas cum pari. Qui enim cum potentiore uiuit, necesse habet sæpe de suo iure concedere: cum æquali æquale tibi ius erit.

DE LVPO, ET GRUE.

6

LVpo uoranti ouem, fortè ossa hæscere in gula. Ambit, Lorat opem, opitulatur nemo. Omnes dictitant tulisse cum pretium uoracitatis. Tandem blanditijs multis pluribusq; promissis gruem inducit, ut collo lōgissimo in gulam inserto, os infixum eximeret. Petenti autem præmium illufit, inepta, inquit, abi: non sat habes quòd uiuis? uitam debes mihi: Si libuisset, licuit præmordere collum tuum.

Morale. Tritum est, perire quod facis ingrato.

DE RVSTICO, ET COLVBRO.

7

Rusticus repertum in niue colubrum frigore propè reiectum, domum tulit, abiecit ad focum. Coluber ab igni uim, uirusq; recipiens, deinde flammam non ferens, omne tugurium sibilando infecit. Accurrit rusticus correpta fude, uerbis, uerberibusq; cum eo iniuriam exposulat. Num hanc reseat gratiam? num uitam erepturus sit illi, qui uitam ipsi dederit? Morale.

Fit interdum ut obsint tibi, quibus tu profueris, & male de te mereantur ij, de quibus tu bene sis meritus.

DE APRO, ET ASINO.

8

DVm iners asinus irrideret aprum, ille indignans frenabat. Malum quidem ignauissime fueras meritus, sed etiam si tu poena fueras dignus, tamen ego indignus, qui à te poenas sumam. Irride tutus, impune tibi licet, tutus enim es ob inertiam. Morale.

Demus operam, ut cum indigna nobis audimus, aut patiamur, ne indigna nobis dicamus, aut faciamus. Mali enim & perditii plerunq; gaudent, si quispiam bonorum, eis resistat,

sistat, magni pendunt haberi se dignos ultione. Imitemur equos, & magnas bestias, qui oblatrantes caniculos, cum contemptu prætereunt.

DE MURE VRBANO,
& mure rustico.

Libitum est urbano muri deambulare rus, Vidit hunc mure rusticus, inuitat, apparatur, itur coenatum. Depromit rusticus quicquid posuerat in hyemem, & exhaurit omne penu, ut tanti hospitis expleat lautitiam. Urbanus tamen frontem corrugans, ruris damnat inopiam, urbis subinde laudat copiam. Remeans ducit secum in urbem rusticum, ut quæ uerbis iactitaret, re comprobaret. Incunt conuiuium, quod urbanus splendide compararat. Inter epulandum auditur in sera murmur clauis: trepidare illi, & fugitare fugitando. Rusticus & insuetus, & loci ignarus ægre se tueri. Discedente famulo redit urbanus ad mensam, uocat rusticum: ille uix tandem metu deposito prorepat. Inuitantem ad pocula urbanum percunctatur, num hoc periculum crebrum sit: Respondit ille quotidianum esse, oportere contemni. Tum rusticus, Quotidianum? inquit, Mehercle istæ dapes plus fellis quam mellis sapiunt. Equidem malo cum securitate meam inopiam, quam cum tali anxietate istam copiam.

Morale.

Diuitiæ præ se ferunt quidem uoluptatem, sed si introspicias, habent pericula & amaritudinem. Eutrapelus quidam fuit, qui cum inimicis suis quam maxime nocere uellet, diuites eos faciebat, dictitans ita se eos ulcisci, quippe accepturos cum diuitijs ingentem sarcinam curarum.

DE AQUILA, ET CORNICULA. 10

Aquila nacta cochleam, non ui aut arte quiniit eruere piscem. Accedens cornicula dat consilium. Suadet sub-
f 3 uolare,

uolare, & è sublimi cochleam in saxa præcipitare, sic enim fore ut concha frangatur. Humi manet cornicula, ut præstolatur casum, præcipitat aquila, frangitur testa, subripitur piscis à cornicula, dolet elusa aquila. **Morale.**

Noli quibusuis habere fidem: & consilium, quod ab alijs acceperis, fac inspicias. Multi enim consulti, non suis consultoribus, sed sibi consulunt.

DE CORVO, ET VULPECULA. 11

PRædam nactus strepitat in ramis coruus. Videt uulpecula gestientem, accurrit: Coruum, inquit, plurima salute impertit uulpes. Sæpenumero audieram famam esse mendacem, iam re ipsa experior. Nam ut hæc forte iam prætereo, suspiciens te in arbore, aduolo culpans famam. Fama enim est, te nigriorem pice esse, & uideo candidiorē niue. Meo sanè iudicio cygnos uincis, & hedera formosior alba es. Quòd si ut plumis, ita & uoce excellis, omnium auium equidem te dixcrim reginam. Hac assentatiuncula illectus coruus, ad canendum apparat, apparanti uerò è rostro excidit cascus: quo correpto, uulpecula cachinnum tollit. Tum denum miserum Coruum pudet, pigetq; sui: & iactura rei mista pudore dolet. **Morale.**

Nonnulli sic auidi laudis sunt, ut cum suo probro & damno ament assentatorem. Eiusmodi homunciones prædæ sunt parasitis. Quòd si uitaueris iactantiam, facile assentatorum pestiferum genus uitaueris. Si tu uoles esse Thraeso, nusquam decrit Gnatho.

DE LEONE SENECTUTE CONFECTO. 12

LEo qui in iuuentute complures sua ferocitate fecerat inimicos, in senectute exoluit pœnas. Reddunt talionē bestie. Dente aper, cornu petit taurus. In primis asellus, uetus ignauie nomen cupiens abolere, uerbis & calcibus stren-

strenuè insultat. Tum gemitundus leo, Hi quibus olim nocui, iam uicissim nocent, & merito. Sed hi quibus aliquando profui, iam uicissim non prosunt, imò etiam immerito obsunt. Stultus fui, qui multos fecerim inimicos, stultior qui falsis amicis confisus fuerim. **Morale.**

In secundis rebus non efferraris, non sis ferox. Nam si uultum mutarit fortuna, ulciscuntur quos læsisti. Et inter amicos sic habeas d'scrimen. Sunt enim quidam amici non tui, sed mensæ tuæ, sed fortunæ tuæ. Quæ quidem fortuna simul ac mutata erit, & illi mutabuntur. Et bene tecum actum erit, si nō inimici fuerint. Merito queritur Ouidius,

En ego non paucis quondam munitus amicis,

Dum flauit uclis aura secunda meis:

Vt uerò nimbofro tumuerunt æquora uento,

In medijs lacera puppe relinquor aquis.

DE CANE, ET ASINO. 13

DVm blandiretur canis hero, & familiæ herus, & familia canem demulcet: asellus id uidens, altius gemit, coepit cum pigere suæ sortis, iniquè putat comparatum canem gratum esse cunctis, pasciq; de mensa herili, idq; otio ludoq; consequi: Sese contrà portare elitellas, cædi flagello, nunquam otiosum esse, & cunctis tamen odiosum. Si hæc fiant blanditijs, eam artem, quæ tam utilis sit, statuit sectari. Igitur quodam tempore redeunti domum hero, rem tentaturus, procurrit obuiam, subsilit, pulsat ungulis: exclamante hero, accurrere serui, & ineptus asellus, qui se urbanum credidit, fuste uapulat. **Morale.**

Non omnia possumus omnes (ut ait Vergilius in Bucolicis) nec omnes omnia decent: id quisque nelit, id tentet, quod possit. Non simus id quod Græcè significantius dicitur, ὅν & λύρας, id est, asinus lyrarum, uel lyre. Sic au-

tem Boëthius, Asinus ad lyram positus. Repugnante natura irritus est labor. Tu nihil invita facies dices'ue Minerva, teste Horatio.

DE LEONE, ET MYRE.

14

LEo æstu cursuq; defessus, sub umbra fronde super viridi quiescebat. Murium autem grege tergum eius percurrente, experrectus, unum e multis comprehendit. Supplicat captiuus, indignum se esse cui leo irascatur, clamat: reputans ille in nece tantillæ bestiolæ nihil esse laudis, captiuum dimittit. Nec uerò ita multo post, leo forte dum per saltum currit, incidit in plagas, rugire licet, exire non licet. Rugientem miserabiliter leonem mus audit, uocem agnoscit, repit in cuniculos, laqueorum querit nodos, quæsitos inuenit, inuentos corrodit, leo e plagis euadit.

Morale. Hæc fabella suadet potentibus clementiam. Etenim ut sunt res humanæ instabiles, egent interdum ipsi potentes ope humillimorum. Quare uir prudens, & si potest, timebit uel ulli hominum nocere. Qui autem non timet nocere alteri, ualde desipit. Quid ita? Quia etsi iam potentia fretus neminem metuis, forsitan olim erit ut metuas. Constat enim euenisse claris, magnisq; regibus, ut uilium hominicionum uel gratia indiguerint, uel iram metuerint.

DE MILVO AEGROTO.

15

LEcto decumbebat miluus. Iam ferme moriens matremorat precatum ire Deos. Mater respondet, nil opis illi sperandum à dijs, quorum sacra, & aras suis rapinis toties uiolasset.

Morale.

Decet uenerari superos. Illi enim pios iuuant, impios auersantur: in felicitate neglecti, in miseria non exaudient. Quare in secundis rebus sis eorum memor, ut in aduersis rebus præsentés sint uocati.

DE

DE HIRVNDINE,

& aliis auiculis.

16

CUm primum coeptum est feri linum, hirundo suadet auiculis impedire sementē, diſſitans ſibi fieri inſidias. Irrident illæ, ſtultam uatem hirundinē uocāt. Surgente iam lino & uireſcente, rursus monet euellere ſatas. Iterum irrident. Matureſcit linum, hortatur populari ſegetem. Cum ne tunc quidem conſulentem audirēt, hirundo auium cœtu relicto, hominis ſibi conciliat amicitiam. Init cum eo ſœdus, cohabitāt, cantu demulcet; Cæteris auibus è lino fiunt retia & laquei.

Morale.

Multi nec ipſi conſulere ſibi norunt, nec rectē conſulentem audiunt. Sed cum in periculis ſunt & damnis, tum demum ſapere incipiunt, & ſuam damnare ſecordiam. Tum ſat ſuperq; conſilij eſt: Hoc, inquiunt, & illud factum oportuit. Sed præſtat eſſe Prometheum, quàm Epimetheum. Fucere hi fratres, nomina ſunt Græca. Alteri conſilium ante rem fuit, alteri poſt rem, quod declarat interpretatio nominum.

DE RANIS, ET EARVM REGE. 17

Gens ranarum, cum eſſet libera, Ioui ſupplicabat dari regem. Ridere Iupiter uota ranarum: ille tamen iterum atq; iterum inſtare, donec ipſum percellerent. Deijcit ille trabem, ea moles ingenti fragore quaſſat fluuium: terriſſe ſilent ranæ: regem ueherantur. Accedunt pedetentim propius, tandem abiecto metu, inſultant & deſultant: iners rex luſui eſt, & contemptui. Laceſſunt rursus Iouem, orant regem dari qui ſtrenuus ſit. Dat Iupiter ciconiam. Is præſtrenuē perambulans paludem, quicquid ranarum obuium ſit, uorat. De huius igitur ſeuitia ranæ fruſtræ quæſtæ ſunt. Iupiter non audit: nam & hodie adhuc quæ-

f s

runtur.

runtur. Vesper enim ciconia cubitum cunte, & antris egressa, rauco ululatu murmurant, sed surdo canunt. Vult enim iupiter, ut quæ regem clementem sint deprecatae, iam ferant inclementem. **Morale.**

Perinde atq; ranis eucnire solet plebi, quæ si regē paulo mansuetiorem habet, ignauum, inertem esse causatur, optat aliquando contingere sibi uirum. Contra si quando nacta est regem strenuum, huius scuitiam damnat, prioris laudat clementiam, siue quod semper presentium nos poenitet, siue quod uerū est uerbum: Noua ueteribus nō esse potiora.

DE COLUMBIS, ET EARUM REGE ACCIPITRE.

Columba olim bellum gessere cum miluo, quem ut expugnarent, delegerunt regem accipitrem. Ille rex factus, hostem agit nō regem. Non segnius ac miluus rapit, ac laqiat. Poenitet columbas incepti, satius fuisse putantes, pati bella milui, quam tyrannidem accipitris.

Morale. Neminem suæ sortis nimium pigeat. Nihil est (teste Flacco) ab omni parte beatum. Equidem meam sortem, modo tolerabilis sit, mutari non optem. Multi noua sorte quæ sita, ueterem rursus optarunt. Ita pleriq; ingenio sumus omnes, nosmet nostri poenitet.

DE FVRE, ET CANE.

Furi aliquando panem (ut silcat) porrigenti, respondit canis: Insidias tuas noui, panem das quod desinam latrare: sed ego tuum munus odi. quippe si ego tulero panem, tu ex his tectis cuncta asportabis. **Morale.**

Caue parui commodi causa, amittas magnum: caue cuius homini fidem habcas. Sunt enim qui dolo non tantum benigne dicunt, sed & benigne faciunt.

DE LVPO, ET SVCVLA.

20 Partu

Parturiebat sucula, pollicetur lupus. se custodem fore
foetus. Respondit puerpera, lupi obsequio se non egere:
si uelit pius haberi, si cupiat gratum facere, longius abeat.
Lupi enim officium constare, non presentia, sed absentia.

Morale. Non sunt cuncta credenda cunctis. Multi
suam operam pollicentur, non tui amore, sed sui, suum que-
rentes commodum, non tuum.

DE PARTU MONTIVM.

21

Olim rumor erat parturire montes, homines accu-
runt, circumfistunt, monstri quippiam non sine pa-
uore expectantes. Pariunt tandem montes, exit mus, tum
omnes risu emori.

Morale.

Hanc fabellam tangit Horatius, Parturiunt montes,
inquit, nascetur ridiculus mus: notat autem iactantiam,
iactabundi enim cum magna profitentur, et ostentant,
uix parua faciunt. Quapropter Thrasones illi iure sunt
materia ioci, et scommatum. Vetat item haec fabella ina-
nes timores. Plerumque enim grauior periculo est periculi
metus, imò ridiculum est, quod metumus.

DE CANE VETULO, QVI

22

ab hero contemnitur.

Canem uenaticum, qui iam senuerat, instigat herus;
frustra hortatur, tardi sunt pedes, non properat. Prae-
henderat feram, fera edentulo elabatur. Increpat herus
uerbere et uerbo. Canis respondet, debere sibi iure igno-
sci, iam senuisse, at iuuenem fuisse strenuum. Sed ut uideo,
inquit, nil placet sine fructu. Iuuenem amasti, senem odi-
sti. Amasti praedabundum, odisti tardum edentulum. Sed
si gratus esses, quem olim iuuenem frugis causa dilexisti,
senem fructuose iuuentutis gratia diligeres. **Morale.**
Recte canis: Nam teste Nasone,

Nil,

Nil, nisi quod prodest, charum est: en detrahe menti
 Spem fructus auidæ, nemo petendus erit.
 Præteriti commodi nulla est memoria: futuri autem gratia
 non magna, præsentis commodi summa.
 Turpe quidem dictu, sed si modò uera fatemur,
 Vulgus amicitias utilitate probat.

DE LEPORIBVS INANITER
 timentibus.

23

Sylua insolito mugiente turbine, trepidi lepores rapidè
 occipiunt fugere. Fugientes, cum obsisteret palus, ste-
 tere anxij utrinq; comprehensi periculis. Quoq; maioris
 esset incitamentū timoris, uidet in palude mergi ranas. Tum
 ex leporibus unus prudentior cæteris, ac disertior, Quid,
 inquit, inaniter timemus? Animo opus est. Corporū quidem
 agilitas nobis est, sed animus deest. Hoc periculum turbi-
 nis non fugiendum, sed est contemnendum. **Morale.**

Omni in re opus est animo. Iacet uirtus sine confiden-
 tia. Confidentia enim dux, & regina uirtutis est.

DE HOEDO, ET LUPO.

24

CApra cum esset pastum itura, hœdum domi conclu-
 dit, monens aperire nemini, dum redeat ipsa. Lupus,
 qui id procul audierat, post matris discessum pulsat fores,
 uoce caprizat, iubens recludi. Hœdus dolos præsentiens,
 Non aperio, inquit: nam etsi uox caprizat, tamen equidem
 per rimulas lupum uideo. **Morale.**

Obedire parenti filios, ipsis est utile, & iuuenem seni
 decet auscultare.

DE CERVO, ET OUE.

25

Ceruus coram lupo ouem ream facit, modium trili ci
 debere clamitans. Ouis debiti quidem erat inscia, tamē
 ob lupi præsentiam spondet se daturam: dicitur solutioni
 dies.

dies. Dies adest, monet ceruus ouem. Illa it inficias. Quod enim promiserit excusat, factū in metu, & præsencia lupi: Votum extortum non esse seruandum. **Morale.**

Sententia iuris est, Vim ui repellere licet. Ex hac fabella noua quædam nascitur, Fraudem fraude refellere licet.

DE RVSTICO, ET ANGV. 26

Rusticus quidam nutrierat anguem. Iratus aliquando, bestiam petit securi. Euadit illa non sine uulnere. Postea rusticus deueniens ad paupertatem, ratus est id infortunij propter anguis iniuriam sibi accidere: igitur supplicat angui, ut redcat. Ille ait ignoscere se, sed redire nolle. Neque enim fore securum cum rustico, cui tanta sit domi securis. Liorem uulneris de fuisse, superesse tamen memoriam. **Morale.**

Ei qui semel fidem soluit, iterum habere fidem uix est tutum: iniuriam quidem donare, id sanè misericordiæ est: cauere autem sibi, & decet, & prudentiæ est.

DE VVLPECULA, ET CICONIA. 27

Vulpecula uocarat ciconiam ad coenam. Obsonium in mensam effundit: quod quum liquidum esset, ciconia frustra rostro tentante, uulpecula lingit. Abit elusa auis, pigetq; pudetq; iniuriæ. Post plusculum dierum redit, inuitat uulpeculam. Vitreum uas situm erat plenum belli obsonij. Quod quidem uas quum esset arcti gutturis, uulpeculæ obsonium licuit uidere, & esurire, gustare non licuit. Ciconia rostro facile exhausit. **Morale.** Risus risum, iocus iocum, dolus dolum, fraus meretur fraudem.

DE LVPO, ET CAPITE PICTO. 28

Lvpus in officina sculptoris caput humanū repertum luerat, miratur, sentiens id, quod erat, nihil habere sensus. O pulchrum, inquit, caput: est in te artis multum,

(sed)

sed sensus nihil.

Morale.

Externa pulchritudo si adsit, grata est: sin alterutri
carendum est, præstat externa quam interna carcas. Illi
enim sine hac interdum incurrit odium, ut stolidus cò sit
odiosior, quò formosior.

DE GRACULO.

Graculus ornavit se plumis pavonis. Deinde pulchellus
sibi uisus, fastidito genere suo, contulit se ad pavenum
genus. Illæ tandem intellecta fraude, stolidam auctorem
coloribus nudarunt, & plagis affecerunt. Horatius hanc
fabellam primo epistolarum libro narrat de cornicula.
Ait eam olim adornatam collectis, quæ auibus exciderant,
plumis, post ubi unaquæque auium suam plumam decerpsit,
ridiculam fuisse.

Ne si forte suas repetitum uenerit olim

Grex auium plumas, moueat cornicula risum,

Furtiuis nudata coloribus.

Morale. Notat hæc figura eos, qui se gerunt æquius
sublimius, qui cum his uiuunt, qui & ditiores sunt, & magis
nobiles. Quare sæpe inopes fiunt, & sunt ludibrio.
Probè Iuuenalis monet: E' cælo descendit, πῶδ' σκαυτοῦ
hoc est, Nosce te ipsum.

DE MUSCA, ET FORMICA.

Musca altercabatur cum formica se nobilem, illam
ignobilem: se uolitare, illam repere: se uersari in te-
ctis regum, illam cauernis latere, se getem rodere, a quam
bibere, se splendide epulari iactitabat, & hæc tamen otio
nansisci. E' regione formica se non ignobilem esse, sed suis
natalibus cõtentam: muscam uagam esse, se stabilem: sapere
formicæ grana & flucta, quod muscæ pastilli & uina.
Atq; hæc se non segni otio, at strenua operanansisci. Por-
rò for-

ro formicam latam esse & tutam, charam omnibus, exemplar denique laboris: Muscam anxiam cum periculo esse cunctis infestam, cunctis inuisam, exemplar denique segnitiei. Formicam hyemis memorem, almenta reponere: muscam in diem uiuere, hyeme aut esurituram, aut certe morituram.

Morale. Qui pergit quæ uult dicere, quæ non uult audire. Musca si bene dixisset, bene audisset. Assentior autem formicæ: Videtur enim optabilior uita obscura cum securitate, quàm cum periculo splendida.

DE RANA, ET BOVE.

31

Rana cupida æquandi bouem se distētabat. Filius hortabatur matrem cœpto desistere. Nihil enim esse ranam ad bouē. Illa secundum intumuit. clamat natus, Creps licet mater, bouem nunquam uinces. Tertium autem quum intumisset, crepuit.

Morale.

Cuique sua dos est. Hic forma, ille uiribus, hic opibus, ille pollet amicis. Vnumquenque suo decet esse contentum. Valet ille corpore, tu ingenio. Quocirca quisque semet consulat, ne inuideat superiori, quod miserum est: nec, quod stultitiæ est, certare optet.

DE EQVO, ET LEONE.

32

Venit ad equum comedendum leo. Carens autem præ senectâ uiribus, meditari cœpit artem, medicam se proficitur, uerborum ambage equum moratur. Hic dolum, artem opponit arti. Pingit se nuper in loco spinoso pupugisse pedem, orat ut inspiciens sentem medicus ducat. Paret leo. At equus quanta potuit ui, calcem leoni impingit, & se continuo conijcit in pedes. Leo uix tandem ad se rediens (ictu enim propè exanimatus fuerat) Pretiū, inquit, fero ob stultitiam, & is iure effugit: Dolum enim dolo ultus est.

Morale. Odio digna est simulatio,

et simulatione capienda: Non est timendus hostis, qui hostem præ se fert, sed qui cum hostis sit, benivolentiam simulat, is demum timendus, et odio dignissimus.

DE EQVO, ET ASINO.

33

Equus phaleris sellaq; exornatus, cum ingenti hinnitu per uiam currebat. Currenti autem onustus asellus forte obstabat. Equus ira fremebundus, et fræna ferox spumantia mandens: Quid, inquit, tarde, ignaue obistis equo? Cede, inquam, aut proculco te pedibus. Asellus contra ruidere non ausus, cedit tacitus. Equo autem prouolanti, et cursum intendenti crepat inguen. Tum cursui et ostentui inutilis, ornamentis spoliatur, dein carrario uenditur. Videt postea cum carro uenientem asellus, et affatur: Heus bone uir, quid isthuc ornati est? Vbi aurata sella, bullata cingula? Vbi nitidum frænum? Sic amice necesse fuit euenire superbienti.

Morale.

Plerique in secundis rebus elati sunt, nec sui memores nec modestiæ. Sed quia prosperitate insolescunt, aduersitatem incurrunt. Eos qui felices uidentur, monuerim esse cautos. Etenim si rota fortunæ circumacta fuerit, sentient miserrimum genus infortunij esse fuisse felicem. Accedet ad cumulum infelicitatis id quoq; mali, contemnentur ab ijs, quos ipsi contempserunt, et illudent eis ijs, quos ipsi risere.

DE AVIBVS, ET
quadrupedibus.

34

Avibus pugna erat cum quadrupedibus. Vtrinque spes, utrinque metus, utrinque erat periculum. Vespertilio autem relictis socijs defecit ad hostes. Vincunt aues duce et auspice aquila. Transfugam uerò vespertilionem damnant, uti ne ad aues unquam illi sit reditio, uti ne luce unquam sit uolatus. Hæc causa Vespertilionis est,
ut non

ut non, nisi noctu, uolet. **Morale.**

Qui cum socijs aduersitatis & periculi particeps esse renuit, prosperitatis & salutis expers erit.

DE LVPO, ET VVLPE.

35

Lvpus quum prædæ satis esset, in otio degebat. Accedit uulpecula, sciscitatur otij causam. Sensit lupo insidias fieri suis epulis, simulat morbum esse causam, orat uulpeculam deprecatum iri deos. Illa dolens dolum non succedere, adit pastorem, monet petere latebras lupi: hostem enim securum posse inopinatum opprimi. Adoriur pastor lupo, mactat. Illa potitur antro & prædæ. Sed fuit illi breue sceleris sui gaudium. Nam non ita multo post idem pastor & ipsam capit. **Morale.**

Fœda res inuidia est. & ipsi interdum autori quoque perniciosa. Flaccus epistolarum primo:

Inuidus alterius rebus macrescit opimis.

Inuidia Siculi non inuenere tyranni

Maius tormentum.

DE CERVO.

36

Cervus in perspicuo fonte se conspicatus, probat proce-
ra frontis & ramosa cornua: sed tiliarum exilitatem damnat. Fortè dum contemplatur, dum iudicat, interuenit uenator. Fugit cervus ocyor pilis, & agente nimbo ocyor Euro. Insectantur fugientem canes. Sed quum intrasset condensam syluam, implicita sunt ramis cornua, tum demum tibias laudabat, & cornua damnabat, quæ fecere ut prædæ esset canibus. **Morale.**

Fugienda petimus, petenda fugimus. Placent quæ efficiunt, quæ confrunt displicent. Beatitudinem cupimus, priusquam ubi sit intelligamus. Opum excellentiam & honorum celsitudinem quærimus: in his beatitudinem sitam opi-

namur, in quibus tamen multum laboris est, & doloris.
Pulchrè id significat Lyricus ille noster,

Sæpius uentis agitatur ingens

Pinus, & celsæ grauiore casu

Decidunt turres, feriuntq; summos Fulgura montes.

DE VIPERA, ET LIMA.

37

IN fabrica offendēs limam uipera, cœpit rodere. Subrisit
lima, Quid, inquires, inepta? Quid agis? Tu tibi antè con-
triueris dentes, quàm me atteras: quæ duritiem aeris præ-
inordere solco.

Morale.

Etiam atque etiam uide, quicum tibi res sit. Si in fortio-
rem dentes acuis, non illi, sed tibi nocueris.

DE LVPIBVS, ET OVIBVS.

38

LVpis & agnis, quibus ^{natura} discordia est, fœdus aliquando
fuit, datis utrinq; obsidibus. Lupi suos catulos, oues ca-
num cohortem dedere. Quietis ouibus ac pascentibus, lupu-
li matrum desyderio ululatus edunt. Tum lupi irruentes, si
dem fœdusq; solutum clamitant, ouesq; canum præsidio de-
stitutæ laniant.

Morale.

Inscitia est, si in fœdere tua præsidia hosti tradas. Nam
qui hostis fuit, hostis forsân nondum esse desijt. Fortassis
& causam ceperit, quæ te nudatum præsidij adoriatur.

DE SYLVA, ET RVSTICO.

39

Quo tempore etiam arboribus suus sermo erat, uenit
rusticus in syluam, rogat ut ad securim suam tollere
liceat capulum. Annuit sylua. Rusticus aptata securi cœpit
arbores succidere. Tum, & quidem serò, poenituit syluæ suæ
facilitatis. Doluit se ipsam esse causam sui exitij.

Morale.

De quo bene mereris uide. Multi fuere, qui accepto be-
neficio in auctoris abusi sunt perniciem.

DE

DE MEMBRIS, ET VENTRE. 40

PEs & manus uentrem olim incusarunt, quod ab otioso
co lucra ipsorum uorarentur. Iubent aut laboret, aut
ali ne petat. Supplicat ille semel atq; iterum: negant tamen
manus alimentum. Exhausto inedia uentre, ubi coepere om-
nes artus deficere, tum manus uoluit tandem officiosa es-
se, uerum id sero. Nam ueter desuetudine debilis, cibum re-
pulit. Ita cuncti artus dum uentri inuident, cum uentre per-
eunte pereunt. **Morale.**

Perinde atq; in membrorum societate est, ita habet se so-
cietas humana. Membrum eget membro, amicus eget ami-
co: quare mutuis operis & mutuis officijs utendum est.
Neq; diuitiae, neq; dignitatum apices hominē satis tuentur.
Vnicum & summum praesidium, complurium amicitia est.

DE SIMIA, ET VULPECULA. 41

Simia uulpeculā orat, ut partem caudae sibi donet ad te-
gendas nates. Illi enim esse oneri, quod sibi foret usui &
honori. Respondet illa, nihil nimis esse, & se malle humum
cauda sua uerri, quam simiae nates tegi. **Morale.**

Sunt qui egeant, sunt quibus superet. Nulli tamē diuitum
id moris est, ut re superflua beet egenos.

DE CERVO, ET BOBUS. 42

Ceruus uenatorem fugiens, coniecit se in stabulum. Bo-
ues orat ut in praesepe latitare liceat. Boues tutum es-
se negant: mox enim & dominum & famulum affutu-
ros. Ille securum se esse ait, modò ne ipsi prodant. Intrat
famulus, occultum sceno non uidet: exit. Gestire ceruus,
& nihil iam timere. Tum unus ē bobus & auo & con-
silio grauis, Facile, inquit, erat hunc, qui talpa est, fallere,
sed ut herum, qui Argus est, lateas, hoc opus, hic labor est.
Mox deinde introgreditur herus. Qui ut serui negligenti-

tiam corrigit, cuncta lustrans oculis, & praeſepe manu tentans, cerui deprehendit ſub foeno cornua. Inclamat famulos, accurrunt, ſeram concludunt, capiunt.

Morale. In aduerſis rebus & periculis latebrae difficiles ſunt inuentu, aut quia miſeros ut cepit, fortuna exagitat: aut quia ipſi metu impediti, & inopes conſilij ſemet imprudentia produnt.

DE LEONE ET VULPECULA. 43

LEo aegrotabat, uifebant animalia, una officium differente uulpecula. Ad hanc legatum mittit leo cum epiſtola, quae uenire admoncat: gratiſſimam rem aegroto fore eius unius praſentiam. Nec quicquam periculi fore cur uulpecula metuat: leonem enim primum quidem amiſiſſimum eſſe uulpeculae: idcoq; percipere eius colloquium. Deinde aegrotum eſſe & decumbere, & etiam ſi, id quod non erat, uelit, nocere tamen non queat. Reſcribit uulpecula, optare ſe ut leo conualeſcat, idq; oraturam ſuperos. Caeterum minime uſuram, terreri enim ſe ueſtigijs. Quae quidem ueſtigia cum omnia ſint antro leonis aduerſa, & nulla auerſa, eam rem indicium eſſe, multum quidem animalium introiſſe, ſed exiſſe nullum. Horat. in 1. Epist.

Olim quod uulpes aegroto cauta leoni

Reſpondit, referam, quia me ueſtigia terrent,

Omnia te aduerſum ſpectantia, nulla retrorſum.

Morale. Caue fidem habeas uerbis: ni caueris, ſepe tibi dabuntur uerba. Capienda eſt coniectura cum ex uerbis, tum ex factis, & ex his illa ſunt iudicanda.

DE VULPECULA, ET MYSTELA. 44

Vulpecula longa inedia tenuis, forte per anguſtiorcm rimam in cumeram frumenti reſpit. In qua cum probe paſta ſuit, dein ruruſ ſus tentante egredi, diſtictuſ impeditur uenter

uenter. Mustela luctantem procul contemplata, tandem
monet si exire cupiat, ad cauum macra redeat, quò macra
intrarat. *Morale.*

Videas complures in mediocritate letos esse, atq; ala-
cres, uacuos curis, expertes animi molestijs. Sin hi diui-
tes facti fuerint, uidebis eos mœstos incedere, nunquam
frontem porrigere: plenos curis, animi molestijs obrutos.
Hanc fabellam sic Horatius canit lib. i. Epist.

Fortè per angustam tenuis uulpecula rimam

Reperat in cumeram frumenti, pastaq; rursus

Ire foras pleno tendebat corpore frustra.

Cui mustela procul: Si uis, ait, effugere istinc,

Macra cauum repetas arctum, quem macra subisti.

DE EQVO, ET CERVO.

43

Equus gerebat bellum cum ceruo. Pulsus tandem è pa-
scuis implorabat opem humanam. Redit cum homine;
descendit in campum: uictus antea, iam fit uictor. Sed tamen
hoste uicto, & sub iugum missò, ipse uictor necesse est ser-
uiat homini. Equitem fert dorso, & frænum ore.

Morale. Dimicant multi contra paupertatem. Quæ
per fortunam & industriam uicta, sepe uictoris interit li-
bertas. Domini quidem & uictores paupertatis seruire in-
cipiunt diuitijs, anguntur auaritiæ flagris, parsimoniæ co-
hibentur frænis, nec querendi tenent modum, nec iusto qui-
dem auaritiæ supplicio, partis rebus audent uti. Horatius
de hac fabella lib. i. Epist.

Ceruus equum pugna melior communibus herbis

Pellebat, donec minor in certamine longo

Implorauit opes hominis, frænumq; recepit.

Sed postquam uiolens uictor discessit ab hoste;

Non equitem dorso, non frænum reppulit ore:

g 3

Sic

Sic qui pauperiem ueritus, potiore metallis
 Libertate caret dominum uellet improbus, atq;
 Seruiet æternum, qui paruo nesciat uti.

A E S O P I F A B V L

L A E X X X V I . A D R I A -

no Barlando interprete.

DE DVOBVS ADOLESCENTIBVS. I



ADOLASCENTES duo ob-
 solium apud cocum sese empturos simu-
 lant. Cocus alias res agente, carnem alter
 è canistro surripit, dat socio ut sub ueste
 occulat. Cocus surreptam sibi carnis par-
 tem ut uidit, furti utrunq; cœpit insimulare. Qui abstule-
 rat, per Iouem nihil habere: is uerò qui habuit, nihil abstu-
 lisse identidem deierat. Ad quos, Me quidem, inquit cocus,
 fur nunc latet, sed is inspexit, is scit, quæ iurastis. **Morale.**

suppresior et hoc su- pressius fin stretto Si quid peccauimus, id nō statim sciūt homines: at deus
 omnia uidet, qui sedet sup cœlos, et intuetur abyssos. Quod
 si cogitent homines, suppressius, prudentiusq; peccabitur.

DE CANE, ET LANIO.

CAnis in macello cū lanio carnem abstulisset, in pe-
 des sese continuo quantum potuit coniecit. Lanus ia-
 ctura rei percussus, primum tacuit, deinde animum reci-
 piens, sic procul acclamauit: O furacissime curre tutus,
 impune tibi licet: tutus enim es nunc ob celeritatem. Posthac
 autem cautius mihi obseruaberis. **Morale.**

Hec fabula significat plerosq; omnes tum demum fieri
 cautiore, ubi damnum acceperint.

DE CANE, ET OUE.

CAnis ~~sem~~ in ius uocat, panē ex mutuo debere clami-
 tans:



tans illa it inficias. Miluus, lupus, uultur accersuntur, rem affirmant, damnatur ouis, dānatam canis rapit ac deglubit.

Morale. Falsis testimonijs opprimi quā plurimos, cum nemo nescit, tum hæc quā optime docet fabellula.

DE AGNO, ET LVPO.

Agno comitanti caprum, lupus fit obuiam, rogitat cur relicta matre olidū potius sequatur hircum, suadetq; ut ad distēctā lacte matris ubera redeat, sperans ita fore abductum ut laniet. Ille uerò, Mater me, ô lupe, inquit, huic commisit, huic summa cura seruandī data est, parenti potius quā tibi obsequendum, qui me seducere istis dictis postulas, seductum mox percipere. Morale.

Noli omnibus fidem habere. multi enim dum alijs uidentur uelle prodesse, sibi interim consulunt.

DE ADOLESCENTE, ET CATO.

Cum adolescens quidam in delicijs amoribusq; usurpasset catum, Venerem precibus fatigauit, ut catum in foeminam transfiguraret. Commisere scit, & audit orantē Venus, fit metamorphosis, quæ adolescenti miserè amanti perplacuit, nempe tota succi plenula, tota candidula, tota elegantula. Itur deinde in cubiculum, ridetur, luditur. Nec uerò ita multo post percipiens experiri Dea nunquid catus cum corpore mutasset & mores, per impluuium immittit musculum, ibi risu prorsus, atq; ludo res digna accidit. Conspectam ilico bestiolam insequitur muliercula. Venus indignans, foeminae uultus iterum in Catum,

Cum pedibusq; manus, cum paruis brachia mutat

Cruribus, & cauda est mutatis addita membris.

Morale. Cælum non animum mutant, qui trans mare currunt: nimisq; difficile est assueta relinquere. Naturam expellas furca licet, ipsa recurret, inquit Horatius.

DE AGRICOLA, ET FILIIS.

6

Complures habebat agricola filios, adolescentulos, ijsq; inter se discordes fuisse: quos pater elaborans trahere ad mutuum amorem, apposito fasciculo iubet singulos breui circumdatum funiculo effringere: imbecilla nequicquam conatur ætacula. Soluit parens, redditq; singulis uirgulam, quã cum pro suis quisq; uiriculis facile frangeret: O inquit, filioli, sic concordēs uos uincere poterit nemo: sed si mutuis uolueritis scire uulneribus, atq; intestinũ agitare bellum, eritis tandem præda hostibus.

Morale. Docet hic apologus, concordia paruas res crescere, discordia magnas dilabi.

DE ASINO, ET EQVO.

7

Rusticus equum uacuum, asinumq; sarcinulis egregie onustum producit ad uiam: defessus asellus, equũ sibi onere ut adiutet, orat, si saluum uelit. Negat facturũ equus. Asellus tandem sarcinæ pondere grauatus procumbit, moritur. Herus omne onus, mortui quoq; aselli corium, in equi dorsum reclinat: quibus cum ille deprimeretur, Me miserum, inquit, merito meo si nunc exerceor, qui dudum laboranti asino opitulari nolui.

Morale. Monemur hac fabula, ut oppressis subueniamus amicis: ortus nostri (inquit Plato) partem sibi patria uendicat, partem amici.

DE CARBONARIO, ET FVLONE.

8

Fvllonẽ inuitabat carbonarius, ut secum in unis ædibus habitaret. Fullo, Non est, inquit, mi homo, isthuc mihi uel cordi, uel utile: uereor enim magnopere, ne quæ ego cluam, tu reddas tam atra quàm carbo est.

Morale. Monemur hoc apologo cum inculpatis ambulare: monemur sceleratorum hominum consortia uelut pestem

pestem quandam deuitare. Trahunt, inquit Campanus, hominem sodalitia, commercia etiam in mores penetrant, & perinde quisque euadit, ut quibus cum uersatur.

DE AVCVPE.

ITuenatum auceps, uidet nidulantem procul in altissima arbore palubum, adpropiat, denique insidias molitur, premit forte calcibus anguem. Hic mordere ille improviso exanimatus malo, Me miserum, inquit, dum alteri insidior, ipse dispero. *Morale.*

Significat hæc fabula, nonnunquam eos suis artibus circumueniri, qui res nouas moliantur.

DE BUCCINATORE, SEV TVBICINE. 10

Buccinator quidam ab hostibus capitur, abducitur: trepidare ille, supplicare, ut parcant innoxio, se quando nihil unquam armorum præter unam buccinam gestauerit, hominem ne potuisse quidem occidere, necdum uoluisse. Illi contra murmure tum sæuo, tum uerberibus intonant, Nihil agis scelus, maxime nocet, atque nunc hic trucidabere, quod cum ipse, ut fateris, sis rei militaris imperitus, cornu isthoc tuo aliorum excitas, euibrasque animos. *Morale.*

Gravissime peccant nonnulli, qui ad mala alioqui satis pronis principibus, ut iniquè agant, consulunt, atque huiusmodi quedam ad illorum aures occinunt, Quid etiã dubitas? an te principem esse oblitus es? an non tibi quod lubeat licet? tu legibus maior, in te legirupæ nomē cadere haud potest, qui ipsis etiam dominaris legibus: tui nihil possident quod tuum non sit: potes & seruare & perdere: tibi fas est opibus dignitateque augere quem uisum sit, fas est ubi libuerit adimere. Alios alia uel damnant, uel condemnant, tibi nihil non honestissimum futurum.

DE LVPO, ET CANE.

II

8 5

Lupus



Lupus cani ante lucem in sylua forte fortuna fit obuius; salutatur, aduentum gratulatur, denique rogat quo pacto tam sit nitidus. Cui ille, Herilis cura hoc efficit, herus me blandientem sibi demulcet, de mensa pascor herili nitidissima, nunquam sub dio dormito, tum uniuersae familiae nori dici potest quam sim gratus. Næ tu (inquit lupus) multo es felicissimus o canis, cui tam benignus et comis contigit herus, quocum o utinam commorari et mihi liceat, nulum me animantium esset uspiam fortunatius. Canis notum status cupidissimum uidens lupum, effecturum se pollicetur, ut hæreat in parte aliqua apud herum, modò de pristina ferocia aliquid remittere, et seruitutem seruire uelit. Stat sententia: lupo libitum est deambulare ad uillam. Sermones edunt in itinere prorsus iucundissimos. Postea uerò quam illuxit, contritum canis collum uidens lupus, Quid sibi uult, inquit, o canis tua isthæc prorsus depilata ceruix? Solebam, inquit ille, feroculus notis pariter et ignotis allatrare, obmordereque; nonnunquam: id ægrè ferens herus, crebris me tundeat uerberibus, prohibens etiam, ne quem præter furem lupumque; adorirer: ego sic uapulando uictus sum, et mitior factus, hocque; genialis seruitutis seruari signum. Lupus hoc audito, Ego, inquit, heri tui amicitiam tanti non emo. Vale igitur o canis cum tua isthæc seruitute: mihi mea potior est libertas.

Morale.

Optabilius est in humili casa dominum esse, panem atrium uorare, quam in amplissima regia opiparis mensis frui, et obnoxium trepidumque; agere. Nam libertas sublimi exulat aula, ubi accipienda uenit et musitanda iniuria est.

DE AGRICOLA, ET CANIBVS. 12

Agricola quum ruri pluresculos hyemasset dies, coepit tandem necessariarum rerum penuria laborare: interficere oues,

oues, mox & capellas, postremo boues quoque mactat, ut habeat quo inedia panem exhaustum corpusculum sustentet. Id uidentes canes, salutem fugam querere constituunt: sese enim non uicturos diutius, quando ne bobus quidem quorum in opere rustico faciundo utebatur opera pepercerit herus.

Morale. In quam domum mercedis gratia te tradas, uide. Nonnulli inhumanissimi sunt heri. Multi enim hodie eo demeritae prolabantur, ut uel seruos infortunio malo et damno libenter mactent.

DE VULPE, ET LEONE.

13

Vulpecula, quae leonis immunitate insuetam habebat, semel atque iterum id forte animalis contemplata, trepidare & fugitare. Quum iam tertio obtulisset sese obuiam leo, tantum absuit ut metueret quicquam uulpes, ut confidenter illum adierit, salutaueritque. Morale.

Omnes nos consuetudo audaciores facit, uel apud eos, quos antea aspicere uix ausi fuimus.

DE VULPE, ET AQUILA.

14

Vulpeculae proles foras excurrerat, ab aquila comprehensa, matris fidem implorat: accurrit illa: ut captiuam prolem dimittat, aquila rogat: aquila nacta praedam ad pullos subuolat: uulpes correpta facie quasi illius munitiones in cedio absumptura esset, insequitur. Quum iam arborem cecidisset & ipsa, Nunc te, inquit, tuosque si potes tuere. Trepidans aquila, incendium dum metuit, Parce, inquit, mihi, paruisque liberis, tum quicquid habeo reddidero.

Morale. Per aquilam potentis atque audacis animi homines intellige: per uulpem pauperculos, quos calumnijs premere, contumeliisque afficere, diuitibus aequum studium est. Verum, quando est sua & formicis ira, impotentes in acceptam interdum probe ulciscuntur iniuriam.

DE AGRI

DE AGRICOLA, ET CICONIA. 15

GRuibus anseribusq; sata depascentibus laqueum præ-
tendit rusticus: capiuntur grues, capiuntur anseres,
capitur & ciconia. Supplicat illa, innocētē sese clamitans,
& nec gruē nec anserem esse, sed auīū omnium optimam,
quippe quæ parenti scdulò semper inservire, eundemq; se-
nio confectum alere consueverit. Agricola, Horum, inquit,
nihil me fugit: uerū cum nocentibus postquā te cepi-
mus, cum his quoq; morieris. *Morale.*

Qui flagitium committit, & is qui impuris se adiungit
socium, pari pœna plectuntur.

DE GALLO, ET CATO. 16

Venit ad gallum comedendum catus: non satis autē ha-
bens ad nocendum causæ, gallum criminari occipit;
obstreperam esse auctū dictitās, utpote quæ uoce tam acu-
ta noctu dormientis homines expergefāciat. Ille se inno-
centem ait, quū sic excitet in opera mortales. Catus cō-
trā intonat, Nihil agis scelestē: cum matre rem habes, nec
sorore abstinēs. Id gallus quoq; expurgare quū nitre-
tur. Nec hoc, inquit perseuerantius sēuies catus, quicquā
facis, tu mihi hodie discerpēris. *Morale.*

Vetus dictum esse ait Gulielmus Gaudanus ut canem
cedas, facile inueniri baculum. Malus si libitum fuerit, quo
iure, quāq; iniuria te præcipitem dabit.

DE OPILIONE, ET AGRICOLIS. 17

PVer editiore pratulo oues pascebat, atque per iocum
terq; quaterq; lupum adesse clamitans, agricolas un-
diq; exciebat: illi sepius elusi, serio auxilium imploranti dū
non subueniunt, fiunt oues præda lupo. *Morale.*

Si mentiri insueuerit quispiam, huic si quādo uerū nar-
rare occœperit, haud facile habebitur fides. Superiori apo-
logo

logo finitimus est ille apud Horatiū de plano scurra iocus:

Nec semel irrisus triuijs attollere curat
 Fracto crure Planum, licet illi plurima manet
 Lacryma, per sanctum iuratus dicat Osirim,
 Credite, non ludo, crudeles tollite, claudum.
 Quere peregrinum, uicinia rauca reclamat.

DE AQUILA, ET CORVO. 18

Rupe editissima in agni tergum deuolat aquila. Videns
 id coruus, imitari, uelut simius, gessit aquilam, in arie
 tis uellus se demittit, demissus impeditur, impeditus com-
 prehenditur, comprehensus proicitur pueris. Morale.
 Nō aliorū, sed sua se quisq; uirtute aestimet. Tuo te pede
 metire, inquit Horatius. Id uelis, id tentes, quod possis.

DE CANE INUIDO, ET BOVE. 19

Praesepio fœni pleno decumbebat canis. Venit bos ut
 comedat. Ille sese surrigēs, prohibere. Bos, Dij te cum
 tua istac inuidencia perdant, inquit, qui nec fœno uesceris,
 nec me uesci sinis. Morale.

Eo sunt ingenio pleriq; ut alijs inuideant, quod ipsi
 mentis inopia, assequi nequeunt.

DE CORNICE, ET OUE. 20

STrepitat in ouiculae dorso cornicula. Ouis, Cani, inquit,
 si sic obstreperes, ferres infortunium. At cornix, Scio,
 inquit, quibus insultem, placidis molesta, sœuis amica.

Morale. Impotenti & sincero perpetua est cum ma-
 lis parata certatio. Illiditur solo innocentissimus quisq; no-
 centis uerò præferocis hominis aures adstrepit nemo.

DE PAVONE, ET LVSCINIA. 21

PAuo apud summi Iouis sororem & coniugem Iuno-
 nem, queritur lusciniā suauē cantillare, se ob raucam
 rauim ab omnibus irrideri. Cui Iuno: Dos sua à dijs cui-
 que

que. Luscinia cantu, tu plumis longe superas: unumquēq;
sua sorte decet esse contentum. *Morale.*

Quæ diu largiuntur, grato sumamus animo, neq; ma-
iora quasierimus. Superi temere agunt nihil.

DE MUSTELA, ET MVRIBVS. 22

Mustela præ senio uiribus carēs, mures iam ita, ut so-
let, insequi non uolebat, meditari cœpit dolum, in fa-
rinulæ se colliculum illatebrat, sic sperans fore, ut citra la-
borem uenetur. Accurrunt mures, et farinam esitare dum
cupiunt, ad unum omnes à mustela uorantur. *Morale.*

Vbi uiribus quispiam destitutus fuerit, ingenio opus
est. Lysander Lacedæmonius subinde dicere solebat, quò nē
perueniret leonina pellis, uulpinam assuendam esse: quoc-
sic lucidius dixeris, Vbi uirtus non satis potest, adhibenda
est astutia.

APOLOGVS EX MAN-
tuano traductus.

Rusticus quidam ex malo, quam in proximo habebat
agello, sapidiſſima quotannis legebat poma, hero le-
ctæ donabat urbano, qui illeſtus incredibili pomorum dul-
cedine, malum tandem ad se transtulit: ea ueterrima repen-
tè exaruit, atq; ibi poma pariter et malus periere. Quod
cum patrifamiliās nuntiaretur: Heu difficile est, inquit, an-
nosam transplantare arborem. Satis superq; fuerat, si fræ-
nos meæ nouiſſem imponere cupiditati, fructus ramo de-
cerpere. Hanc fabulam sic Mantuanus:

Rusticus ex malo dulciſſima poma legebat,

Vnde dare urbano dona solebat hero.

Ast herus illeſtus frugum dulcedine, malum

Transtulit in laribus proxima rura suis.

At quia malus erat senior, translata repente

Aruit,

Arui, & proles cum genitrice obiit.

Hec male transfertur, senio quum induruit arbor,

Inquit herus, fuerat carpere poma satis.

Morale eiusdem.

Qui nimium sapiunt, atq; inconcessa sequuntur,

Desipiunt: cohibet qui sua uota, sapit.

FABVLAE M. PETRO SCO-

to, uiro ornatissimo, eidemq; humanissimo,
scriptæ à Barlando.

DE LEONE, ET RANA.

24

A Vdirc uocem uisus leo prosiliit: subsistit non sine trepidatione, magni quippiam expectans: egreditur tandem aquis ranula. Leo deposito metu appropians, bestiolem proculcat pedibus. Morale.

Vetat hic apologus inanes timores, ut illa à Gulielmo Gaudano uersa fabula de partu montium.

DE FORMICA.

25

S Itiens uerit ad fontem ut biberet formica, incidit fortè in puteum: opitulatur cminus, ex arbore deicecto ramo, columba. Ramum conscendens formica seruatur. Adest, columbam ut capiat, auceps: nō sinit formica, aucupis pedem arripit mordicus, auolat columba. Morale.

Docet fabula, præclare meritis referendam esse gratiā.

DE PAVONE, ET PICA.

26

G Ens auium quum liberè uagaretur, optabat sibi dari regem, Paulo se in primis dignum qui eligeretur putabat, quia esset formosissimus. Hoc in regem accepto, pica, Rex inquit: si te imperāte aquila nos præstrenue, ut solet, insequi cœperit, quo illam modo abiges? quo nos pacto seruabis? Morale. In principe non tam forma, quàm corporis fortitudo spectanda est, & prudentia.

DE AE

DE AGROTO, ET MEDICO 27

Medicus curabat ægroto, ille tandē moritur. Tum ad cognatos medicus: Hic, inquit, intēperantia perijt.

Morale. Bibacitatem & libidinē nisi quis maturē reliquerit, aut nunquam perueniet ad senectutem, aut perbreuem est habiturus senectutem.

DE LEONE, ET ALIIS. 28

Leo, asinus, uulpes eunt uenātum: capitur ampla uenatio: capta partiri iussa. Asino singulas singulis partibus ponēte, irrugijt leo: asinum rapit, ac laniat. Postea uulpecula id dat negotij: quæ astutior, quā leoni longe optima profita parte, sibi uix minimam particulam reseruasset, rogat leo à quo sic docta sit: cui illa, Huius me, inquit, calamitas docuit, mortuum asinum ostendens. Morale.

Felix quem faciunt aliena pericula cautum.

DE HOEDO, ET LUPO. 29

Fenestra prospectans hœdus, prætereuntē lupum conuicijs incescere audebat: cui lupus, Non tu, ait, scelestem mihi conuiciaris, sed locus. Morale.

Et tempus & locus sæpe audaciam addunt homini.

DE ASINO. 30

Asinus de hortulani seuitia querēs, Ioui supplicat aliū dari herum. Exaudire Iuppiter uota asini, dat tegularium. Apud quem cum tegulas, grauioraq; tergo uectaret onera, accēssit rursus Iouem, orat dari, qui mitior sit. Ride re Iuppiter: ille tamē non destitit instare, orare usque ad cōdonec perpelleret. Dat ille coriariū: quē ubi pernouit asellus, Me miserū, inquit, qui dū nullo sum cōtētus domino, incū inciderim, qui ne corio quē meo quātū auguror, parcet.

Morale. Semper dānamus quæ præsentia sunt, & noua appetimus, quæ (ut dici solet) ucteribus nō sunt potiora.

DE ANV. ET ANCILLIS. 31

ANus quædam domi habebat ancillas complurcis, quas quotidie anie quam lucefceret, ad galli gallinacci, quæ domi alebat, cantum excitabat ad opus. Ancille quotidiani tandem negetij comotæ tædio, gallum obtruncant, sperantes iam necato illo in medios sese dies dormituras: sed hæc spes miseras frustrata est: hera enim ut interemptum gallum rescivit, intempesti deinceps nocte surgere iubet.

Morale. Non pauci grauius malum dum student evitare, in alterum diuersum incidunt. Peruulgatum est, Incidit in Scyllam, qui uult uitare Charybdim.

DE ASINO ET EQVO. 32

Asinus beatum putabat equum, quod pinguis esset, et in otio degeret: se uero infelicem dicebat, quod macilentus esset, ac strigosus, quotidie ferendis oneribus ab immiti hero exerceretur. Haud multo post ad arma conclamatum est. Tum equus non equitem dorso, non frænum re-pulit ore, nec telum corpore: hoc uiso, asinus magnas dijs gratias agebat, quod non equum se, sed asinum fecisset.

Morale. Miseri sunt quos uulgius beatos iudicat, et non pauci beati qui se miserrimos putant. Sutor crepidarius regem dicit felicem, quem omnium rerum compotem uidet, non considerans in quantas rex sollicitudines distrahatur, dum interim ipse optima cum paupertate cantillet.

DE LEONE ET CAPRA. 33

EDita rupe ambulanti capram forte conspiciens leo, monet ut potius in uiride pratum descendat. Capra, Facerem fortassis, inquit, si tu abesses, qui mihi non istud suades, ut ego inde ullam capiam uoluptatem, sed ut tu habeas quod uores famelicus. **Morale.** Omnibus ne habeas fidem: quidam enim non tibi, sed sibi consulunt.

DE VULTURE ALIISQVE AVIBVS. 34

Annuum se natalem celebrare adsimulat uultur, auicula
las ad cenā inuitat, ueniunt pleræq; omnes, uenientes
magno plausu, fauoribusq; accipit, acceptas laniat uultur.

Morale. Non sunt amici omnes, qui blande dicunt,
aut benignè se facere uelle simulant: latent sub hoc melle
uēnena.

DE ANSERIBVS.

Anseres unā cum gruibus agrum uastabant: quibus au-
ditis, rustici protinus in illos feruntur. Rusticos con-
spicata auolant grues, capiuntur anseres, qui impediti cor-
poris onere subuolare non poterant. Morale.

Expugnata ab hostibus urbe, facile se subducit inops, at di-
ues seruit captus. In bello diuitiæ magis oneri sunt quā usui.

DE IOVE ET SIMIA.

Iupiter scire percupiens, quis nā mortaliū scitissimos ede-
ret liberos, cōuocari iubet quicquid uspiā est animantiū.
Cōcurritur ad Iouē undiq; aderat iam alitū, pecudumq; ge-
nus: inter quos et simia, deformes catulos brachio gestās,
cum aduenisset, à risu nemo tēperare potuit, quin etiam Iu-
piter ipse profuse admodum risit. Ibi continuo simia ipsa,
Imò, inquit, nouit et Iupiter iudex noster catulos meos
magnopere omnes quotquot adsunt, præcellere.

Morale. Suum cuique pulchrum, ut est adagium. Et
alibi apud Theocritum in Idyl. Quæ minime sunt pulchra,
ea pulchra uidentur amanti.

ANIANI FABVLAE IIII.

Adriano Barlando interprete.

DE QUERCU ET ARVNDINE.

Fastus olim atq; ad cō insolentiæ plena quercus, arun-
dinem aggressa est: Si nunc, inquit, pectus animosum
tibi,

tibi, procede aegidum ad pugnam, ut noster durum euen-
tus ostendat, utra uiribus praestet: arundo quercus tantum,
exultationem; fortitudinisq; iactationem uanam nihil mi-
rata, sic respondit: Certamen nunc abnuo, nec meae sortis me
piget: Nam etsi in omni parte mobilis, te pestes tam: n
peruincio sonoras: tu, si semel uasto rex Aeolus antro lu-
stantes emiserit uentos, concides, et mihi tum rideberis.

Morale. Declarat haec fabella, non eos semper fortis-
simos esse, qui nulla etiam lacerati iniuria, alijs insultant.

DE PISCATORE ET PISCICULO. 2.

Piscator iacto in aquam hamo cibus illito, pisciculum
eduxit: orat obsecratq; captiuus, se minutulum uili abi-
re sinat, et adollescere, ut postea maiore potiatur. Piscator,
Ego, inquit, spem pretio non emo, quippe qui eo fuerim in-
genio semper, ut quicquid possem, mallem auferre potius in
praesentia. Morale.

Haec nos monet fabella, ne certa unquam incertorum spe
uinguibus amittamus. Quid enim stultius (ut est apud Cice-
ronem) quam incerta pro certis habere?

DE FORMICA ET CICADA. 3

Appetente hyeme frumentum in arcolari ad solem tra-
hebat formica: uidet id cicada, accurrit, rogat gra-
num: formica, Cur non, inquit, et tu meo exemplo aestate
trahis quodcumq; potes, atq; addis aceruo? Respondet illa,
sibi id temporis cantando transigi. Ridens formica, Si, ait,
aestate cantitare soles, merito nunc furis.

Morale. Monemur hac fabula, dum adhuc robur cor-
poris adest, querere ea, quibus imbecilla sustentetur senec-
tus. Per hyemem senectutem intellige. Per aestatem adole-
scentiam et florem illum aetatis.

DE LEONE ET TAURO. 4

Leonem fugitabat taurus, in hircum incidit: is cornu, & caperata minitabatur fronte: ad quem plenus iræ taurus, Non tua, inquit, in rugas contracta frons me territat, sed immanem metuo leonē, qui nisi tergo hæceret meo, iam scires non ita paruum rem esse pugnare cum tauro, & nostro sequi de uulnere sanguinem. **Morale.**

Calamitosus non est addenda calamitas. Sat miser est, qui semel est miser.

ANIANI FABVLÆ

TRIGINTA OCTO, GV-

lielmo Hermanno diui Augustini ordinis canonico interprete.

DE NVTRICE ET LUPO.



NUTRIX minatur puerum plorātem, ni taceat, dari lupo. Lupus id fortē audit, spe cibi manet ad fores. Puer tandem sciscit obrepēte somno. Regreditur lupo in syluā ieiunus et inanis: lupa ubi sit præda, sciscitatur. Gemebundus ille, Verba, inquit, mihi data sunt: puerum plorantem se abicere minabatur nutrix, at se fellit. **Morale.** Fœminæ non est habenda fides.

DE TESTVDINE, ET AQVILA.

Ceperat testudinem tædium reptandi. Si quis eam in cœlum tolleret, pollicetur baccas maris rubri. Sustollit eam aquila, poscit præmium. Non habentem, fodit unguibus. Ita testudo, quæ concupiit uidere astra, in astris uitam reliquit.

Morale. Tua sorte sis contentus. Fuere nonnulli qui si mansissent humiles, poterant esse tuti: facti sublimes, inciderunt in pericula.

DE CANCRIS, MATRE, ET FILIO. 3

Cancerū retrogradū monet mater antrorsum ut eat: filius respondet, Mater, inquit, i præsequar. Morale. Nullum reprehenderis uitij, cuius ipse queas reprehendi.

DE SOLE ET AQUILONE. 4

SOL, & uentus Aquilo certant, uter sit fortior. Conuen-
tum est experiri uires in uiatorem, ut palinam ferat, qui
excusserit manticam. Borcas horrissono nimbo uiatorē ag-
greditur: at ille non desistit, amictum gradiēdo duplicans.
Adsunt uices solis, qui nimbo paulatim cuieto, emolitur ra-
dios: incipit uiator aestuare, sudare, anhelare. Tandem pro-
gredi nequiens captat frigus opacū, atq; sub frondoso ne-
more abiecta mantica, resedit: ita Soli contigit uictoria.

Morale. Quicum certes etiam atq; etiam uide. Nam
& si tu fortis es, est forsitan alius te fortior. Aut si non for-
tior, certē callidior, ut consilio suo tuum uincat robur.

DE ASINO.

Asinus uenit in syluam, offendit exuias leonis: quibus
indutus redit in pascua, greges armenta q; territat, &
fugat. Venit qui perdidit, queritat suum asinum. Asinus
uiso hero occurrit; inō cum rugitu suo incurrit. At herus
prehēnsis quæ extabāt auriculis, Alios licet, inquit, fallas,
ego te aselle mi probē noui. Morale.

Quod non es, nec te esse similes. Non doctum cum sis
indoctus, non diuitem, non nobilē, cum sis pauper & igno-
bilis, te iactes. Vero enim compertō rideberis.

DE RANA ET VULPE. 6

Rana egressa paludem, in syluis apud feras medicinam
profitetur. Ait se nec Hippocrati, nec Galeno cedere.
Cæteris habetibus fidem illisit uulpes. An hæc, inquit, me-
dicinæ habebitur perita, cui sic pallet os? Quin curat se-

ipsam? Sic illudit uulpes. Est enim ranae os caeruleo colore.

Morale: Stultitiae est profiteri quod nescias, & ridiculi.

DE CANE MORDACE.

CAni subinde homines mordenti, ut sibi quisque caueret, alligauit domum nola. Canis ratus uirtuti suae tributum decus, suos populares despicit. Accedit ad hunc canem aliquis iam etate, atque autoritate grauis, monens eum ne erraret. Nam ista, inquit, nola data est tibi in dedecus, non in decus.

Morale. Gloriosus interdum sibi ducit laudi, quod ipsi est uituperio.

DE CAMELO.

Camelus sui poenitens, querebatur tauros insignes in geminis cornibus, se inermem obiectum caeteris animalibus: Orat Iouem donari sibi cornua. Ridet Iupiter stultitiam cameli, nec modo uotum negat, uerum & auriculas bestiae decurtat. **Morale.**

Sit quisque fortuna contentus sua. Etenim multi fortunam sequuti meliorem, incurrere peiorem.

DE EDVOBVS AMICIS, ET VRSO.

Duo amici faciunt iter. Occurrit in itinere ursus: unus arbore conscensa, pericula cuitat: alter qui spes, fugae non esset, collidit sa humi. Accedit belua, contrahat iacentem, os explorat & alres. Homine spiritum continente ac motum, ursus qui mortalis parcat, ratus cadauer esse, innoxius discedit. Percunctanti postea socio, quidnam bestia dixisset iacenti in aurem, hoc monuisse ait, ne unquam cum illiusmodi amicis iter faceret. **Morale.**

Rara avis in terris, nigroque simillima cygno, fides est. Verum amicum res aduersae & pericula monstrant.

DE EQVITE CALVO.

Eques

Eques caluvs illigarat pilco comam factitiam: Venit in campum, acri spirante Boreas: ac dum male obseruat capillatum galerū, subito apparet caluities. Tollit cachinnum corona, necnon & ipse ridet. Quid noui est, inquit, audolare capillos alienos, quum olim defluerint qui fuerant mei?

Morale. Belle fecit eques, qui non est indignatus, sed cum ridentibus risit. Socrates uero cum accepisset in foro lapam, hoc modo respondit, Molestum esse nescire homines, quando debeant prodire cum galca.

DE DYABVLS OLLIS.

Dux oleæ steteret in ripa: altera erat lutea, altera ærea: utraq; tulit uis fluij. Luteæ collisionem metuenti, respondet ærea, ne quid timeat, sese enim ile collidantur satis curaturam. Tum altera: Sen me, inquit, tecum, seu te mecum flumen colliserit, cum meo utrūq; fiet periculo. Quare certum est à te separari.

Morale. Satiū est uiuere cum socio pari, quàm cum potentiore. A potentiore enim potest esse periculum tibi, non illi à te.

DE RVSTICO ET FORTVNA. 12

Rvsticus quum araret, offendebat in sulcis thesaurum. Gratias agit Telluri, quæ hunc dedisset. Fortuna uidens nihil honoris haberi sibi, ita est secū loquuta, Thesauro reperto stolidus mihi non est gratus: at eo ipso thesauro postea amisso, me primā omniū uotis et clamore sollicitabit.

Morale. Beneficio accepto, grati simus bene de nobis merenti. Ingratitudo enim digna est etiam beneficio, quod iam acceperit, priuari.

DE TAVRO ET CAPRO.

Fugit leonem taurus, uenit ad speluncam, quærens latibulum: intranti occursat cornibus, qui intus erat caper. Tum his uerbis bos emugit: Tu quidē cornibus tuis meam

exciptis fugam: uerum si abierit quem fugio, quantum a iuribus tauri distet caper, tum senties. *Morale.*

Qui nescit miseris esse succurrendum, aut certe non nocendum, caper est. Quisquis enim a miserorum iniuria non temperauerit, si (ut est fortuna mutabilis) miseris redierit felicitas, nimirum nocuisse miseris cum poenitebit.

DE SIMIA ET EIVS PROLE.

Omnis animantes suo conspectui Iupiter adesse iussit. Rat, cuiusnam soboles esset pulcherrima iudicaturus. Properant ferae, aduolant aues, nec non ad id certamen adnatant pisces. Omnium postrema festinat simia, trahens secum suam prolem. Cuius quidem prolis foedas nates cunctis ridentibus, sic inquit: Maneat, cui fauerit Iupiter, uictoria: Meo tamen iudicio, hic meus natus est bellus & omnium natis iure praefendus. Hoc dicto subrisit & Iupiter.

Morale. Et nos & nostra nobis placent. Sed de nobis & de nostris factis, aliorum sit iudicium: ne si ipsi iudicemus, cum simia rideamur.

DE PAVONE ET GRUE.

Pauo & grus una coenant. Pauo se iactat, caudam ostendit, gruem contemnit. Grus fatetur pauonem formosius esse pennis: se tamen dum uix tectis superuolat pauo, animoso uolatu penetrare nubes. *Morale.*

Nemo alterum contempserit. Sua cuique dos, sua cuique est uirtus. Qui tua uirtute caret, forsitan habet qua careas tu.

DE QVERCV, BET ARVNDINE.

Validiore Noto effracta quercus, in flumē precipitat. Dumque fluitat, haeret forte ramis suis in arundine, narratur arundinem in tanto turbine stare incolumem. Haec respondet, cedendo, & declinando se esse tutam, inclinare ad Notum, ad Boream, ad omnem flatum. Nec mirum esse quod quer

quercus exciderit, quæ nō cedere, sed resistere concupīuit.

Morale. Potentiori ne resistas, sed hunc cedendo & ferendo uincas. Quod pulchre docet facundissimus poëtarum Vergilius,

Nate dea, quò fata trahunt retrahuntq; sequamur.

Quicquid erit, superanda omnis fortuna ferendo est.

DE TIGRIDE ET VULPE. 17

Venator iaculis agitabat feras. Tigris iubet omnes feras absistere, sese unam ait bellum confecturam. Pergit uentator iaculari. Tigris oppido sauciatur. Fugientem opprælio, telumq; extrahentem, percunctatur uulpes, quisnam ualentem beluam tam ualide uulnerasset. Respondit, se autorem uulneris haud nosse, uerum ex uulneris magnitudine capere se coniecturam, aliquem fuisse uirum.

Morale. Forte plerunq; sunt temerarij, & ars uim, ingenium fortitudinem superat.

DE TAVRIS ET LEONE. 18

Quatuor fucere tauri, quibus placuit commune ipsorum esse salutē, & cōmune periculū. Videt leo simul pascētes: et si esurit, tamē cōiunctos aggredi metuit. Primū dat operā uerbis fallacibus segregare, tum segregatos laniat.

Morale. Concordia nihil est firmitus, discordia etiā fortes reddit imbecilles.

DE ABIETE ET DVMO. 19

Fertur olim abies despicere dumos, iactitat se proceram esse, locari in ædibus, cum uelo stare in nauibus, dumos autem humiles, uiles: nulli usui idoneos. Quorū quidem tale fuit responsum: Tu sanē abies tuis gloriare bonis, ut nostris insultes malis. Verū nec tua refers mala, & nostra præteris bona. Cum tu sonanti detruncare securi, quā uelles tum nobis, qui securi sumus, esse te similem!

h s Mora

Morale. Et summæ fortunæ suæ insunt mala; & hu-
mili fortunæ suæ bona. Vt nil aliud nunc dicam, hæc securæ
est, ac tutæ illa nec extra metû est, nec caret periculo. Hora-
tius canit in lyricis, Celsæ grauiore casu Decidunt turre,
feriuntq; summos Fulgura montes.

DE PISCATORE ET PISCICULO. 20

Subductus hamo pisciculus, orat piscatorem se dimitti.
Ait modò se à matre fusum, atque mensam, cum adhuc
minutus sit, non multû iuuare. Si dimittat, postea grandem
ultra ad hamum eius rediturum. Piscator negat se dimitte-
re prædam certam, licet exiguam. Quid habeam, inquit,
scio: quid sim habiturus, nescio. Ego spem pretio non emo.

Morale. Certum præstat incerto, præsens futuro, etsi
nonnunquam exile commodum omissum attulit magnum.

DE ALITE ET PULLIS. EIVSDE. 21

Ales positos in segete pullos monet, ut, dum ipsa ab-
est, diligenter attendant, si fiat sermo de occasione.
Redeunti e pastu matri pulli anxij narrant dominum agri
operam illam mandasse vicinis. Respondet nihil esse peri-
culi. Item alio die trepidi, aiunt rogatos ad metendum esse
amicos: iterum iubet illa ut sint securi. Tertiò ut audiuit
ipsum dominum cum filio statuisse postero mane cum fal-
ce messem intrare, iam, inquit, tempus est ut fugiamus. Vi-
cinos & amicos non timui, quia non uenturos scivi. Ti-
meo dominum, illi enim res est cordi.

Morale: Secordes alienis in rebus pleriq; sumus: Quòd si quid
rectè curatum uelis, alteri ne mandes, sed cures ipse.

DE AVARO, ET INUIDO. EIVSDE. 22

Duo homines orabât Iouem, cupidus & inuidus. Mit-
titur à Ioue Apollo, per hûc ut eorum uotis, satisfiat.
Dat hic utrique optandi liberam facultatē ac conditionem:

ut

ut quodcumq; petisset alter; id ipsum alter acciperet dupli-
catum. Hæret diu cupidus; cum nihil putat fore satis. Petit
tandē non pauca. Et duplum accipit socius. Porro inuidus:
hoc petit, ut ipse uno priuetur oculorū; letus socium mul-
tandum esse utroque. **Morale.**

Auaritia qd possit satiare: **Inuidia** uerò demētius est ni-
hil. **Quæ** dūmodo noceat alteri, sibi inet imprecatur malū.

DE LEONE ET CAPRELLA.

Vidit leo pendere dumosa de rupē, capellam. Suadet
descendere, ut in campo thymum, salices, quæ carpat.
Recusat, capella descendere, uerba quidem eius haud san-
cti mala, sed mentem esse plenam doli reclamans.

Morale. Cogita quis quid suadeat, multi suadent,
uilia, non tibi, sed sibi.

DE CORNICE ET URNA.

Sitibunda cornix reperit urnā aquæ. Sed erat urna pro-
fundior, quā ut posset à cornice aqua contingi. Con-
atur effundere urnam, nec ualet. Tum lectos ex arena ser-
pulos iniecit. Hoc modo aqua leuatur, & cornix bibit.

Morale. Interdum id, quod non potes efficere ui-
efficies prudentia, & consilio.

DE LEONE ET VENATORE.

Litigat leo cum uenatore, suam præfert fortitudinē ho-
minis fortitudini: post longa iurgia, uenator ducit leo-
nem ad Mausoleum, in quo sculptus erat leo, caput depo-
nens in gremium iuri. Negat fera id satis esse iudicij, homi-
nes enim sculpere quod uellent, ait: quod si & leones foret,
artifices, iam uirum sculptum iri sub pedibus leonīs.

Morale. Quisq; quoad potest, & dicit, & facit
quod sue parti, & causæ putet prodesse.

DE PVERO ET FVRE.

SEdebat puer flens ad puteum. Fur rogat causam flendi. Puer dicit, rupto fune incidisse in aquas urnam auri. Homo exiit se, insiluit in puteum, quærit. Vase non inuento, conscendit, atque ibi nec puerum, nec suam inuenit tunicam. Puer quippe sublata tunica fugerat.

Morale. Fallantur interdum qui fallere solent.

DE RVSTICO ET IUVENCO. 27

ERat rustico iuuenus, uinculi omnis, iugiq; impatiens. Homo astutus, bestiae rescat cornua. Cornibus enī petebat. Tum iungit non currui, sed aratro: ne ut solet, herum pulsaret calcibus. Stiuam ipse tenet, gaudens industria effecisse, ut iam foret tutus, & a cornibus & ab ungulis. Sed quid euenit? Taurus subinde resistens, spargendo pedibus os, caputq; rustici opplet arena.

Morale. Sunt nonnulli sic intractabiles, ut nulla queant arte, nullo consilio tractari.

DE SATYRO ET VIATORE. 28

Satyrus, qui Deus nemorum olim est habitus, uiatorem niue obrutum, atque algore enectam miseratus, ducit in antrum suum, fouet igni. Sperat enim in manus, percunctatur causam. Qui respondens. Ut calefiant, inquit. Postea cum accumberent, sufflat uiator in polenta. Quod cur faceret, interrogatus; Ut frigeat, inquit, Tam continuo Satyrus uiatorem eiciens, Nolo, inquit, in meo sit antro, cui tam diuersum est os.

Morale. Caue sit in tuo conuictu homo duplici ore, quiq; in sermone est Proteus.

DE APRO ET RVSTICO. 29

APro uasanti segetes, rusticus præcidit auriculam. Iterum deprehenso, præcidit alteram. Et tunc quoq; redeuntem capit, captum portat in urbem destinatum laetitiae.

titiae sui patroni. Secta iam in conuiuio belua nusquam apparet cor. Excandescente hero, & flagitante cocos, uillius respondet, Patrone, inquit, non est mirum non apparere cor: nam credo stultum aprum nunquam cor habuisse. Nam si cor habuisset, nunquam in poenam suam ad meas segetes toties redisset. Sic rusticus, At omnes conuiuæ emori risu, cachinnari de stultitia rustici.

Morale. Multorum hominum tam est excors uita, ut an cor habeant possis ambigere.

DE TAVRO, ET MURE. 30

MVS tauri pedem momorderat fugiens in antrū suū. Taurus uibrat cornua, quærit hostem, nusquam uidet: irridet cum mus: Quia, inquit, robustus es ac uastus, non idcirco quemuis contempseris. Nunc te, & quidē gratis, læsit exiguus mus. Morale.

Tritum est illud uerbum, quod significantius nostrate lingua dixerim, Nyemant sol uerachten seinen feindt. Latine sic, Nemo suum hostem flocci pendat.

DE RVSTICO ET HERCVLE. 31

RVSTICI currus hæret in profundo luto. Non supinus Deum Herculem implorat. Intonat uox e cælo; Ineptus, inquit, flagella equos, & ipse annitere rotis, atq; tum Herculem uocato, tum enim aderit Hercules uocatus.

Morale. Nil prosunt otiosa uota, quæ sanè Deus non audit. Iuua temet, inquit, ipse tum iuuabit te Deus.

DE ANSERE. 32

FVit anser qui ponebat oua aurea singulis diebus singula: dominus ut subito fiat diues, anserem iugulat, sperans intus latere gazam. Sed ansere inuento uacuo stupet miser, anxieq; dehinc suspirat, ac plangit, & rem, & spem periisse.

Mora

Morale. Moderanda sunt uota. Curandum est ne uel præproperi simus, uel nimij. Nam et festinantia nocet, et qui plura quam decet querit, interdum acquirit nihil.

DE CICADA ET FORMICA.

Cum per æstatem cicada cantat, formica suam exercet messem, trahit in antrum grana, reponens in hyemem. Sciente bruma, famelica cicada uenit ad formicam, mendicat uictum. Remittit formica, diuitians, sese dum illa cantabat laborasse.

Morale.

Qui segnis est in iuuentu, egredit in senectâ: et qui non parit, olim mendicabit.

DE SIMIA ET DVOBUS EIVS NATIS.

Simia, ut ferunt, cum peperit gemellos, alterum diligit, alterum negligit. Erat puerpera cum gemellis. Atque cum incidisset terror, uitatura periculum, dilectum præhendit ulnis, quem dum præceps fugitat, collidit petra, atque enecat: neglectus autem, qui in hirsuto hæserat tergo surgentis mansit incolumis.

Morale.

Solet euenire, ut ipsi parentes filio, quem temerè amant, præ nimia indulgentia sint mali occasio et periculo, eum quem minus amarunt, præstante se strenuum ac probum.

DE BOVE ET IUVENCO.

Bos iam grandis æuo quotidie trahabat aratrum. Iuuentus laboris expertus, uicinis exultat in pascuis, at tandem insultat fortunæ senioris. lætat se iugi, ac uinculi inscium, se liberum, se otiosum, illi attritum esse labore cillum. Denique se glabrum ac nitidum, illum esse hirsutum ac squalidum. Senior tum quidem nihil contrâ. Sed breui post tempore uidet hunc insultorem duci ad aras, ac tum hisce uerbis affatur, Quò tua mollis uita peruenit? securum.

curum istud otium redijt ad securim. Iam saltem (ut opinor) potius suades mihi laborem, qui me tuctur, quam otium, quod nunc te traxit ad necem.

Morale. Ad vitam recte gerendam opus est labore et uigilantia. Secors autem et uoluptati deditus, suarum rerum, quem nolet, fortietur exitum.

DE CANE ET LEONE.

36

Occurrit canis leoni, iocatur, Quid tu miser exhaustus inedia percurris syluas et denia? Me specta pinguem ac nitidum: atque hæc non labore consequor, sed otio. Tum leo: Habes tu quidem tuas epulas, sed habes stolidæ etiam uincula. Tu seruus esto, qui seruire potes: equidem sum liber, nec seruire uolo.

Morale. Pulchrè respondit leo. Quibuslibet enim rebus potior est libertas.

DE PISCIBVS.

37

Piscis fluuiialis in fluminis correptus est in mare. Vbi suam effrens nobilitatem, omne marinum genus uilè pendebat. Non tulit hoc phoca, sed ait tum fore iudicium nobilitatis, si cum phoca captus portetur ad forum. Se emptum iri à nobilibus, illum autem à plebe. **Morale.**

Multi sic capti sunt libidine gloriæ, ut sese ipsi prædicent et iactent: sed laus sui oris non datur homini laudi, de excipitur cum auditorum risu.

DE PARDO ET VULPECULA.

38

Pardus, cui prædictum est etiam tergum, cæteris fœris etiam leonibus despectis, intumescibat. Accedit ad hunc uulpecula, suadet non superbire, dicens, illi quidem speciosam esse pellem, sibi uero speciosam esse mentem. **Morale.**

Discrimen est bonorū et ordo. Bona corporis præstant bonis fortunæ. Vtrisque illis animi bona præstatur oportet.

AESO

AESOPI FABV-

LATORIS CLARIS-

simi apologi, e Græco Latini per

Rimicium facti.

ARGVMENTVM.



ESOPVS fabulator clarissimus, natione quidē Phryx, fortuna uerò, seruus fuit, colore niger, ac facie supra modum deformis. Is quia beneficus semper in hospites fuit, Dea hospitalis in somnis sibi assistens, largita est loquelam (nā ab initio blatero fuit) sapientiamq; ac uariarum fabularum inuentionem: quæ porro fabulæ non parum conducunt mortaliū uitæ. Nam animalia bruta fingit agere ea, quæ hominum sunt actiones: quas ita ante oculos ponit, quod audientium animos incitet ad uirtutem: nec ulli sunt hominum mores, quos in brutis fingendo ipse nō aperiat. Has igitur fabulas, si quis rite gustauerit, quam uiam sequi, quamq; uitare debeat, in priuatis publicisq; negotijs facile cōperiet. Nam in primis fabulam narrat: tum quid fabula significet, compendiosius exponit. Atq; ordinem alphabeti in Græco sequutus, qui in Latino sermone seruari non potest, hinc sumit initium.

DE AQVILA ET VVLPE.

Aquila & uulpes conflata inter se amicitia, in proximo habitare constituunt, firmiorem amicitiam ex frequenti conuersatione fore putantes. Igitur aquila nidum alta super arbore instituit. Vulpes uerò arborem propter, inter dumeta catulos collocat. Vna igitur dierum quum uulpes latibulum egressa pastum catulis quæreret, aquila & ipsa cibi indiga, in latibulum deuolans, uulpis catulos arripuit,

arripuit, ac pullis suis comestum præbuit. Vulpes reueniēs, cognita filiorum morte atroci, ualde tristata est. Et cum aquilam ulcisci non posset, quia quadrupes existens uolucrum persequi nequibat, quod unum miseris ac impotentibus datur, aquilam execratur, ac mala sibi imprecatur: tantum in odium, quum uiolatur, uertitur amicitia. Contigit igitur illis diebus ruri capras immolari, cuius frustum una cum carbonibus accensis aquila arripiens, sustulit ad nidum. Sed uento uehementius spirante, nidus qui ex sceno ac materia exili aridaq; confectus erat, incenditur. Aquilæ puli flammam sentientes, quum uolare adhuc nequirent, humi decidunt. Vulpes confestim illos arripiens, in aquilæ conspectum deuorat. Fabula significat, quod qui amicitiam uiolat, quamuis quos læserint, ultionem declinent, Dei supplicium non tamen effugiunt.

DE AQUILA ET CORVO. 2

Aquila celsa ex rupe deuolans, agnum ex ouium grege arripuit. Quam rem coruus conspicatus, æmulatione motus, uehementi cum strepitu ac stridore deuolat in arietem, atq; ungues in arietis uellus ita implicat, quod inde etiam motu alarum se explicare non posset. Hunc pastor quum ita implicitum uidet, accurrens coruum comprehendit: atq; alarum pennis incis, pueris suis pro ludibrio dedit. Verū enim quum quispiam coruum rogaret, quænam uolucris esset: coruus ait, Prius equidem, quo ad animum, aquila fui, nunc uerò me coruum esse certò cognosco.

Fabula significat, quod qui supra uires quippiam audet, hoc solum efficit, quod in aduersa sæpius incidit, ac se uulgo ridiculum exhibet.

DE AQUILA ET SCABRONE. 3

Aquila lepore persequabatur. At lepus auxilij inops,

i

quem

quem tempus obtulit scabronem uidens, ab eo auxilium implorauit. Cui scabro pollicitus est tutelam ac custodiam suam. Deinde quum aquilam propinquantem scabro conspiciatur, eam precatur, ne suum sibi eripiat seruum. At aquila scabronis paruitatem contemnens eo coram, leporem exedit. Verum scabro suæ iniuriæ memor, ubi aquila nidificaret, obseruat. Ecce aquila oua parit. Scabro alis elatus, ad aquilæ nidum uolat, atque oua deuoluens, humi deiecit. Aquila iacturæ ouorum mœrore concita, euolat ad Iouem (est enim ales Deo illi sacrata) ac locum ad pariendum sibi tutum dari precatur. Iupiter sibi concedit, ut quum tempus adest, eius in sinu pariat oua. Hoc scabro prouidēs, globum ē stercore conficit, atq; sursum euolans, in Iouis sinum demisit. Iupiter uolens ē sinu globum excutere, oua aquilæ simul excussit. Extunc aiunt aquilam nunquam parcere, quo tempore scabrones existunt. Fabula significat, quod nullus porro est contemnendus: quoniam nemo est qui iniuriam accipiat, quin quum tempus datur, se ulcisci non querat.

DE PHILOMELA, ET ACCIPITRE. 4

Philomela quum alta quercu sederet, more suo, sola canebat. Eam accipiter, cibum queritans, quum intuetur, repētē deuolat, illamq; rapit. At philomela quum se interitum iri uidet, accipitrem precatur ut se missam faciat, quoniam ad explendum eius uentrem ipsa satis minima sit: sed pro saturitate sua ad maiores aues ut se uertat opus profecto fore. Eam accipiter toruē conspiciens ait: Stultus equidem nimium essem, si quem manibus tenco cibum, illum dimitto amplioris spe pastus. Fabula significat, quod qui omittunt id quod manu tenent rerum maiorum spe, consilia inopes ac ratione nimium sunt.

DE VULPE, ET TRAGO. 5

Vulpes

Vulpes & tragus sitientes in quendam puteum descenderunt. Verum enim post potum, quum egressum conspiceret hircus, vulpes ei comiter ait, Bono sis animo: nam quid saluti nostræ opus sit, probè animaduerti. Si enim relictus stabis, ac pedibus anterioribus cornibusue muro adharebis, tuas ego scapulas cornuaq; conscendes, quum egressa puteum fucro, te manu comprehendens hinc desuper traham. Huic caper promptè deseruiuit. Vulpes suo exultans egressu, circa os putei capro illudebat. At dum caper illam incusat, sibi pacta haud seruasse, ei facitè uulpecula inquit, Si ea caper sapientia præditus esses, quo pilorum ornatu isthæc tua barba referta est, non prius in puteum descendisses, quàm egressus pensiculatè uidisses. Fabula significat, quòd homines consilio præditi, rerum fines prius inspiciunt, quàm dent operam rebus gerendis.

DE VULPE, ET LEONE. 6

Vulpes quæ nunquam uiderat leonem, quum illi forte obuiasset, adeò pertimuit, ut mortem penè obiret. Rursum illum quum aspexisset, pertimuit, sed minimè ut primum. Eum tertio quum intuctur propè accedens, fuit ausa coram differere. Fabula significat, quòd rerum terribilia, usus & consuetudo domestica facit.

DE CATO ET GALLO. 7

Catus cum gallum cepisset, atq; causam quæreret quæcum comedere posset, illum criminari coepit, quòd esset animal turbulentum, qui noctu clamitâdo haud permitteret quiescere mortales. Gallus se excusabat, quòd id ageret ad eorū utilitatē, cum ad opera faciēda illos excitaret. Rursum catus ait, Impius es ac supra modū sceleratus, qui agis cōtinuè cōtra naturā, cū nec à matre, nec à sororibus te abstinereas, sed per incōtinentiā cū illis te cōmisceas. Gallus item defend

defendebat, quod domini sui quæstus gratia, id quoq; ageret: enimvero ex huiusmodi coitu, gallinæ pariunt oua. Tūc inquit catus, Excusationibus licet abundes, ego tamen ieiunare haud intendo. Fabula significat, quod qui prauus existit natura, cū semel delinquere animo proposuit, quamuis causæ desit prætextus, à prauitate tamen non desistit.

DE VULPE SINE CAUDA.

8

Vulpes ut è laqueo euaderet, abscissa cauda, cum è pudore uitam sibi mortem putaret, excogitauit alias dolo inducere uulpes, ut sub communis commodi specie, sibi singule caudam abscinderent, et sic suum dedecus leuaret. Itaq; ad unum uulpibus congregatis suadet ut caudam sibi abscindant, differens caudam non modò dedecori uulpibus esse, sed oneri graui atque inepto. E uulpibus una ei facete respondit, Heus soror, si res ista tibi soli conducit, tum itidem alijs consulere haud est æquum.

Hæc fabula ad eos spectat, qui sub charitatis specie, suum commodum consulendo prospiciunt.

DE PISCATORE ET

Smaride pisciculo.

Piscator quod mari rete tetendit, eo smarida cepit pisciculum, qui parua adhuc ætate piscatorem orabat, ut dum grandis esset, atq; maiorem quæstum ex eo assequi posset, eum uita donaret. Huic piscator lepidè respōdit, Ego quidem mente carcerem, si quod minimum mihi est lucrum, id dimittere amplioris spe quæstus. Fabula significat, quod certa pro incertis, quamuis in eis magna insit spes, stultum est dimittere.

DE VULPE ET RVBO.

10

Vulpes cum sepem quandam ascenderet, ut periculum uitaret, quod sibi imminere uidebat, rubum manibus comp

comprehendit, atq; uolam sentibus perforauit: & cum grauiter saucia foret, gemens inquit ad rubum, Vt me iuuares, cum ad te confugerim, tu deterius me perdidisti. Cui rubus, Errasti uulpes, ait, quæ pari dolo me capere putasti, quo cætera capere consueuisti. Fabula significat, quòd stultum est implorare auxilium ab illis, quibus à natura datum est obesse potius, quàm alijs prodesse.

DE VULPE ET CROCODILO. 11

Vulpes & crocodilus de nobilitate contendebant: cum crocodilus multa pro se adduceret, ac supra modum se iactaret de splendore progenitorum suorum, uulpes ei subridens ait, Heus amice, cisi hoc tu quidem non dixeris, ex tuo corio clarè apparet, quod multis iam annis, tuorum splendore fuisti denudatus. Fabula significat, quòd homines mendaces res ipsa potissimum refellit.

DE VULPE ET VENATORIBVS. 12

Vulpes uenatores effugiens, ac per auia currendo iam decessa, hominè casu reperit lignarium, quem rogat, ut se quoquo loco abscondat. Ille tectoriū sibi ostendit. Vulpes illud ingrediens, in angulo quodam se abscondit. Adsunt uenatores: lignarium, si uulpem uiderit, rogant. Lignarius uerbis quidem se uidisse negat: manu uerò, ubi uulpes latebat, locum ostendit. Verum enim uenatores re haud percepta statim abeunt: uulpes ut illos abisse prospicit, tectorio egrediens, tacitè recedit: lignarius uulpem criminatur, quòd cum saluam fecerit, nihil sibi gratiarum agat. Tunc uulpes se conuertens, illi facete ait, Heus amice, si manum, opera, ac mores uerbo similes habuisses, meritas tibi persoluerem gratias. Fabula significat, quòd homo nequam etsi bona pollicetur, mala tamen & improba præstat.

DE GALLIS, ET PERDICE. 13

Grat Allos complures cum quis domi haberet, quam *me-*
Grat perdicem illis compascere permisit. Sed cum galli
 illam infestarent, rostrisq; percuterent, perdix ea iniuria
 uichementer perdoluit, putans, quia aduena, nec eo genere
 esset, eas sibi inferri iniurias. Gallos deinde cum adinuicem
 certantes conspiceret, perdix amota animi perturbatione
 ait, De cætero equidem haud tristabor, posteaquam inter
 eos odiosa certamina cerno. Fabula significat, quòd homi-
 nes sapientia præditi moderato animo ferunt iniurias ab il-
 lis uel maxime sibi illatas, qui nec sibi nec suis parcere sciunt.

DE VULPE ET LARVA.

14

Vulpes citharœdi domum ingressa, dum quæ domi *pa-*
rata sunt, sagaciter explorat, larvæ caput reperit arte
 industriosa compositum: quod manibus capiens, ait, O' qua-
 le sine cerebro caput! Fabula significat, quòd non omnes
 corpore decori, candem animo habent pulchritudinem.

DE HOMINE ET LIGNEO DEO.

15

Homo quidam Deum lignum domi habens, cum ora-
 uit, ut boni quippiam sibi tribueret: sed quantò magis
 orabat, eò res domi angustior erat: demum ille cõcitus ira,
 Deum cruribus capit, caput parieti percutit. Illi exciso igitur
 capite, multum auri exiliit, quod homo colligēs, ait, Per-
 uersus nimium es, atq; perfidus, qui dum in honore te ha-
 bui, nihil quidem profuisti: percussus uerò ac uerberatus, bo-
 ni plurimum contulisti. Fabula significat, quòd homo ne-
 quam, si quando prodest, id efficit ui coactus.

DE CANE AD COE-
nam uocato.

16

Vir quidam quum cœnam opiparam parasset, amicum
 quendam domum uocauit: cuius quoq; canis, canem al-
 terius ad cœnam inuitauit. Is domū ingressus, cum tantum
 dapium

dapium uidet apparatus, lætus secū ipse ait, Hodie porro ita me explebo, quòd die crastino comedere non indigebo. Hisq; dictis motu caudæ applaudit. Coquus uerò cum conspiciens, tacitus per caudam capit, atq; illum sæpius rotans per fenestram proijcit. Ille attonitus humo assurgens, dum clamando aufugit, cæteri canes sibi occurrunt, atq; rogitant quàm opiparè coenauerit. At ille languens ait, Ita potu ac dapibus me expleui, quòd cum exiuerim, uiam non uidi. Fabula significat, quòd quibus rebus quis doliturus est, rebus illis letari non debet.

DE AQUILA ET HOMINE. 17

Aquilam homo quidam cum cepisset, pennis alarum sibi euulsis, inter gallinas morari dimisit: eam deinde quidam mercatus, pennis alas denuo munit: tum aquila uolans, leporem capit, fertq; illū benefactori suo. Quam rem conspiciens uulpes, homini ait, Noli hanc aquilam, sicuti prius, hospitio habere, ne ceu lepore te æquè uenetur. Tum homo aquilæ item pennas euulsit. Fabula significat, quòd bene facientes sunt quidem remunerandi, improbi uerò omni studio uitandi.

DE VIRO AGRICOLA. 18

Homo quidam agriculator existens, cum finem uitæ sibi adesse cognosceret, cuperetq; filios in agrorū cultu fieri peritos, eos uocauit, atq; inquit: Filij, ego è uita discedo: bona mea in uinea consita sunt omnia. Illi post patris obitum putantes in uinea thesaurum rerū reperire assumptis ligonibus, marris, ac bidentibus, uineam funditus effodiunt, nullumq; thesaurum inueniunt. Verumenim uinea cum probe effossa foret, longe plus solito fructus producit, atq; illos diuites fecit. Fabula significat, quòd labor assiduus thesaurum parit.

DE CARBONARIO, ET LOTORE. 19

Carbonarius lotorem quendam rogauit, ut quam pretio conduxerat domum, secum pariter cohabitaret. At lotor rei aliàs expertus ait, Id conducibile haud mihi esset. Nam quæ albificare, ea omnia carbonum fauillis ipse maculares. Fabula significat, quòd res naturis dissimiles stare simul commodè non possunt.

DE VULPE ESURIENTE. 20

Vulpes ingenti fame concita, cum quodam in tectorio carnis frustum ac panem reposita prospiceret, tectorium ipsum intrauit, atq; tantum comedit, quòd ad ingentem tumorem uentrem distendit: et cum ex nimia uentris tumefactione inde egredi nequiret, tumens gemebat. Eius gemitum uulpes alia transiens illac, cum audiret, illuc accedit, rogatq; quidnam gerneret: deinde causam gemitus edocta, lepide ait, Istic manendum est, usq; cò dum tenuis efficiaris, quanta eras cum intrasti: nã eo pacto facile egredieris. Fabula significat, quòd nihil est tam durum, quod tempus non dissoluat.

DE PISCATORE QVODAM. 21

Piscator quidam piscandi inexpertus, tibijs ac reti assumptis, iuxta maris litus accedit, atq; saxo quodam superexistens, in primis tuba canere coepit, putans cantu se pisces facile esse capturum. Verùm cantu cum nullum consequeretur effectum, depositis tibijs, rete in mare dimittit, ac pisces cepit per plures. Sed cum ex reti pisces extraheret, atque eos saltantes perspiceret, non insulse ait, O improba animalia, dum ad tibiã cecini, saltare nolulistis: nunc quia canere cesso, saltus datis assiduos. Fabula significat quòd omnia probè fiunt, quæ fiunt tempore suo.

DE PISCATORIBVS QVIBVS DAM. 22

Piscato

Piscatores piscatū profecti, diuq; piscando defessi, fame præterea ac mœrore, quòd nihil cepissent cōfecti, cum abire decernunt, ecce piscis quidam alium fugiens se insequentem, in nauiculam saltat: illum piscatores supra modum læti comprehendunt, ac in urbem reuersi, grādi pretio uendunt. Fabula significat, quòd frequentius fortuna id exhibet, quod ars efficere non potest.

DE VIRO INOPE ET INFIRMO. 23

Homo quidam pauper cum ægrotaret, dijs uouit, quòd si eo morbo liberaretur, boues centum immolaret: quod ij experiri uolentes, sanitatem illi facile reddunt. Liber igitur à morbo, cum boues, quia pauper, non haberet, ossa bouum centum collegit, eaq; super altari deponens, lepide inquit, Ecce quod uoui, uotum uobis nunc persoluo. At dij illum ulcisci uolentes, in somnis sibi assistunt, atque inquirunt, Ad maris litus pergito, ibi enim in loco semoto auri talenta centum reperies. Ille expergesfactus: somnij memor dum pergito ad litus, incidit in latrones: captus itaque, eos rogabat, ut se missum facerent: quoniam mille talenta auri persolueret eis. Fabula significat, quòd homo mendax Deos & homines pariter contemnit.

DE VULPE ET PARDO. 24

Vulpes cū pardo de pulchritudine cōtēdebat: cū uarias corporis notas pardus sibi duceret decori, uulpes ei comiter ait, Ego quidē lōge formosior sum iudicāda, quæ nō corpus sed animū uarijs notis habeo notatū. Fabula significat quòd decor mētis est potior omni corporis ornatu.

DE PISCATORIBVS QVIBVSDAM. 25

Piscatores quidam è mari rete trahebant. Quod cum graue esse sentirent, letitia gestiunt putantes multos pisces habere irretitos: sed ut rete in terram traxerunt,

pisces quidem paucos, saxum uerò ingens reti inesse cum perspiciunt, longè tristantur. Quidam ex illis natu iam grandis non inurbane socijs inquit, Animis estote quietis, quippe letitiæ soror est mœstitia: oportet enim casus prospicere futuros, illosq; ut leuius quis ferat, persuadere sibi esse euenturos. Fabula significat, quòd qui reminiscitur sortis humanæ, in aduersis minime, frangitur.

DE RANIS REGEM PETENTIBVS.

26

Rane mœrentes quòd sine rege forent, Ioui supplicatum oratores mittunt, ut regem sibi dedat. Iupiter earum simplicitatem cognoscēs, lignum in stagni medium demisit. Quod cum in stagnum cecidit, eius sonus supra modum terruit ranas. Quæ cum lignum esse nouerunt, rursum Ioui supplicatum mittunt, ut regem uiuum, haud mortuum sibi dedat. Iupiter stultis earum precibus motus, Hydrum illis dedit in regem. Is in diem cum ranas deuoraret, tertio Iouē ranæ precantur, ut regem sæuum atq; immanem ab eis amoueret. Tunc inquit Iupiter, Quem tot precibus regem exorastis, cum uobis perpetuum habetote. Fabula significat, quòd sæpe ea precamur, quæ impetrasse nos postea pœnitet.

DE CATA IN FOEMINAM MUTATA.

27

Cata quædam speciosi cuiusdam adolescētis amore captæ, Venerem orauit, ut eam in hominem mutaret. Venus illius miserta, in formā hominis mutauit eam. Quæ cum longè speciosa esset, amator domum subito adduxit. Sed cum in cubiculo simul sederent, Venus experiri cupiens, si mutata facie, mutasset et mores in medium constituit murem: quem cum illa prospexit, oblita formæ et amoris sui, murem ut caperet, persecuta est. Quæ super re Venus indignata, denuo eam in priorem catæ formam mutauit

tauit. Fabula significat, quòd homo nequam, licet personam mutet, mores tamen retinet eosdem.

DE SENE MORTEM VOCANTE.

28

Senex quidam lignorum fascem super humeros ex ne-
more portans, cum longa uia defessus esset, fasce humi
deposito mortem uocauit. Ecce mors aduenit, causamq;
quamobrem se uocauerit, interrogauit. Tunc senex, ut huc
lignorum fascem super humeros mihi imponeres, ait.

Fabula significat, quòd quisquis uitæ cupidior est, licet
res nulle subijciatur periculis, mortē tamen semper deuitat.

DE MULIERE ET MEDICO.

29

Mulier anus cum ophthalmiam pateretur, medicum
ad se curandum accersit, certum pretium sibi dare
promittens, si eo morbo curaretur: si uerò non liberaretur,
nihil ei debere pacta est. Medicus uerò quoties illam
ibat curatum, toties quippiam è domo clàm exportabat.
Mulier igitur ophthalmia curata, cum nihil suarum rerū
domi esse prospiceret, medico mercedem pactam petenti
soluere denegat. Quamobrem uocata in iudicium pactum
quidem non denegat, sed se curatam ophthalmia esse, id ue-
rò pernegat, inquit, Cum caeca eram, domum multa su-
pellestile refertam uidebam: nunc cum uideo, ut medicus
ait, nihil rerum domi esse prospicio. Fabula significat,
quòd homines auaritiæ dediti, sibimet sæpius contradicunt.

DE AGRICOLA ET CANIBVS.

30

Agricola quidam magnitudine hyemis in suburbanis se
locauit. Sed cum alimonia sibi deficeret, capris et
ouibus primum uesci coepit: cum uerò in diem magis seui-
ret hyems, bobus quoque nec pepercit. Quod facinus cum
animaduertunt canes, inuicem uerba faciunt, Quid hic
stamus, inquit, cur mortem nobis incumbentem non su-
gimus?

gimus? putamus ne cum nostræ parcere uitæ, qui alimonie gratia boues iugulauit? Fabula significat, quod eos fugere debemus qui in charissimos crudeliter se gerunt.

DE AGRICOLA ET FILIIS.

31

Agricola quidam complurcis habuit filios, continua seditione discordes, ac eius admonitionis perpetuo negligentes. Cum fortè unà domi omnes sederent, iussit pater uirgarum fascem coram deportari, atque natos cœpit hortari, ut integrum fascem disrumperent. Cum igitur fascem cum totis uiribus frangere non possent, genitor præcepit, ut soluto fasce singulatim frangerent uirgas. Cū quisq; facile hoc perficeret, tūc factō silentio, pater ait eis, Siquando animis idem sentietis, nati mihi charissimi, nec ab inimicis superari poteritis, Sed si inter uos seditiones seruabit, qui uolet, is facile uos perdet.

Fabula significat, quod fortior est unio, quàm seditio, quæ est imbecillis.

DE MULIERE ET GALLINA.

32

Vidua quædam mulier gallinam habuit, quæ die quolibet pariebat ouum. Putauit mulier, more ingenij humani, quod sitis habēdi semper sollicitat, gallinam illam die bis parituram, si plus speltæ traderet ei solito. At gallina pluri alimonia pinguior facta, id unū desijt parere ouum. Sic mulier ex quo maius lucrum quæritabat, id ceca augendi cupiditate amisit. Fabula significat, quod plurimus cupiditate rerum præsens quandoq; deperditur quæstus.

DE HOMINE A CANE MORSO.

33

Homo quidam quum cum canis momordisset, summo cum studio sciscitabatur, à quo sanari posset. Quidam sibi obuiam factus, atque de medico rogatus ait: Si uis amice fieri sanus, non est tibi opus medico. Nam si canis qui te momor

momordit, à uulnere lingua sanguinem terget, ista cura nihil potius reperiri potest: alter arridens uenustissime inquit, Si huiusmodi utor remedio, in diem magis ac magis à canibus mordebor. Fabula significat, quòd ab hominibus nequam incommoda pro commodis, & mala pro beneficijs retribui solent.

DE DVOBVS AMICIS ET VRSA. 34

A Mici duo dum rus uiarent, ursa cis obuiam occurrit: aqua prospecta, alter eorum territus, ut se saluaret, continuo arborem ascendit. Alter quum ursæ uiribus posse obistere dubitaret, uti mortuus humi iacuit resupinus, retinens flatum atq; anhelitum. Quum nec ore aut naso respiraret, ursa eum exanimatum existimans, abiit. (Dicunt enim à cadauere ursas omnino abstinere). Alter deinde ex arbore descendens, quid in aurem sibi dixerit ursa socium rogauit. Ille urbano sermone respondit, Admonitus sum ab ursa, ut cum huiusmodi amicis non profisciscar amplius.

Fabula significat, quòd eorum amicitia colenda nō est, qui, quum est opus, amicis subsidia denegant.

DE ADOLESCENTIBVS

duobus & coquo.

35

A Doloscentuli duo æquis sumptibus carnes coëmerūt, & curatum coquo tradiderunt. Obiter coquus dum alijs uacat negotijs, alter iuuenum carnes eas clanculum accepit, ac socio tradidit. Coquo deinde carnes quæritanti, qui acceperat, se haud habere iurat, qui uerò habebat, se non accepisse iurabat. Coquus percepto iuuenum dolo, ait, Et si fallor equidem à uobis: per quem uerò iuratis, res ista non latebit Deum. Fabula significat, nullum scelus posse latere Deum.

DE DVOBVS INIMICIS.

36

Duo

DVo quidam gladiatorio animo inter se inimicitias habentes, unà in naui nauigabant. Et quum alter eodem in loco stare cum altero non pateretur, unus in puppi, alter in prora confedit. Orta autem tempestate quum nauis periclitaretur, qui in prora sedebat, rogat nauis gubernatorem, quæ pars nauis submegi prius deberet. Et quum gubernator puppim dixisset, ait ille, Mors mihi modò molesta minime est, si inimicum meum prius mori perspicio.

Fabula significat, quòd inimicus ut inimicum perdat, seipsum perdere sæpius cligit.

DE CALAMO ET OLIVA.

37

Quamnam esset fortior, durior & magis resistens, canna & oliua inuicem cõtendebant. Oliua calamo humilitatem obijciebat, eò quòd uentis faciliè cederet. Huic dicto unum arundo haud reddidit uerbum. Paulò pòst turbine uehementi aspirans uentus, radicitus euulsit oliuam, totis uiribus sibi obfistentē. At canna flatibus se inclinans, salutem faciliè est assequuta. Fabula significat, quòd potentioribus sine controuersia mos est in tẽpore gerendus.

DE VITULA ET BOVE.

38

Vitula quum bouem arantē perspicceret, illum præ se, quæ nihil agebat, cõtẽmpsit. Sed quum immolationis affuit dies, bos quidem missus, uitula uerò ut immolaretur, retenta est. Quam rem bos quum conspiciatur, subridens ait, Heus uitula, ideo non laborabas, ut immolareris?

Fabula significat, quòd otiosis & nihil agentibus pericula quoque imminet.

DE PVERO ET FORTUNA.

39

Quam puer quidam iuxta puteum dormitet, Fortuna illuc accedens illum excitauit, inquiens: Surge, & hinc ocius abi. Quippe in puteum si caderes, nò tuam insciam

inſcitiam, ſed me Fortunam omnes accuſarent. Fabula ſignificat, quòd frequēs pericula culpa noſtra incurrimus; deinde abs re fortunam accuſamus.

DE MVRIBVS ET CATO.

40

Domo quapiam quòd per plures forent mures, catus præſentiēs illuc acceſſit, atq; nunc unum, nunc alium capiens, complures interimendo comedit. Verum mures quum ſe in diem conſumi perciperent, ad unum coacti, in-quiunt ſecum: De cætero inferius non eſſe deſcendendum, ſi nolumus perditum iri omnes, ſed hîc ſuperius manendum, quò catus aſcendere non poteſt. At catus conſilio murium percepto, ſimulans ſe mortuum eſſe, poſterioribus pedibus ſe ad palum ſuſtendit, qui fixus parieti erat. E muribus quiſpiam deorſum acutè proſpiciens, ut catum eſſe cognouit, haud inſacetè ait; Heus amice, eſi te ſollē eſſe certò ſcirem, deorſum minime deſcenderem.


Fabula ſignificat, quòd uir prudens ſemel ſi fallitur, ſi-ſtis & ſimulatis hominibus non amplius fidit.

DE SIMIA ET VULPE.

41

A pud brutorum animalium concilium, ſimia ita appoſitè ſaltauit, quòd omnium ſerè conſenſu rex ſtatim fuit creatus. At vulpes inuidens ei, ubi uiderat carnes laqueo in fouea ſitas, illuc ſimiā ut duxit, inquit ad eam, Hic theſaurus abſconditus eſt, qui ex lege ſpectat ad reges: quare quum tuus ex lege ſit, tute ipſe capias illum. Simia uulpis ſuaſu, illuc temere accedēs, ut ſe captam laqueo ſenſit, uulpem acriter accuſat quæ doſe deceperat. Et uulpes haud illepidè ait: Heu ſtulta, quæ quū fortuna te extulſſet, dominari cæteris iam te putabas dignam. Fabula ſignificat, quòd qui temere quippiam aggreditur, temere in aduerſa incidit, ac uulgo ridiculus fit.

DE CE

 **C**ervus uchementi siti cum uexaretur, ad fontem proficiscitur; dumq; potat, suam in aqua prospiciens umbrā, ualde letatus est magnitudine cornuū ac ramositate: deinde pedes & crura prospiciens, nimium tristatus est. Hæc dum animo uertit, ecce leo apparet, ac ceruū persequitur. At ceruus fugam arripiens, leonē per campos longe antebat. (Dicunt enim ceruorū uires consistere in pedibus, at leonis in animo stare robur.) Quousq; igitur leo per campos secutus ceruum, eum assequi non potuit. Casu uerò contigit ceruum nemius intrare, ubi cornibus ad ramos implicitis, cum fugere non posset, à leone captus, cum se moriturum uideret, Heu me miserum, inquit, qui cornibus gauisus, ipsis cornibus pereō. Fabula significat, quòd que putamus nobis profutura, ea nobis sæpius obsunt.

DE AGRICOLA ET PELARGO.

Agricola laqueos in agro tetendit, ut grues & anseres uenaretur, qui sata sua continuè depascebant: At simul cum illis uenatus est pelargum, qui pede tentus, rogat agricolam, ut eum soluat, missumq; faciat, cum non sit grus, nec specie anser, sed pelargus auium pijsimus, qui parentibus semper deseruit, nec illos in senectā deserit unquam. Ei agricola subridens ait: Quæ dicis, haud me fugiunt, nam qui sis, probè tenco: sed his simul captus cum sis, his quoq; simul est moriendum. Fabula significat, quòd qui cum improbis quopiam deprehenditur crimine, pari poena plectitur cum illis.

DE AGNO ET LUPO.

Agnus in domo bene clausa existens, cum lupum ad se ueniētem perspicit, illū conuicijs & maledictis persequitur. At lupo inquit ei, Non tu, sed locus inaccessibleis mihi

mihî conuicia dicit. Fabula significat, quòd locus & tempus faciunt timidos per sepe audaces.

DE IOVE ET CORVO.

Iupiter uolatilibus regē creare uolens, diē concilij auibus indixit, ut qui speciosior esset, rex sibi constitueretur. Quam rē præsentiens coruus, ac suæ deformitatis conscius, pennis aliorū hinc inde collectis, se decorauit, ac speciosissimū omnium se reddidit. Adest dies præfinitus, ueniunt ad concilium aues. Iupiter coruum ob pulchritudinē cum regem auibus creare uellet, id aues indignē ferentes, quæq; suas à coruo extrahunt pennas. At coruus alienis pennis cum esset exutus, coruus ut erat demum remansit.

Fabula significat, quòd qui rebus pendet alienis, illis amissis quisnam ipse sit, cuiq; liquido patet.

DE TVBICINE QVODAM.

Tvbicen quidam tubæ sonitu pugnatum ciebat exercitum. Ab hostibus deinde per insidias captus miseranda uoce clamabat, Ne abs re ac frustra occidere me uelitis: ego quidem non pugno, nec præter tubam quippiam aliud posideo. Qui eum uinctum ducebant, huiusmodi uerbo contrā reddiderunt: Hanc ob rem morte dignior es iudicandus, quòd cum hostibus manum conferre deuitans, alios sonitu ad pugnam hortaris. Fabula significat, quòd grauiori pœna sunt iudicandi, qui cum ipsi iniuriam non agant, alios ad iniuriam agendum impellunt.

DE FABRO ET CANE.

Faber quidam catulum habebat, qui dum ipse ferrum cuderet, continuē dormiebat. Cum uerò manducabat, canis statim surgebat, & quæ sub mensa erant deiecta, ceu ossa & alia huiusmodi, sine mora corrodebat. Quam rem animaduertēs faber, ait ad canem, Heus miser, quid faciam

k nescio

nescio, qui dum ferrum cudo, continuè dormis, & segnitia teneris: Rursus cum dentes moueo, statim surgis, & cauda mihi applaudis. Fabula significat, quòd secordes & somnolenti, qui ex aliorum uiuunt laboribus, graui censuræ sunt coërcendi.

DE MVLA QVADAM.

48

MVla quædam nimio hordeo pinguis effecta, nimia pinguedine lasciuebat, secum inquit, Pater mihi equus fuit, qui cursu celerrimus erat, & ego ei per omnia sum similis: parum post contigit, quòd oportuit mulam quantum potuit currere: sed cum cursu cessauit, Hec me miseram, inquit, quæ equi filiam me esse putabam: at nunc memini asinum mihi patrem fuisse. Fabula significat, quòd stulti in prosperis seipsos dediscunt, sed in aduersis suos persepe recognoscunt errores.

DE THYNNO ET DELPHINO.

49

Thynnus, cum cum Delphinus persequeretur, magnus elatus impetu ac stridore, à uchementi fluctu in insulam defertur: eundemq; in scopulum à fluctu eodẽ, Delphinus dum se putat capere Thynnum, ipse quoque defertur. Thynnus conuersus cum Delphinum expirantem animam perspicit, secum ipse ait, Mors mihi molesta admodum non est, ex quo mortis autorem mori simul mecum perspicio.

Fabula significat, quòd quiuis aduersa leuius fert, cum aduersitatũ autores eadem aduersitate opprimi perspicit.

DE MEDICO QVODAM.

50

Medicus quidam cum quem curaret ægrotum, cum mori contigerat, esserentibus funus aiebat, Vir iste si se uino abstinuisset, & clysterijs usus fuisset, cum mori non contigisset. Ex his qui aderant, quispiam medico haud infacetè ait, Hecus medice, ista consilia cum prodesse quebant,

bant, dicenda fuerūt, non nunc, cum nihil ualeant prodesse.

Fabula significat, quòd ubi haud prodest consilium, id eo tempore dare, est sanè amicū deludere.

DE AUCUPE.

31

Auceps aucupatum calamis uiscoq; tetendit, & cum turdum cancre arboris desuper ramum aspexit, ut eū caperet, calamos crexit. At inter ambulandū pede altero uiperā calcauit, morsuq; ab ea, cum iam iam ob uenenū se deficere persensit, Heu me miserum, ingemuit, qui dum aliū capere festino, alter ad mortem me est aucupatus.

Fabula significat, quòd quæ contra alios facere nitimur, ea persepe ab alio ipsi patimur.

DE CASTORE.

32

Castor est animal quadrupes, qui in paludibus semutrit, eius testes uarijs medelis utiles esse dicuntur. Itaq; cum quispiam cum sequitur, suæ persecutionis causam non ignorans, ac pedum uelocitati fidens, quantum potest, fugit, usquequo ad locum ne uideatur, saluus deueniat, atq; ibi testes excidens, in uenatores, cum sibi appropinquant, proijcit. Et isto pacto à uenatoribus se eripit.

Fabula significat, quòd sapiens ut à periculis se eripiat, nihil intentatum deserit.

DE PVERO OUES PASCENTE.

33

Puer quidam cum oues eminentiori in loco depasceret, sepius clamabat, Heus o à lupis mihi succurrite. Qui circum aderant cultores agrorum, cultum omittentes, ac illi occurrentes, atq; nihil esse comperientes, ad opera sua redeunt. Cum pluries puer id ioci causa fecisset, ecce cum lupus pro certo adesset, puer ut sibi succurratur seriò clamat. Agricola id uerum non esse putantes, cum minime occurrerent, lupus oues facile perdidit. Fabula significat, quòd

qui cognoscitur mentiri, ei ueritas postea non creditur.

DE CORVO ET VULPE.

54

COruus cum carniū frustum rapiisset, arborē quādam supersedit: uulpes eum suspiciens, atq; carnes sibi cupiens, illū arte aggreditur. Stans igitur sub arbore, coruum laudare occipit, aiens, O quā magna auis est hęc, quā speciosa, quā uenatrix, quā formosa, hanc decuit esse auum regē! Nā omnia regia super alias sibi sunt aues, si modō uocē haberet. His laudibus coruus inflatus, & dici mutus haud ualens pati ulterius, dū magna uoce crocizat, carnes humi decidunt. Illas cū uulpes rapiisset, cōuersa inquit ad coruū, Heus corue omnia decora tenes, modō mēte haud careres. Fabula significat, quōd qui adulatoribus nimīū credunt, hi, quæ non putant, in aduersa sæpius incidunt.

DE CANE ET LUPO.

55

CAnis cum ante aulam dormiret, lupus superueniens, eum statim cepit: & cum ipsum occidere uellet, canis ne eum occideret, rogauit, inquiens, Here mi lupe, nunc me occidere noli, nam ut uides, tenuis sum, gracilis & macilentus. Sed herus meus nuptias in proximo facturus est, ubi si parum me expectas, ego opiparē manducans, atque pinguior factus, ero tibi utilior. Lupus his uerbis fidē habens, canem dimisit. Paucos post dies lupus accedens, eum canem dormientem domi reperit: stans ante aulam canem rogat, ut sibi promissa præstet. Ei canis haud rusticē inquit: Heus lupe, si ante aulam de cætero me reperis, haud amplius nuptias expectes. Fabula significat, quōd sapiens cum periculum uitat, ab illo postea continuē cauet.

DE CORVO AEGROTANTE.

56

COruus cum aegrotaret, matrem rogauit, ut sua pro sititate Deos precaretur, inquiens, Mater noli plorare,

re, sed deos potius precare, ut sanitatem mihi restituant. Et mater scite respondit, Quem deorū tibi fore propitium putas? cum nullus sit ē cuius aris sacra non rapueris?

Fabula significat, quod qui in prosperitate quemuis offendit, in aduersis amicum sibi reperit neminem.

DE CANE CARNES PORTANTE. 57

CAnis ore ferens carnes, ac flumen transiens, cum sub aqua umbram prospexit, putauit alium esse canē, qui plus carniū deferret. Itaque quas ipse ferebat, eas carnes sub aqua ire dimisit, & ut umbram caperet, se mouit: sed carnes & umbram, quæ sanē nihil erant, simul perdidit.

Fabula significat, quod cupiditate plus semper habendi, quæ tenemus, ea se penumero perdimus.

DE LEONE ET RANA. 58

LEo cum ranā magniloquacem audiret, putans aliquod magnum animal esse, se retrouertit: parumq; stans, ranam e stagno exeuntē uidet. Quam indignabundus statim pedibus calcauit dicens: Nullū amplius ut te perspiciat animal clamore mouebis. Fabula significat, quod apud uerbosos, præter linguam nihil reperitur.

DE LEONE SENE. 59

LEO cum seniuisset, nec uictum sibi quærere posset, uiam machinatus est, qui alimenta haud sibi desint. Ingressus igitur speluncam grauius egrotare iacens simulabat. Animalia illum uerē egrotare putantia, uisitandi gratia ad eum accedebant: quæ leo capiens singulatim, manducabat. Cum multa animalia iam occidisset, uulpes leonis cognita arte, aditum speluncæ accedens, leonem quo ualeat pacto, exterius stans rogat: ei leo blandē respondens ait, Vulpes filia, cur non introgredieris ad me? Et uulpes non illepidē ait, Quoniam hec mi animalium ingredientium perplura

equidem uestigia cerno, sed egredientium uestigia nulla.
Fabula significat, quod homo prudens, quia pericula im-
minencia prouidet, illa facile deuitat.

DE LEONE ET TAVRO. 60

LEo ingentem taurum per insidias sequens, cum prop-
ter accessit, eum uocauit ad coenam, inquiens, Amice ouem
occidi: hodie mecum, si placet, coenabis. Taurus leoni mo-
rem gerens, ut discubuerunt, quum multos lebetes, nec non
magnos & pluris obeliscos paratos conspiceret, & ouem
ibi nullam adesse, uestigio abiit. Quem leo abeuntem per-
spiciens, quum abiret rogauit: ei taurus haud inurbane re-
spondit, Non de nihilo & quidem ab eo, quum instrumenta non
ad ouem, sed ad taurum coquendum uidcam esse parata.

Fabula significat, quod homines prudentes minime la-
tent improborum artes.

DE LEONE, ASINO, ET VULPE. 61

LEo, asinus, & uulpes conflata inter se societate uenatu
exiunt. Quumq; multam praedam cepissent, leo asino
mandat ut praeda diuidat. Asinus quum eam in treis partibus
aequalis esset partitus, optione capicndi socijs dedit. Quam
partitionem leo indignè ferens, ac dentibus frendens, à diui-
sione deposuit eum, mandauitq; uulpi, ut praedam ipsa parti-
retur. At uulpes illas treis partes in unum colligens, ac prae-
da nihil sibi seorsum relinquens, leoni omnia tradidit. Tunc
leo uulpi ait, Quis te partiri edocuit? Inquit ex tempore uul-
pes, Asini periculum id me facere instruxit. Fabula signi-
ficat, quod aliorum pericula homines faciunt cautiore.

DE LEONE, CUIVS DAM

rustici filiam amante.

LEo cuiusdam rustici filiam amabat. Illam quum habe-
re cuperet, patrem uirginis rogauit, ut sibi nubere
ipsam

ipsam assentiret. Et rusticus ait, Nullo pacto se assensurum, quod filia bestiae nubat. Quum illum leo toruē aspiceret, ac dentibus frenderet, rusticus mutato consilio ait, se cupere ei filiam nubere, modo dentes & ungulas prius cadat euellatq; quoniam uirgo illis rebus longe terretur. Leo id postquam prae nimio amore fecit, rusticum adiens, filiam sibi dari postulat. At rusticus leonem quum unguis & dentibus perspicit inermem; arrepto fuste illum frequens pulsando persequitur. Fabula significat, quod qui inimicis se committit, de facili perit.

DE LEAENA, ET VULPE. 63

Leaena quum a uulpe saepius exprobraretur, quod quolibet partu unū duntaxat pareret catulum, ait, Vnum sanē, at pol leonem. Fabula significat, quod pulchritudo haud in copia rerum, sed in uirtute consistit.

DE LUPO, ET GRUE. 64

Lupus in gutture osse retento quum longē cruciatur, grui pretium obtulit, si illud ē gutture extraheret. Grus rostro quū os ē gutture extraxit, pretium sibi promissum exposulat. Ei lupus surridens, simulq; dentes acuens, ait, Satis pretij tibi esse debet, quod ex lupi ore caput sine lesione eduxeris. Fabula significat, quod apud improbos gratitudo non parua habetur, si pro obsequio quis detrimentum non recipit.

DE LUPO ET AGNO. 65

Lupus quum agnum inuenisset errantem, cum non cepit fortissima manu, sed causam quaesivit, quo iure uel iniuria cum comederet. Igitur agno uerba huiusmodi fecit, Tu mihi abundē iam diu intulisti iniurias. Agnus gemendo ait, Quomodo id fieri potuit, quum nuperrimē uenerim ad luccm? Lupus denuo ait, Agrum mihi pascendo deuastasti.

Agnus inquit ei: *Quum dentibus etiam carcam, id facere nequiui. Lupus rursus ait, Ex meo quoq; fonte bibisti. Ei inquit agnus, Quo pacto id fieri potuit, quum aquam ex etate nōdum biberim, sed lac matris cibus & potus adhuc mihi sit?* Lupus demum ira concitus ait, *Licet tua solvere nequcā argumenta, coenare tamē opipare intēdo: agnumq; cepit, ac illum manducauit.* Fabula significat, quod apud improbos ratio & ueritas locum haud habent.

DE DVOBVVS GALLIS

inter se certantibus.

66

DVo galli inter se ruri certabant: qui gallinarum prior dux erat, quū ab altero superatus esset, prae uercundia se abscondit. Alter uerō uictoria elatus, domus tectum statim superuolans, uehementi alarum plausu cantuq; significat se riualem suum pugnando superasse, & de aduersario ferre trophæum. Dum hæc & huiusmodi iactabundus uoce procizat, ecce aquila cibi indiga ex alto deuolās, gallum unguibus rapit, ac pullis suis in alimoniam contulit. Quam rem, qui uictus fuerat gallus, prospiciens, ceu ex hoste triumphans, in publicum uenit, ac solus gallinis liberē potitur. Fabula significat, quod qui prosperis nimium fidit, in aduersa sæpius præceps incidit.

DE VATE QVODAM.

67

FOro urbis medio, quidam uates cuius sortem aperiebat futuram. Quamobrem magna hominum frequentia stipatus, dum uni & alteri suam aperit sortem, ei nuntiatur, res suas furtim domo esse ablatas. Quo audito, domum curriculo dum abit, quidam ei obuiam factus, ridiculē ait, *Quur alios quid esset futurum monebas, qui tuæ sortis nescius fuisti?* Fabula significat, quod homines nequam corrigunt alios, & sua crimina scire se negligunt.

DE

DE FORMICA, ET COLUMBA. 68

Formica sitiēs in fontē descendit : ubi dum bibere uult, in aquam cecidit. Columba quēdā arborem fonti imminentem supersedens, quum formicam aquis obrui conspiceret, ramulum ex arbore rostro continuo frangit, ac sine mora deiecit in fontem. Ad quem formica se applicans, ex aquis in tutum se recipit. Obiter auceps quidam aduenit, & ut columbam uenetur, calamos erigit. Formica id percipiens, pedem alterum momordit aucupi. Eo dolore aucups concitus, calamos demittit. Quorum strepitu columba territa, ex arbore aufugiens, uitæ periculum euasit.

Fabula significat, quod quum bruta in beneficos grata sint, eò magis esse debent, qui participes sunt rationis.

DE VITULO, ET CERUA. 69

Vitulus ceruæ aliquando ait : Quum magnitudine sis maior canibus, & pedum celeritate cursu uelocior, & ad pugnā longe cornibus munitior, cuius rei gratia mater tātōpere canes reformidas? Ei cerua inquit subridens, Quoniā fili licet quæ dicis, omnia possideā, canū latratum ferre non possum, sed præ timore fugam statim arripio.

Fabula significat, quod qui natura timidi sunt, apud eos ut audeant, nulla ualet hortatio.

DE APE, ET IOVE. 70

Apes, quæ ceræ mater existit, quondam accedens ut Dijs sacra faceret, Ioui donum obtulit mellis. Qua oblatione Iupiter lætus, iussit sibi concedi, quicquid ipsa precaretur. Apes igitur rogans, ait, Illustrissime deus deorum, ancillæ tuæ concedere uelis, ut quicumq; ad aluere pro rapiendo melle accesserit, is simul ac pupugero eum, cōtinuò moriatur. Qua rogatione Iupiter diu ambiguus, quoniam genus mortaliū longē amabat, demum api ait,

k s

Satis

riario uenundetur. Cui asinus multo cum labore & paucis cibo seruicens, Heu me miserum, cum gemitu ait, quid dominos omittēs meliores, ad deteriore perueni, apud quem ut uideo, corium meum etiam post mortem cruciabitur?

Fabula significat, quod priores dominos tunc serui desiderant, cum deteriores experiuntur.

DE LEPORIBVS, ET RANIS.

76

Lepores in unum simul cōuenerunt: ubi cum de miseria ipsorum innata dolerent, gemerent'ue, quod uita eis, quam ceteris animalibus data esset miserior, quoniā homines, aquilæ, & canes, ad mortem eos usq; persequerentur, decernūt melius sibi fore semel mori, quam in uita tam misera diutius permanere. Hoc certo cōsilio, ut se in stagnum præcipitent, dum ocyus tendunt, ranæ quæ super stagni ripa astabant, ut strepitum audiunt, in stagnum desiliunt, seq; aquis submergunt: quam rem qui lepus præibat cum conspiciatur, reliquis ait, Statc, nam nobis sententia mutanda est. Quippe ut liquido uidetis, animalia, quam nos, magis timida reperiuntur. Fabula significat, quod cum miseris miseriorem aspicit, suam æquius miseriam fert.

DE ASINO, ET EQVO.

77

Asinus cum equū alimonia & otio diligēti cura abundare perspiceret, eum longe beatum esse commendabat, seq; nimium infelicem dicebat, qui cum multum laboraret, ad saturitatem de pascuis baud haberet. Cum tempus belli aduenit, miles armatus equum ascēdit, ac cum medios decurrit in hostes, equus mucrone percussus cadit humi prostratus. Quem asinus prospiciēs, ingemuit, eiusq; misertus, sui animi sententiam mutauit. Fabula significat, quod cum paupertate, quæ mater est quietis, quis conuenire debet potius, quam locupletioribus inuidere.

DE ASINO, ET LUPO.

79

Asinus quidam pede altero sentem calcavit, claudusq; factus, cum lupum ad se uenientē conspiceret, nec fugere posset; miserrabili uoce inquit, Heus lupe, de morior equidē ē dolore: sed ex quo opus est ut tibi & coruis futurus sim cibus, obsecro quatenus tua benignitate sentē ē pede uclis extrahere: ut munere tuo extremum sine dolore obeam diē. Dum sentem dentibus lupus euellit, asinus eum calce percussit. Lupus deinde naso, fronte, ac dentibus perfractis, Heu me miserū, exclamat, iure hoc patior. deplorando reiterat, Qui cum essem coquus, medicus esse uolui. Fabula significat, q̄ quā quisq; nouit, ea se exerceat arte.

DE MULIERE ET GALLINA.

79

Mulier quēdam gallinam habebat, quae aurea continua oua pariebat: putās igitur totam intus auream esse illā, occidit. Sed cum alijs gallinis esse similem reperit, ubi diuitem se fore putauit, quem primō quēstum habebat, eum plus habendi cupiditate amisit. Fabula significat, quod plus habendi cupiditate id saepe perdimus, quod habemus in manibus, lucrum.

DE RANA, ET VULPE.

80

Rana in palude existens, cæteris animalibus clamādo cum profiteretur se medicā esse, pharmacorumq; peritam, ei uulpes uenustissime ait, Quī alios curaueris, cum claudicantem curare te nescias? Fabula significat; quod alios docere quis non potest id, quod haud didicerit.

DE SERPENTE, ET AGRICOLA: 81

Serpens ante agricolae cuiusdā domum latebras habēs, cum ab agricolae filio esset percussus, tam acriter ipsum momordit, quod morsu ex illo puer repentē obiit. Hac recognita, magnus inter parentes gemitus oritur. Tum pater mœrore

mœrore cōcitus accepta securi, serpentē ut occideret, persequitur: uibransq; securim, ut serpentē percuteret, extremum caudæ eius cecidit: deinde uolens pacem cū serpente conficere, acceptis farina, aqua, sale & melle, ad reconciliandum inter se amicitia uocat serpentē. Et serps sub petra latens, sibilando ait, Frustra laboras bone uir: nā inter nos amicitia fore non potest: quippe dū me sine cauda asperxero, & tu tui filij sepulcrum, quieti animo esse nequibimus. Fabula significat, quòd dum iniuriarum recens uel maxime extat memoria, odia tolli minime queunt.

DE GALLINA ET VULPE.

82

Vulpes gallinarum tugurium ingressa, cum gallinam nido ægrotantem aspexit, eam rogauit quomodo ualeret. Cui gallina promptè respondit, Meliusculè me haberem, si hinc abires soror. Fabula significat, quòd inimicorum præsentia nimium est molesta.

DE VIATORE.

83

Viator quidam cum multam uiam uiasset, uotum Mercurio uouit, quòd si quid reperiret, eius rei medium sibi offerret. Fortè igitur adinuenit peram amygdalis dactylisq; refertam, & cum putaret id esse argentum, peram capiens amygdalarum nucleos & carnes dactylorū ipse comedit. Deinde templum Mercurij ingressus, atque aram manibus tenens, uerbis ridiculis inquit ad eum, Votū Mercuri nunc persoluo tibi. Nam quas equidē res adinueni, earum tibi offero medium, ossa scilicet dactylorum ac testas amygdalarum. Fabula significat, quòd homines auaritia Deorum efficit contemptores.

DE LEONE, ET HOMINE.

84

Leo & homo cum scinēl simul uiam uiarent, ac interuiadum se quisque uerbis commendaret, ecce lapide occur

Occurrunt columnæ, in quæ erat incisum, quòd homo suffocabat leonem: quam sculpturam homo leoni ostendens ait, Hic uidere licet, quanto homines leonibus, ac feris omnibus præstantiores sunt, ac robustiores. Et leo promptè respondens, inquit, Si apud leones essent ceu apud homines, qui sculperè scirent, plures à leonibus homines, quàm ab hominibus leones suffocari sculptos uideres.

Fabula significat, quòd homines iactabundi fingunt se fecisse, quæ facere nunquam tentarunt

DE VULPE QVADAM.

83

Vulpes cum racemos uuarum plenos iam, ac maturascentes prospiceret, cupida de illis māducare, omnem uiam machinata est, qua illos cōprehēdere posset. Sed cum omnē uiam frustra tentasset, nec desiderio suo satisfacere quiniisset, moestitiā uertens in gaudiū ait, Racemū illi adhuc nimīū sunt acerbi. Fabula significat, quòd prudentis est fingere se ea nolle, quæ consequi non posse cognoscit.

DE PVERO, ET SCORPIONE.

86

Puer quidam ruri uenabatur locustas, & cum scorpione capere uellet, scorpione simplicitate eius cognita, ait ei, Heus puer, dege in pace, ac manū abstine, si non uis tutus perire. Fabula significat quòd qui ad utrāq; partem cogitat, is quæ sequi & quæ uitare debeat, probè tenet.

DE VENATORE, ET PERDICE.

87

Venator quidam cum quam ceperat perdicem occidere uellet, pērdix gemens huiusmodi uerba fecit ad eum, Heus perdicū auceps, si me missam feceris, ac uitā donaueris, alias per plures cōducā tibi perdiccs, Ei auceps appositè respōdit, Nunc cō magis occidi dignā iudico, quòd amicos per insidias perdere polliceris. Fabula significat, quòd qui sibi charos perdere dolo quærit, is præceps in pe

in pericula incidit.

DE LEPORE, ET TESTUDINE. 38

Testudo, cum eius pedes lepus derideret, subridens inquit ad eum, Si periculum in cursu feceris, quod quam tu uelocior sim, liquido cognosces. Cui lepus ait, Te profecto fugit, quid mei ualeant pedes, sed iudicem eligamus, qui cursum & terminum nobis definiat. Igitur eligunt uulpem brutorum omnium sagacissimam, quae ut locum & cursum terminum constituit, testudo omni segnitie ac negligentia semota, iter arripiciens haud quieuit, donec ad terminum peruenit. Lepus uero pedibus fidens, ubi paululum quieuit, somno excitatus, quantum pedes ualuerunt, ad terminum cucurrit, ibique cum testudinem quiescentem reperit, se cum rubore fatetur à testudine superatum. Fabula significat quod studio & diligentia, non corporis uiribus, res uel maxime conficiuntur.

DE SALICE, ET SECURI. 39

Securis cum salicem caderet, ex ea ipsa cuneos fecit, quibus salicem facilius scinderet. Quam rem praesentiens salix, gemens eiulansque ait, Non tantum de securi queror, quae hominum manibus me scindit, quantum de cuneis, qui fiunt ex corpore meo. Fabula significat, quod in aduersis, non ueri amici infestiores amicis, quam inimici saepius redduntur.

DE PUERO QUODAM FURE, 90

Puer quidam è ludo literario librum socio clam aufert, suae matri tradit illum: quem mater cum libenter accepisset, nec filium castigasset, rursus puer alij uictum clam abstulit, atque matri quoque detulit: quam cum mater etiam libenter accepisset, puer castigatione carens, cum plura in diem ac maiora crescentibus annis furaretur, demum publice captus, ceu furti reus, per quaestores publici damnum

damnatus est mortis. Sed cum ad locum iustitiæ duceretur, cumq; mater gemebunda sequeretur, impetrata uenia ut matri ad aurem unum loqui uerbum liceret, ad eam conuersus, atq; os auri matris adherens, uti quippiam secretò dicturus, aurem dentibus sibi abscidit. Mater uerò præ dolore exclamans, mala sibi imprecatur. Tunc qui cum ducebant, cum supra modum criminarentur, nō solum furti, sed quòd tam impius fuerit in matrē, ille absq; rubore inquit ad eos, Nemini uestrum sit mirum, quòd aurem matris dentibus abscidi: ipsa enim huius meæ perditionis autor & causa est. Quippe si me castigasset, cum ei librum detuli, quem socio è scholis primum clam abstuli, omiſſis præ timore uerberū furtis, ad hoc in præsentia genus turpiſſimæ mortis nō peruenissem. Fabula significat, quòd qui in delinquendo ab initio non castigatur, facinorosior in diem efficitur.

DE PASTORE ET MARI. 91

Pastor quidam iuxta litus maris pecudes pascens, cum mare ipsum semel placidum aspiceret, nauigandi studio captus, oues pro dactylis commutauit: quibus naui positis, cum altum iam nauigaret, & tempestate sine spe salutis fluctuaret, quæ in naui sunt, ea omnia proiecit, atque in portum se recipit. Denuo cum oues pasceret, ac rursus mare tamen tranquillum uideret, suo consocio ipsam maris tranquillitatem commendanti ridiculè ait, Mare iterum dactylos cupit. Fabula significat, quòd usus & peritia nos reddunt in periculis cautioreſ.

DE PVNICA, ET

malo arboribus.

92

Punica & malus arbores, de pulchritudine contendebant. cum diu inter se uarijs, & acerbis cōtentionibus certassent, rubus ex proxima sepe huiusmodi contentiones

l accip

accipiens, accessit ad eas, atq; inquit, Satis iam, satis certatim inter uos est: quiescite admodum ex contentione finem imponite. Fabula significat, quod minores maiorum lites se penumero componunt.

DE TALPA ET MATRE. 93

TAlpa cæcum natura animal est. Hæc aliquando matri ait, Ingentem sentio odorem. Parum post rursum ait, Excelsam aspicio fornacem. Tertio item ait, Mallorum sonitus audio fabriles. Ei mater comiter ait, Haus filia, tu, uti percipio, non solum oculis sed naso ex auribus orba exilis. Fabula significat, quod homines iactabundi cum magna profitentur, tunc uel maxime in minimis redarguantur.

DE VESPIS, PERDICES, & Agricola. 94

Vespæ semel, & perdices siti concitæ, cum simul conuenissent, ad rusticum quendam tendunt, potum ab eo petentes, atq; pollicentes, quod sibi pro aqua largas referrent gratias. Quippe perdices uineam se ei fodere promittunt, quod plenos uites producant racemos. Vespæ uero, se uineam circumcundo custodire, ac fures inde amouere large offerunt. Quibus agricola inquit, Duos habeo boves, qui cum nihil promittant, eandem hanc operam nihil minus præstant. Itaque satius est mihi illis, quam uobis aquam exhiberi. Fabula significat, non esse illis subueniendum, qui nauci & inutiles sunt.

DE IOVE. 95

Cum Iupiter nuptias celebraret, cuncta animalia sibi munera obtulerunt, quæq; pro uiribus suis. Verum enim serpens rosam legit, illamq; ore tenens Ioui obtulit. At Iupiter ut cum aspexit, palam inquit, Ab omnibus dona libenter equidem accipio, uerum à serpente id haudquaquam facio.

Fabula

Fabula significat, quod improborum munerera non esse sine doli, cuius prudens sibi persuadere debet.

DE SIMIA.

96

Simiam duos catulos parere fertur, quorum ad unum dūtaxat afficitur, & ex affectu illū diligentissime nutrit. Alterum uero odit negligitq; Contigit autem quod qui in delicijs habebatur, a simia in somnis fuit suffocatus. Quamobrem qui neglectus erat, ad perfectam usque ætatem cœu matris delicijs fuit educatus. Fabula significat, quod hominum prudentiam fortuna proculdubio superat.

DE PVLICE.

97

Pvlx cum quendam morsu aliquando stimulasset, ca-
piusq; rogaretur, quisnam esset qui membra sibi dēpa-
secret, ait se ex cō animalium genere esse, quibus a natura
datum esset, ut cō pacto uitam uiuant, nec eum occidere ue-
lit, cum multum mali facere ipse sibi nequeat. At homo ille
subridens, inquit ad eum: Eo magis meis necaberis mani-
bus, quoniam nec multum, nec parū abs re quempiam læ-
dere licet. Fabula significat, quod malorum, licet parum,
uel multum delinquant, miseriari haud oportet.

DE PVLICE ET HOMINE.

98

Pvlx suo solito more saltans, super hominis pede re-
sedet, illumq; morsu acriter pupugit. Quā punctione
homo ille grauius concitus, pulicem cepit, ac ungibus ob-
tundere uoluit. Sed pvlx manibus exiliens mortem uitauit.
Tum homo exclamans ait, O Hercules, maledictum extin-
ctor, ecquid mihi in hunc opprimendū præsens non fuisti?

Fabula significat, quod non in minimis, sed in magnis
arduisq; rebus, a Dijs auxilium quis implorare debet.

DE FORMICIS ET CIADAE.

99

Hymis erat medium, cum formice sparsim triticum

l 2 apri

apricabant. Quod cicada aspiciens, cum inedia conficere-
tur, accessit ad eas, ac triticum pro alimonia, ut sibi cōcede-
rent, orauit. Et cum formicæ eam rogarent quidnam æsta-
te fecerit, num segnis, & otiosa eo tempore steterit, illis ci-
cada ait, Neq; segnis, aut otiosa steti, sed cantu cecini, quo la-
borcm uie uiatibus leuabam. Qua re audita, formicæ sub-
ridentes inquirunt, Si æstate cecinisti, ut uiantes delectar es,
nunc salta, ne frigore conficiaris.

Fabula significat, quod qui quæ facienda sunt, suo tempo-
re non fecit, is in angustias quando non putat, incidit.

DE VIRO ET VXORIBVS.

100

TEmpus erat ueris, quo quidam in delicijs educatus
cū nec iuuenis, nec senex esset (semicanus enim erat
capillos) duas simul duxit uxores, unam quidem natu grān-
dem, alteram uerò iuniorem. Cum omnes eandē in habita-
rent domum, uxor anus ut uirum in amorem suum totum
pelliceret, quotidie uiro caput pertractans, nigros sibi eucl-
lebat capillos, iunior uerò canos. Postremo ita illum depi-
larunt, quod caluum, atq; ridiculum, non sine summo op-
probrio, uirum reddiderunt. Fabula significat, quod riu-
FABVLA EX LAMIA PO-

LITIANI DESVMPTA.

AVes olim prope uniuerse, noctuam adierunt: roga-
runtq; eam, ne posthac in ædium cauis nidificaret,
sed in arborum potius ramis, atq; inter frondes: ibi enim
uernari suauius. Quæ tamen quercum modo enatam pusil-
lam, tenellamq; adhuc ostendebant, in qua scilicet molli-
ter (ut aiebant) & sidere ipsa aliquando noctua, & suum
sibi construere nidum posset. At illa facturam se negauit.
Quin inuicem consilium dedit his, ne arbusculæ illi se cre-
derent: laturam enim quandoq; esse uiscum, pestem uideli-
cet auium. Contempsere illæ (ut sunt leue genus, & uola-
ticum

ticum) sapientis unius noctuæ consilium. Iam quercus adoluerat, iam patula, iam frondosa erat. Ecce ibi aues illæ omnes gregatim ramis inuolitant, lasciuiunt, subsultant, colludunt, cantillant. Interca quercus ea uiscum protulerat, atque id homines animaduenterant. implicite ergo repente ibi omnes pariter miscellæ, ac frustra eas sera poenitentia subiit, quod salubre illud consilium spreuissent. Atque hoc esse aiunt, cur nunc aues omnes, ubi ubi noctuam uiderint, frequentes eam quasi salutant, deducunt, sectantur, circumsidunt, circumuolitant. Etenim consilij illius memores, admirantur eam nunc ut sapientem, stipantq; densa caterua, ut uidelicet ab ea sapere aliquando discant. Sed opinor frustra, imò uerò etiam interdum cum magno ipsarum malo. Nam ueteres illæ noctuæ reuera sapientes erant: nunc multæ noctuæ sunt, quæ noctuarum quidem plumas habent, & oculos, & rostrum, sapientiam uerò non habent. **Morale.**

Bene monentis consilia ne spernas, hæc fabula docet.

APOLOGVS EX SECVNDO

libro Petri Criniti de honesta disciplina desumptus.

Sata est olim cucurbita iuxta arborem pinum, quæ grædis admodum & ramis patulis extabat: cucurbita uerò cum multis pluuijs, atque cœli temperamento creuisset, lasciuiare incipit, & ramulos audacius porrigere. Iam serpebat in pinum, iam surgere, iam ramos, & frondes inuoluere audebat, ampliora folia, candenteis flores, prægrandia poma, & uirescentia ostentans. Itaq; tanto fastu, atq; insolentia intumuit, ut pinum arborem ausa sit aggredi. Et uides, inquit, ut te supero, ut amplis folijs, ut uirore præsto, & iam iam ad cacumen profurgo? Tum pi-

1 5 nus

nus, quæ senili prudentia, & robore pollebat, nihil mirata est cucurbitæ insolentis audaciam, sed ita ad eam respondit, Ego hic multas hyemes, calores, æstus, uariasq; calamitates peruici, & adhuc integra consisto. Tu ad primos rigores minus audaciæ habebis, cum & folia concidēt, & uiror omnis abrit. *Morale.*

Secundis rebus non esse superbiendum.

FABELLA DE CORVO ET

Lupis, ex Ioan. Antonio Campano desumpta.

COruus lupos per ardua montium iuga comitatur, partē sibi prædæ fieri postulat, qui eos secutus nullo tempore destituisset, sociusq; fuisset. Repulsus deinde à lupis, tanquam non eos, sed prædam, cibumq; secutus, nec minus luporum si occideretur, quàm cæterorum animalium cæta fuisset uoraturus. *Morale.*

Non quid agamus semper inspiciendum est, sed quo sumus animo, cum agimus.

ALTERA DE PARTV

terræ. Ex eodem.

TVrgida olim facta tellus, & mirum in modum tumida, magnum aliquod paritura uidebatur. Accurrunt finitimi, stupent agricolæ, terræ partum inter spem, metumq; expectant, alij Typhoëa illum centimanum, alij montes erupturos putabant. Aperitur terra, prodijt mus, & quod miraculo fore omnibus arbitrabantur, in risum, atque iocum conuerterunt. *Morale.*

Non semper credendum promissis magnificis.

APOLOGVS DE MEM-

bris & uentre, ex Plinio.

HUMANI artus cum uentrem otiosum uiderent, ab eo discordarunt, & suum illi ministerium negauerunt.

Cum

Cum eo pacto, & ipsi quoq; deficerent, intellexerunt item
trem cibos acceptos per omnia membra diuidere, & cum
eo in gratiam redierunt. *Morale.*

Magnæ res discordia percunt, concordia ualent.

EX SECVNDO NOCTIVM

Atticarum Gellij, Apologus Aesopi Phrygis
memoratu non inutilis.

AEsopus ille è Phrygia fabulator, haud immerito sa-
piens existimatus est, cum quæ utilia monitu, suasuq;
erant, non scuerè, non imperiose præcepit, & censuit, ut
philosophis mos: sed festiuos, delectabilesq; apologos
commentus, res salubriter, ac prospicienter animaduersas,
in mentes, animosq; hominum, cum audiendi quadam il-
lecebra induxit. uelut hæc eius fabula de auiculæ nidulo,
lepidè atq; iucundè præmonet, spem, fiduciamq; rerû, quas
efficere quis possit, haud unquam in alio, sed in semetipso
habendam. Auicula, inquit, est parua: nomen est cassita, ha-
bitat, nidulaturq; in segetibus, id fermè temporis, ut appe-
tat messis, pullis iam iam plumantibus. Ea cassita, in semètes
fortè concesserat tempestiuiores: propterea frumentis fla-
uescentibus, pulli etiam tunc inuolucres erant. Cum igi-
tur ipsa iret cibum pullis quæsitû, monet cos, ut si quid ibi
nouæ rei fieret, diceretur uel, animaduertèrèt, idq; uti sibi,
ut rediisset, nuntiaret. Dominus postea segetû illarum, filiû
adolecentè uocat, & Vides ne, inquit, hæc ematuruisse, &
manus iam postulare? Idcirco die crastino, ubi primû dilu-
cûlabit, fac amicos adeas, & roges ueniât, operamq; mu-
tuâ dent, & messem hanc nobis adiunget. Hæc illè ubi dixit,
discessit. atq; ubi redit cassita, pulli trepiduli circûstrepere,
orareq; matrè, ut statim iam properet, atq; aliû in locû sese
asportet, nã dominus, inquiunt, misit qui amicos rogaret, uti
luce

luce oriēte ueniāt, & metant. Mater iubet eos à metu ocio-
 sos esse. Si enim dominus, inquit, messēm ad amicos reiecit,
 crastino seges non metetur, neq; necesse est hodie uti uos
 auferam. Die igitur postero mater in pabulum uolat, domi-
 nus quos rogauerat opperitur. Sol feruit, & fit nihil, &
 amici nulli crāt. Tum ille rursus ad filium, Amici isti, in-
 quit, magnam in partem cessatores sunt: quin potius inuis,
 & cognatos, affines, uicinosq; nostros oramus, ut adsint
 cras tempori ad metendum: Itidem hoc pulli pauefacti ma-
 tri nuntiant. Mater hortatur, ut tum quoque sine metu, ac-
 sine cura sint: cognatos, affinesq; nullos sermē tam esse ob-
 sequibiles ait, ut ad laborem capeſſendum nihil cunctētur,
 & statim dicto obediant. Vos modò, inquit, aduertite, si
 modò quid denuo dicetur. Alia luce orta auis in pastū pro-
 fecta est: cognati, & affines operam, quā dare rogati sunt,
 superſedent. Ad poſtrimum igitur dominus filio: Valeant,
 inquit, amici cū propinquis. Afferes prima luce falces duas
 unam egomet mihi, & tu tibi capies alterā, & frumētum
 nosmetipsi nostris manibus cras metemus. Id ubi ex pullis
 dixiſſe dominum mater audiuit: Tempus, inquit, est ceden-
 di, & abeundi: fiet nunc dubio procul, quod futurum dixit.
 In ipſo enim uertitur cuius est res, non in alio unde petitur.
 Atq; ita caſſita nidum migravit, & seges à domino demef-
 ſa est. Hæc quidem est Aesopi fabula, de amicorum, &
 propinquorum leui & inani fiducia. Sed quid aliud sanctio
 res libri philosophorū monēt, quā ut in nobis tantū ipsis
 nitamur? Alia autē omnia, quæ extra nos, extraq; nostrū
 animū sunt, neq; pro nostris neq; pro nobis ducamus. Hūc
 Aesopi Apologum Qu. Ennius in satyris scitē admodum
 & uenustē uersibus quadratis composuit, quorum duo po-
 ſtremi isti sunt, quos haberi cordi, & memoriæ operæpre-
 tium

tium esse hercle puto.

Hoc erit tibi argumentum semper in promptu situm,
Ne quid expectes amicos, quod tu agere possis.

DE ARIONE, ET DEL-

phino, ex libr. xvi.

Gellij.

Vetus & nobilis Arion cantator fidibus fuit. Is loco
& oppido Methymneus, terra atque insula omni
Lesbius fuit. Eum Arionem rex Corinthi Periander ami-
cam, amatumq; habuit, artis gratia. Is inde à rege profi-
ciscitur terras inclitas, Siciliam, atque Italiam uisere. Vbi
eo uenit, auresq; omnium, mentesq; in utriusque terræ ur-
bibus demulsit: in quæstibus istis, & uoluptatibus, amo-
ribusq; hominum fuit. Is tum postea grandi pecunia & re
bona multa copiosus, Corinthum instituit redire. Nauem
igitur & nautas, ut notiores, amicioresq; sibi Corinthios
delegit. Sed eo Corinthios homine accepto, nauiq; in altũ
proiecta prædæ, pecuniæq; cupidos cepisse consiliũ de ne-
cândo Arione. Tum illum ibi perniciæ intellecta, pecuniam
cæteraq; sua ut haberent dedisse, uitam modò sibi ut parce-
rent, orauisse. Nautas precũ eius harum cõmisertũ esse illa
tenus, ut ei necem adferre per uim suis manibus tempera-
rent. Sed imperauisse, ut iam statim coràm desiliret præ-
ceps in mare. Homo, inquit, ibi territus spe omni uitæ per-
dita, id unum postea orauit, ut priusquã mortẽ oppeteret,
inducere permitterent sua sibi indumẽta, & fides capere,
& canere carmen casus illius sui consolabile. Feros & im-
manes nautas prolubium tamẽ audiendi subit. Quod ora-
uerat impetrat. Atq; ibi mox de more cinctus, anuñtus, or-
natus stansq; in summæ puppis foro, carmẽ, quod Orthũ
dicitur, uoce subatissima cantauit. Ad postrema catus, eum
fidibus

fidibus ornatuq; omni, sicut stabat, canebatq; eiecit sese procul in profundum. Nautæ haudquaquam dubitantes, quin perisset, cursum, quæ facere cœperant, tenuerunt. Sed nouum & mirū, & pium facinus contigit. Delphinū repente inter undas adnauisse, & dorso super fluctus edito uetulauisse, incolumiq; cum corpore & ornatu, Tænarum in terram Laconicam deuexisse. Tum Arionē prorsus ex eo loco Corinthum petiuisse, talcmq; Periandro regi, qualis Delphino uectus fuerat, sese obtulisse, ei que rem, sicut acciderat, narrauisse. Regem isthæc parum credidisse, Arionem quasi falleret, custodiri iussisse. Nauitas requisitos ab legato Arione dissimulanter interrogasse, ecquid audissent in ijs locis unde uenissent, super Arionem: eos dixisse, hominem cum inde irent, in terra Italia fuisse, cumq; illic bene agitare, & studijs delectationibusq; urbium florere, atque in gratia pecuniâ que magna fortunatum esse. Tum inter hæc eorum uerba, Arionem cum fidibus & indumentis, cum quibus se in salum eiaculauerat exiitisse. Nautas stupefactos, conuictosq; ire inficias non quisse.

Morale. Documento est hæc fabula, plus aliquando inueniri in brutis animalibus clemencie, quam in his hominibus, qui præter opes nihil habent pensi, præter figuram nihil humanitatis.

NICOLAI GERBELI

Phorcensis. Apologus
lepidissimus.

DE ARANEA ET PODAGRA.

Aranca paululum à texendo opere quictior, animi
Arclaxandigratia commodum deambulabat. Huic se
obuiam præbuit Podagra, tametsi passibus ambiguis admodum ægrè illam assequeretur. Eius diēi itinere, utcumq;
emensa,

emenso, non longe aberant ab oppidulo, cui regionis eius
 incolæ Tyche nomen indiderant. Vtrique consilium fuit,
 conditionis suæ hospitem præestigare. Aranea non ma-
 ximopere data opera in opulenti cuiusdā ciuis ædes diuer-
 titi, nibi quaquaversum telas suas præpandebat prætende-
 batque retia. uderant illico nescio qui trygodæmones, qui
 tetrinæ illius demoliebantur. Momētaneū itaq; erat ipsius
 quò etiamnū cunque se uerteret ædificium. Nusquā etenim
 scopariorum oculatas scopas poterat effugere. Misera pla-
 ne quæ in tanta rerum omnium affluentia, sola egebat pro-
 turbabaturq;. Podagra uerò mendicabuli instar uix tan-
 dem egestosi cuiuspiam tuguriolū impetrarat. In id loci
 cum decubisset, nihil non experiebatur miseriarum. Ap-
 ponebatur cœnaturienti panis cibarius, aridis uix fauci-
 bus hianti hydropoteriū. Tam quæ diurno itinere lassescen-
 tius lignicius, nullis frondibus, nullo gramine, sed
 prætenubus paleis insternebatur. Atqui dicere non est
 huius instituti, quam conuenerint male membris mollibus,
 cuculæ (ut ita dixerim) holosericæ, stragula tā dura,
 tam barbari uilli. Oriente igitur uix tandem illo augusto
 sydere, quod exaudit, quod intuetur omnia, conuenere rur-
 sum Aranea simul & Podagra. Prior Aranea præte-
 ritæ noctis molestias, tot locorum commutationes denar-
 rat, nunc hero exprobrans munditiem, nunc nimiam scopa-
 riorum obseruantiam. Podagra contra de hospitis sui ege-
 state compluria comminiscitur. Nec otium habet admi-
 nistrare Araneæ liuidas uibices, quas adamantina fulcra
 tenellæ cuticulæ impresserant. Consilium incunt, Ara-
 neam deinceps pauperum tuguria, Podagram uerò diui-
 tum aulas debere subingredi: in hanc Aranea pedibus, Po-
 dagra animis uadit sententiam. Veruntamen tenebris iam
 iam in

iam incrementibus, urbi cuius se approximat: Podargi instituti non inmemor pedetentim se in numosi cuiusdam domum illatebrauit. Qua commodum ab hero conspecta Dij boni, qua benivolentia, qua humanitate, quibus nominibus excipitur! Supponuntur, substruunturque olorinae culitrae, toralia perdicum subalaribus plumis referta. Tacco uinum dulce, uinum nigrum, Lesbium, Syrentinum. Taceo ficedulas, phasianos, atque eas auiculas quae binis superbiunt cordibus. In summa nihil deliciarum, nihil uoluptatum non exhauriebat. Aranea pauperis casam ingressa, telas orditur quaquauersum parietes interpatent, retia suspendit. Orbiculari operi manibus, pedibusque incumbit. Reficit abrupta, perficit intercepta: Et, ut dicam breuiter, uacua dominatur in aula. Nullas insidias, nullius formidat insultus. Imò uerò etiam iam scopis superior omnibus. Non multo post Podarga Araneam conuenit, delicias suas, felicitatem, fortunas ampliter exornat. Aranea miris laudibus extollit imperium suum, aedificandi texendique libertatem. Placuit tandem haec utriusque sententia, quorsumcunque proficiscerentur, Podagram in diuitum domos, Araneam in pauperum tuguria debere diuertere.

Morale. Apologus hic tametsi ad usus uarios accommodari queat, id tamen in primis declarat, alium alio loco fortunatiorem esse. Praeterea morborum domicilium esse diuitum aulas. Ad ultimum, nusquam libertatem maiorem, quam ubi diuitiarum minus.

F I N I S.

taneum uenenum lateat in uasculo. Maritus mori cupiens
 ficus comedit uiniuersas, ratus eam optimam moriendi, &
 uxoris iram euadendi uiam esse. Rediēs mulier, quum pul-
 los omnes à miluo ereptos esse cognosceret, sumpto ingen-
 ti baculo, maritum malum pullorum custodem uerberare
 decreuerat. Qui incipiens maritus, Noli, inquit, uxor, me
 iam moriturū uerberare. Omne enim uasculi uenenum
 comedi, ut errati poenas luam. Tunc mulier ira in risum
 uersa marito ignouit, qui pro pullis male seruatis alio pa-
 tro ei satisfecit.

Fabula indicat, aduersus insipientes nullum idoneum
 esse remedium.

scribitur F. I. N. I. S.

INDEX FABV-

LARVM AESOPI, ET

ABSTEMII.

A Bies & dumus	121	Agricolę & canes	52.106.139
Accipitres inter se ini-		Agricola & filii eius	45.104.
mici quos pacat colubę	214		140
Accipiter columbam inse-		Agricola militiam & merca-	
quens	182	turam affectans	198
Adolescentes duo	141	Agricola iectus ab ape	241
Adolescens & catus	103	Agricola & poeta	205
Adolescens in funere matris		Agricola & pelargus	144
canens	200	Agricola & fortuna	66
Adolescens & hirundo	164	Alcedo	67
Adolescens ex nimio coitu		Ales & pulli eius	122
infirmus	211	Amnis fontem suum conui-	
•Aegrotus & medicus	48.112.154	ciis laceffens	199
Aethiops	64	Anser	125
Agnus & lupus	103.144	Anseres & grues	60.114
		Anguilla	

iam incrementibus, urbi cuiusque sese approximant: Podargra instituti non immemor pedetentim se in numosi cuiusdam domum illatebrauit. Qua commodum ab hero conspecta Dij boni, qua benivolentia, qua humanitate, quibus nominibus excipitur! Supponuntur, substruunturque odorina culitrae, toralia perdicum subalaribus plumis referta. Taceo uinum dulce, uinum nigrum, Lesbium, Surrentinum. Taceo ficedulas, phasianos, atque eas auiculas quae binis superbiunt cordibus. In summa nihil deliciarum, nihil uoluptatum non exhauriebat. Aranea pauperis casam ingressa, telas orditur, quaqua uersum parietes interpatent, retia suspendit. Orbiculari operi manibus, pedibusque incumbit. Reficit abrupta, perficit intercepta: Et, ut dicam breuiter, uacua dominatur in aula. Nullas insidias, nullius formidat insulius. Imò uerò etiam iam scopis superior omnibus. Non multo post Podargra Araneam conuenit, delicias suas, felicitatem, fortunas ampliter exornat. Aranea miris laudibus extollit imperium suum, ædificandi texendique libertatem. Placuit tandem hæc utriusque sententia, quorsumcunque proficiscerentur, Podagram in diuitum domos, Araneam in pauperum tuguria debere diuertere.

Morale. Apologus hic tametsi ad usus uarios accommodari queat, id tamen in primis declarat, alium alio loco fortunatiorem esse. Præterea morborum domicilium esse diuitum aulas. Ad ultimum, nusquam libertatem maiorem, quam ubi diuitiarum minus.

F I N I S.

F A B V L A E.

taneum uenenum lateat in uasculo. Maritus mori cupiens
 ficus comedit uiniuersas, ratus eam optimam moriendi, &
 uxoris iram euadendi uiam esse. Rediēs mulier, quum pul-
 los omnes a miluo ereptos esse cognosceret, sumpto ingen-
 ti baculo, maritum malum pullorum custodem uerberare
 decreuerat. Cui incipiens maritus, Noli, inquit, uxor, me
 iamiam moriturū uerberare. Omne enim uasculi uenenum
 comedi, ut errati poenas luam. Tunc mulier ira in risum
 uersa marito ignouit, qui pro pullis male seruatis alio pa-
 tro ei satisfacit.

Fabula indicat, aduersus insipientes nullum idoneum
 esse remedium.

F I N I S.

I N D E X F A B V -

L A R V M A E S O P I, E T

A B S T E M I I.

A Bies & dumus	121	Agricolę & canes	52.106.139
Accipitres inter se ini-		Agricola & filii eius	45.104.
mici quos pacāt colūbæ	214		140
Accipiter columbam infe-		Agricola militiam & merca-	
quens	182	turam affectans	198
Adolescentes duo	141	Agricola ictus ab ape	241
Adolescens & catus	103	Agricola & poeta	205
Adolescens in fūtere matris		Agricola & pelargus	144
cauens	200	Agricola & fortuna	66
Adolescens & hirundo	164	Alcedo	67
Adolescens ex nimio coitu		Ales & pulli eius	122
infirmus	211	Amnis fontem suum conui-	
•Aegrot⁹ & medic⁹	48.112.154	ciis laceffens	199
Aethiops	64	Anser	125
Agnus & lupus	103.144	Anseres & grues	60.114
		Anguilla	

Anguilla cōqueritur, q̄ ma-	Afinus finem laborum non
gis q̄ serpens infestetur 186	inueniens 202
Anus & ancillæ 113	Afinus ægrotans, quem lupi
Anus dæmonē accusans 190	uifitant 202
Aper & rusticus 124	Afinus tubicen & lepus ta-
Aper & asinus 84.227	bellarius 213
Apes & Iupiter 153	Afinus leonis pelle indur⁹ 76
Apiarius 67	Afinus & coruus 76
Aquila 79	Afini cum uulpe societas 76
Aquila & coruus 109.129	Afinus & uitululus 183
Aquila & scabro 129	Afinus & ranæ 76
Aquila præferens se cæteris	Afini & Iupiter 76
auibus 220	Auarus poma marcescentia
Aquila & uulpes 128	comedens 246
Aquila & pica 189	Auarus nimis custodiens a-
Aquila & homo 135	gros 246
Aquila & cornicula 85	Auarus 59
Aquila filios cuniculi ca-	Auarus & inuidus 122
piens 208	Auceps 53.105.147
Aranea & podagra 174	Auceps & mefula 54
Aranea & hirundo 182	Auceps & frigilla 192
Arbores pulchræ & defor-	Aues & noctua 168
mes 184	Aues plures reges eligere uo-
Aries cum tauro pugnas 207	lentes 200
Arion & delphin 173	Aues & quadrupedes 96
Arundo & auicula 238	Aues scarabeum timētes 192
Afinus moriendo uinum ef-	Auriga & rota, currus firi-
fundens 238	dens 209
Afinus porco inuidens 225	B
Afinus & lupus 48.157	Bos & iuuenens 126
Afinus & equus 51.104.156	Bos cornua à deo petēs 244
Afinus & Iupiter 155	Boues & bubulcus 253
Afinus 112.117.166	Bubo & aquila 223
Afinus & uiatores 166	Butalis & uespertilio 65
Afinus & leo 61	Bubulcus 79
Afinus syluestris 75	Buccinator uel tubicen 105
Afinus, timia, & talpa 186	C
Afinus ingrato hero seruiens	Calamus & oliua 142
203	Caluus quidam 119
Afinus & scurra 199	Camelus 77.118
	Cancer

Cancer & nulpes	70	Ceruus & boues	99
de Canceris matre & filio	117	Ceruus & ouis	92
Canis & lano	47.102	Cerua	60
Canis ad coenā uocatus	134	Cerua & uitis	61
Canis & lupus	148	Cerua & leo	60
Canis & umbra	83.149	Cicada & formica	115.126
Canis & herus	191	Citharædus	71
Canis & asinus	87	Cochleæ	69
Canis nenaticus	91	Claudus primum accubitus	
Canis & gallus	57	occupans	242
Canis & ouis	102	Cochlea petit ab Ioue, ut	
Canis inuidus & bos	109	suam domum ferre possit	
Canis & leo	127	204	
Canis mordax	118	Columba & miluus	90
Canis pluuiam timens, aqua		Columba & pica	182
feruenti excoctus	224	Columba	78
Canis filium domini occi-		Columba & cornix	78
dens	240	Coriarius emens pellem urfi	
Canis & asinus aduersus lu-		à uenatore, nondum ca-	
pum	221.237	pti	196
Canes urbani uillaticum in-		Cornix & coruus	71
sequentes	190	Cornix & canis	72
Canis oues domini sui occi-		Cornix & ouis	199
dēs, ab ipso suspēditur	296	Cornix & urna	121
Canes duo	69	Coruus ægrotans	148
Capones pingues, et quidam		Coruus & uulpecula	86.148
macer capo	184	Coruus & lupi	170
Capra & canis	241	Coruus & serpens	72
Carbonarius & fulla	50	Cucurbita & pinus	169
104.136		Cuculus & accipiter	183
Carduelis & puer	194	Culex & leo	80
Cassita & pulli	171	Culex sibi cibū & hospitium	
Cassita	59	ab ape petens	213
Castor	53.147	Cycnus	64
Catus & gallus	131	Cycnus in morte canes com-	
Cata & Venus	45.138	prehensus à ciconia	185
Cera duritiem appetens	198	Cynicus philosophus	243
Ceruus & leo	144		
Ceruus & lupus	92		
Ceruus	97		

D

Dæmō uxorem recusans	252
Dæmon morte diuitum læ-	
tus	

I N D E X

rus, pauperum uerò mee-	250	Fures & gallus	71
stus	250	G	
Delector militum	236	Gallus pellem uulpinam fu-	
Diues à fortuna petens, ne		giens	217
plus diuitiari sibi det	217	Gallinæ pullus matri nō ob-	
Diuites quidam & seruus	189	sequens	232
Diuitis filia & mater	78	Galli inter se pugnantes	240
Duo adolecentes	46	Galli & perdix	49
Duo amici et ursus	46. 118. 141	Gallus & catinus	108
Duo galli inter se certan-		Gallina & uulpes	158
tes	152	Gallus gallinaceus	82
Duo inimici	142	Gallina & hirundo	77
B		Gallina auripara	80
Episcopus sacerdoti igno-		Glires quercum eruere uolenti-	
scens nummos armatos af-		tes	191
ferenti	219	Graculus	94
Eques caluus	119	Grammaticus docens	230
Eques & leo	95	num	
Equi duo	193	H	
Equus incultus, sed uelox,		Hydrus & rana	241
quem ceteri irrident	210	Hinnulus	59
Equus & asinus	96	Hirundo & aliæ auiculæ	89
Equus & seruus	101	Hirundo & cornix	64
Eremita & miles	196	Hædus & lupus	70. 92. 113
Erinacius niperam hospitem		Homo gloriosus	50
eijciens	105	Homo à cane morsus	140
F		Homo & Apollo	50
Faber & canis	145	Homo & Satyrus	52
Felis & murem & caseum		Homo & ligneus Deus	134
comedens	223	I	
Ficedula & turdus	229	Impossibilia promittens	56
Filius hortulani urtica pun-		Insanus sapientiam uendens	
ctus	226	248	
Filius & pater	55	Iupiter & pudor	73
Filius & mater	55	Iupiter & coruus	145
Formica columba	153	Iupiter & testudo	73
Formica & cicada	115. 126.	Iupiter & simia	114. 120
163		Iupiter cōuiuū celebrat	162
Formica	74. 111	Iuuenis senis curuitatem ir-	
Fur & canis	90	ridens	188

Legat

I N D E X

M

12 la

I N D E X

la	248	Musca quæ quadrigis insi-	
Milvus ægrotus	88	dens, puluerem se excitasse.	
Monedula & columbæ	72	dicebat	186
Monedula	72	Mustela & mures	110
Montium partus	91.170	N	
Morio crucifixum pro turi-		Nautæ sanctorum auxilium	
bulo ferens	231	implorantes	186
Morsus à cane	52	Noctua & aues	168
Mula quædam	146	Nutrix & lupus	116
Mulier & gallina	46.140.157	Nuci, asino, & mulieri pro-	
Mulier	63	sunt uerbera	202
Mulier & medicus	139	O	
Mulier uenefica	65	Ollæ duæ	119
Mulier & ancillæ	65	Olea & cucurbita	222
Mulier uirum morientē flēs,		Olitor & talpa	234
quā pater consolatur	185	Olitor & canis	61
Mulier ignem in mariti do-		Opilio & agricolæ	108
mum ferens	214	Opilio qui lupum inter ca-	
Mulier amatoris discessum		nes aluerat	226
flēs	185	Ouis pastori cōuiciatur	209
Mulier quæ pro uiro se mori		Ouis à cane capta uocifera-	
uellē dicebat	200	tur, à lupo uerò capta mi-	
Mulier ob turdos uerbera-		nime	245
ta	225	Oues immoderatē segetem	
Mulier uerberata se mortuā		pascentes	248
simulat	247	P	
Mulus & equus	195	Pardus & uulpecula	127
Mures felis collo tintinabulū		Pastor & mare	48.161
suspendere uolentes	252	Pastor & lupus	62
Mures & catus	143	Pastor & oues	79
Mures & ranæ	82	Pastor gregem aduersus lu-	
Mus qui cum felse amicitiam		pum hortans	227
contrahere uolebat	203	Pater filium ad uirtutem fru-	
Mus liberans miluū	204	stra hortatur	206
Mus urbanus & mus rusti-		Paterfamilias & canis	236
cus	85	Pauo pennis à milite spolia-	
Mus in cista natus	181	tus	245
Musca	154	Pauo & monedula	58.109
Musca & formica	94	Pauo	
Muscæ	68		

I N D E X

Pauo & pica	111	Quadrupedes societate ad-
Pauo & grus	120	uersus aues cum piscibus
Pauper deflens domus rui-		ineuntes 187
nam, in qua thesaurum in-		R
uenit	221	Rana & uulpes 117.157
Pecunia potius ad malos qua		Ranæ, & earum rex 89.138
ad bonos accedens	222	Rana & bos 95
Pica & cuculus	238	Ranæ duæ 57
Philomena & accipiter	130	Ranæ alie duæ 66
Piscator & cynaris	54	Rex & simiæ 165
Piscator & pisciculus	115	Rusticus & mus 189
Piscatores quidam	137.166	Rusticus & Hercules 125
Piscator quidam	136	Rusticus per uocē hœdi ad
Piscator quidam alius	67	iuriscōsultū admissus 211
Pisces ē sartagine in prunas		Rusticus & fortuna 119
defilientes	187	Rusticus & coluber 84
Porcus post mortē domino		Rusticus & anguis 93
gratias referens	239	Rusticus & iuuenius 124
Porcus lætus inimici morte		Rusticus impetrat ut triticū
251		absque aristis nascatur 181
Porcellus & patris testamē-		Rustic⁹ annē trāsiturus 182
tum	248	S
Porcus & equus	195	Sacerdos qui quinq; monia-
Prætor repetundarum dam-		les prægnantes fecit 219
natus	214	Sacerdos qui puero turdos
Psittacus admiratur cur ma-		dederat assandos 228
ior honor sibi exhibeatur		Sacerdos & pyra 195
alibi, quàm in patria	220	Sālix & securis 160
Psittacus honoratus	243	Satyrus & uiator 124.168
Puer discere nolens	245	Scarabeus & aquila 167
Puer oues pascens	147	Scūrra & episcopus 194
Puer & scorpio	159	Senex mortem uocans 139
Puer & fur	124	Senex mortem differre uo-
Puer & fortuna	142	lens 215
Puer quidam fur	160	Senex puellam in uxorem
Pulēx	163	accipiens 188
Pulēx & homo	163	Senex iuuenem poma sibi
Punica & malus arbores	161	surripientem saxis deiciēs
Q		212
Quercus & arundo	114.120	

I N D E X

Senex à filio domo cictus		rundine iniens	139
duo lintea petens	244	V	
Serpens saxo oppressus	231	Vaticinator	54.152
Serpens & agricola	157	Venator & perdix	159
Serpens & cancer	62	Vermis & uulpes	80
Serpens	78	Vespæ, perdices, & agricola	
Seruus asinam heri è rupe			162
deiciens	239	Vespertilio, rubus, & mergus	
Simia & uulpes	143		58
Simia, & eius proles, siue lu		Vespertilio & mustela	74
pter	114.120	Viator & Mercurius	54.158
Simia & uulpecula	99	Viatores duo	66
Simia & duo eius nati	163	Viatores & sarmenta	75
Simiz & pardalus	167	Vidua & asinus uiridis	207
Simius & Delphis	68	Vidua operarium suum cō-	
Singularis & uulpes	58	iugio sibi copulans	218
Sol & aquilo	117	Vipera & lima	98
Sus & canis	62	Vir auarus facculum nūmo-	
Sus & canis	62.193	rum alloquens	215
Sylua & rustic	98	Vir qui ad Cardinalem nu-	
T		per creatū gratulandi gra-	
Talpa & mater	162	tia accessit	188
Taurus & leo	121	Vir sepem destruens ut inu-	
Taurus & caper	119	tilem	250
Taurus & mus	125	Vir se felicitatis suę causam,	
Testudo & aquila	60.116	infelicitatis uerò fortunā	
Testudo ab aquila sublata		dicens	254
in altum	220	Vir beneficus in latrones in-	
Testudo & ranæ	190	cidens	240
Thymnus & delphinus	53.	Vir thesaurum compatre cō	
146		scio abdens	242
Turdus uiseo captus	246	Vir lapidatus resurrexit	231
Tigris & uulpes	121	Vir auarus moriens	229
Trabs & boues eam trahen-		Vir decrepitus arbores infe-	
tes	184	rens	242
Trabs boum pigritiam in-		Vir mitis, & uicinus male-	
ciepans	193	dicus	225
Tubicen, siue buccinator		Vir pisciculos sciscitans de	
49.155		morte patris	224
Turdus amicitiam cum hi-		Vir & uxor bigami	197
		Vir mali	

I N D E X

Virum ignis & dæmō	199	Vulpes sine cauda	132
Vir zelotypus qui uxorem		Vulpes & rubus	132
dederat custodiendā	201	Vulpes & crocodilus	133
Vir clysteria recusans	201	Vulpes & uenatores	133
Vir inops & infirmus	177	Vulpes esuriens	136
Vir agricola	135	Vulpes quædam	159
Vir amicos experiri uolens		Vulpes carnes leporis cani	
209		laudans	210
Vir & uxores	164	Vulpecula & ciconia	93
Vir dines illiteratus: & uir		Vulpecula & mustela	100
pauper, sed doctus	234	Vulpes & aquila	107
Vir qui ouū se peperisse uxo		Vulpes & feles	165
ri dicit	228	Vulpes & mulieres gallinam	
Vir experiri uolens uxoris		edentes	183
mentem	226	Vulpes	222
Vir uxorem defunctam de-		Vulpes & rusticus	251
flens	218	Vulpes & gallina incubans	
Vitula & bos	142	236	
Vitulus & cernua	153	Vulpes & gallus	232
Vlmus & filer	198	Vulpes & canis	232
Vpupa indigne honorata		Vulpes & lupus	223
194		Vulpes capta à cane	235
Vrsus & apes	192	Vultur & alix aues	114
Vrsus uxori oculū eruit	235	Vultur & canes	233
Vulpes & caper siue tragus		Vxorem ducturus rogat a-	
44.131		micos ut Deū pro se orent	
Vulpes & pardus	44.137.	241	
64		Vxor maritum ob pullos	
Vulpes & leo	49.107.131	male seruatos uerberās	254
Vulpes & caput quoddam		Vxorem non cognoscens ut	
50.134		felix euaderet	249

SEB. GRYPH. GERMANVS

EXCVD. LVGDVNI

M. D. XLVIII.



S

6459



